

Haksolok
iha
KRISTU



Ellen Gould White

Haksolok
iha
KRISTU

Ellen Gould White



Translate by

Mariano da Cruz
Maria L. dos Santos M.

Editor

Inaciu da Kosta

Haksolok
iha
KRISTU

Konteúdu sira

1. Maromak nia Domin ba Ema.....	2
2. Pekadór sira nia Presiza Kristu	9
3. Arrendimentu	14
4. Konfisaun	28
5. Konsagrasaun	33
6. Fiar no aseitasaun.....	39
7. Teste ba dixipuladu.....	46
8. Kresimentu iha Kristu	55
9. Serbisu no Moris	64
10. Koñesimentu kona-ba Maromak	71
11. Orasaun nia privilejiu.....	78
12. Saida mak atu halo ho Dúvida	90
13. Haksolok iha Na'i.....	99
14. Disionáriu	111

Kapítulu 1

MAROMAK NIA DOMIN BA EMA

Natureza no Revelsaun fó testamuña hanesan kona-ba Maromak nia Domin. Ita-nia Aman iha Lalehan mak hun ba moris, Sabedoria, no haksolok nian. Hateke ba buat furak no kapa'as natureza nian. Hanoin kona-ba sira nia adaptasaun maravilloza ba nesesidade sira no haksolok, la'ós ba ema nian de'it, maibé ba moris kriatura sira hotu-hotu. Loro-matan no udan ne'ebé fó haksolok no fó fresku ba rai, foho-oan sira, tasi sira no rai tetuk sira, hotu-hotu ko'alia Kriadór nia domin ba ita. Ne'e mak Maromak ne'ebé fornese nesesidade loroloron nian ba Ninia kritura hotu-hotu. Hanesan iha liafuan furak sira husi Salmista.

“Matan hotu-hotu hein iha Ita-boot; no Ita-boot fó sira sira-nia hahán iha nia tempu. Ita-boot mak loke Ita-boot nia liman, no fó satisfoitu ba dezeju husi buat moris hotu-hotu.” Salmo 145:15,16.

Maromak halo ema ho-perfeitu, Santu, no kontenti; no rai justu ,bainhira nia mai husi Kriadór nia liman la lori estragu ka malisan mahon nian. Ne'e tranzgresau ba Maromak nia Lei--- Lei domin nian--- ne'ebé lori sofrimentu no mate. Maske iha sofrimentu klaran ne'ebé rezulta husi pekadu, Maromak nia domin revela nafatin. Ne'e hakerek nanis katak Maromak fó malisan ba rai tan de'it ema. Genesis 3: 17. Ai-tarak no kardu--difikuldade sira no provasaun sira ne'ebé halo ninia moris nakonu ho serbisu-maka'as no kuidadu-- ne'ebé aponta tiha ba ninia diak nu'udar parte ida husi treinamentu nesesáriu iha Maromak nia planu hodi hasa'e ninia ruina no moe

ne'ebé pekadu lori tiha ona mai. Mundu ne'e, mezmu monu ona, ne'e la sofre hotu no terus hotu. Iha natureza rasik nu'udar mensajen esperanza no konfortu. Iha-ne'ebá aifunan sira iha tardu sira nia leten no ai-tarak taka ho ai-funan-roza sira.

“Maromak mak Domin” ne'e hakerek nanis iha kada abertura natubu leten, iha kada duut matak leten . Manu furak sira ense ár ho sira-nia knananuk haksolok, aifunan mamar koloridu iha sira-nia perfeisaun hamorin ár, ai sira ne'ebé aas husi floresta ho sira nia tahan matak sira-- hotu-hotu fó testamuña ba laran-maus, kuidadu aman nian husi ita-nia Maromak no ba Nia dejezu atu halo Ninia oan-sira kontenti.

Maromak nia liafuan revela Ninia karakter. Ninia An-rasik deklara tiha ona Ninia domin rohan-laek no sadi'a. Bainhira Moizes halo orasaun” hatudu Ita-boot nia Glória mai ha'u”, Maromak hatan “ Ha'u sei halo Ha'u-nia laran-diak hotu la'o-liu iha ita-boot-nia oin” Exodu 33:18-19. Ida-ne'e mak Ninia Glória. Maromak la'o iha Moizes nia oin hodi dehan, “ Na'l, Na'l, Maromak, laran-sadi'a no nakonu grasa, pasiénsia, no buras iha laran-diak no Lialoos, hatudu laran-sadi'a ba ema rihun ba rihun, perdua injustisa, tranzgresau no pekadu.” Exodu 34:6-7. Nia ne'e “la hirus lalais, no nakonu ho laran-diak,” “ tanba Nia kontenti iha laran-sadi'a.” Jonas 4:2; Miqueia 7:18.

Maromak kesi tiha ona ita-nia fuan ba Nia ho sinál konta-labelek iha lalehan no iha rai. Liu-husi buat sira natureza nian, klean no mamar tebes lasu rai nian ne'ebe ema nia fuan bele imajina, Nia buka tiha ona atu

revela Nia-an ba ita. Maibé sira-ne'e seidauk reprezenta Ninia domin ho perfeitu. Maske evidénsia sira ne'e hotu-hotu fó-tiha-ona, di'ak nia inimigu hadelek ema nia hanoin, atu nune'e sira hateke ba Maromak ho ta'uk; sira hanoin ba Nia nu'udar hirus no perdua-laek. Satanás dirije ema atu imajina Maromak iha atributu ne'ebé la iha justisa, --Juiz ne'ebé toos, maldozu no kreditór hois. Nia imajina Kriadór hanesan ema ne'ebé hateke ho matan jeloza hodi haninu ema nia kulpabilidade no pekadu sira, nune'e Nia bele tau julgamentu ba iha sira nia leten. Ida-ne'e atu hasai nakukun nia mahon, liu-husi revela Maromak nia domin infinitu ba mundu, tanba ne'e mak Jezús mai hodi hela iha ema nia leet.

Maromak nia Oan-mane mai iha husi lalehan atu halo manifesta Aman." Laiha ema ida mak haree tiha ona Maromak iha tempu ne'ebe de'it; Oan-mane mesak de'it, ida ne'ebé iha Aman nia sorin kuana, Nia mak deklarara ona Nia" João 1:18. "La iha ema ida mak koñese Aman maibé Oan-mane de'it no ema sira ne'ebé koñese Nia liu husi Oan-mane ne'ebe hakarak deklarara." Mateus 11:27. Bainhira dixipulu ida husu," Hatudu Aman ba ami," Jezús hatan, " Ha'u hela kleur ona ho imi maibé ita-boot seidauk koñese Ha'u, Filipe? nia ne'ebé haree haree Ha'u haree tiha ona Aman; maibé ita-boot sei dehan hatudu Aman ba ami?" João 14:8,9.

Deskreve Ninia misaun iha mundu, Jezús hateten Na'i "ordena ona Ha'u atu haklaken evanjelu ba ema kiak; Nia haruka ona Ha'u atu kura ema ne'ebé lakon-neon, atu haklaken libertasaun ba prizioneiru sira, no rekupera matan-delek hodi haree, no fó liderdade ba sira ne'ebé iha opressaun okos". Lucas 4:18. Ida-ne'e mak

Ninia serbisu. Nia ba hodi halo diak no kura sira-hotu ne'ebé mak hetan opresaun husi Satanás. Iha-ne'ebá aldeia sira tomak laiha halerik ida moras nian iha uma ruma, basá Nia lao-liu husi sira no kura sira nia moras hotu. Ninia serbisu fó evidénsia ba Ninia ordenasaun divinu. Domin, Laran-sadi'a no kompaixaun ne'e revela iha asaun hotu-hotu husi Ninia moris; Ninia fuan fó-sai simpatia ba ema nia oan sira. Nia foti ema nia natureza, nune'e Nia bele alkansa ema nia nesesidade. Ema kiak liu no haraik-an liu la tauk atu hakbesik ba Nia. To'o labarik kiik-oan mós sira hetan atrai ba Nia. Sira hadomi atu sa'e Ninia ain-tuur no hateke ba Ninia oin mamar, laran-murak ho domin.

Jezús la halakon liafuan ida husi lialoos, maibé Nia sempre hato'o ho domin. Nia ezerse ho taktu no nakonu ho neon, atensaun ho laran-diak no konsidera ema. Nia nunca toos, nunca hato'o liafuan ne'ebé la nesesariu ba ema, nunca fó laran-moras ba klamar ne'ebé sinsitivu. Nia la dezaprova ema nia frakeza. Nia hato'o lialoos, maibé sempre ho domin. Nia denúnsia laran-makerek, fiar-laek, no injustisa; maibé matan-been iha nia lian bainhira Nia hato'o Nia siak ne'ebé halo ema nia laran-kanek. Nia tanis ba Jeruzalem, sidade ne'ebé Nia hadomi, maibé rejeita rejeita hodi simu Nia, ne'ebé mak dalan,lialoos no moris. Sira rejeita ona Nia, nu'udar Salvadór, maibé Nia hateke ba sira ho sadi'a no laran-maus. Ninia moris nakonu ho nega-an no nakonu ho tau-matan ba ema sira seluk. Klamar hotu-hotu folin-boot iha nia matan. Enkuantu Nia lori Nia-an ho dignidade divinu, Nia hakruk ho laran-maus ba membru idaidak husi familia Maromak nian. Iha ema hotu-hotu

Nia haree klamar ne'ebé monu, ne'e mak Ninia misaun atu salva.

Kristu nia karakter hanesan ne'e mak hetan revela iha Ninia moris. Ida-ne'e mak Maromak nia karakter. Ne'e husi Aman nia fuan mak hamosu kompaisaun divinu, ne'ebé manifesta iha Kristu, suli ba ema nia oan sira. Jezús, laran-maus, Salvadór kompasivu, Maromak manifesta iha isin-lolon. 1 Tim 3:16

Ne'e atu soi ita tanba ne'e Jezús moris, terus no mate. Nia sai ema ne'ebé terus atu ita bele sai partisipante ba haksolok rohan-laek nian. Maromak fó-lisensa ba Nia Oan-mane doben, nakonu ho grasa no lialoos, mai husi mundu ne'ebé labele deskreve nia Glória ba mundu estragu no frustra ho pekadu, nakukun ho mate nia mahon no malisan. Nia fó-lisensa ba Nia atu husik Ninia fatin nakonu-domin ho adorasau husi anju sira, hodi sofre moe, insulta, haraik-an, odíu, no mate. "Kastigu ne'ebé ita lori atu hetan dame iha Nia leten; no husi Ninia kanek ita hetan isin diak." Izaiah 55:5 Hateke ba Nia iha dezertu, iha Getsemani, iha kruz leten! Maromak nia Oan-mane ne'ebé tadan-laek foti ba Nian naha-todan pekadu nian. Nia ne'ebé uluk Ida ho Maromak sente ba Nia klamar separasaun terrivel ne'ebé pekadu kauza entre Maromak ho ema. Hois husi Niniaibun tanis laran-terus, " Ha'u nia Maromak, Ha'u nia Maromak, tansá mak Ita-boot husik Ha'u?" Mateus 27:46. Ne'e pekadu nia naha-todan, sensasaun husi ninia terrivel boboot, husi ninia separasaun klamar husi Maromak- ne'e mak uluk harahun Maromak nia Oan-mane nia fuan.

Maibé sakrifisiu boot ida ne'e laós halo atu bele iha Aman nia fuan kria domin ida ba ema, laós atu halo Nia iha hakarak atu salva. Lae, lae! "Maromak hadomi tebes mundu tanba ne'e Nia fó Nia Oan-mane mesak." Joao 3:16. Aman hadomi ita, laós tanba fó-tulun boot, maibé Nia fornese fó-tulun tanba Nia hadomi ita. Kristu nu'udar meiu husi ida-ne'ebé Nia bele hatún Nia domin infinitu ba mundu ne'ebé monu-ona. " Maromak uluk iha Kristu atu hadame mundu ba Nia-an." 2 Korinto 5:19. Maromak sofre ho Nia Oan-mane. Iha sofrimentu Getsemani, mate iha Kalvariu, fuan husi Domin Infinitu selu folin husi ita-nia sasoin.

Jezús hateten, "ho nune'e , Ha'u-nia Aman hadomi Ha'u, tanba Ha'u fó Ha'u-nia moris, nune'e Ha'u bele foti nia fali." João 10:17. Ne'e mak, Ha'u-nia Aman hadomi tebes imi ne'ebe sei hadomi liu Ha'u hodi fó Ha'u-nia moris atu soi imi. Sai imi-nia Substitui no garantia, husi entrega Ha'u-nia moris, hodi foti imi-nia frakeza sira no tranzgresaun sira, Ha'u sai hadomi liu ba Ha'u-nia Aman; basá ho Ha'u-nia sakrifisiu Maromak bele sai justu no mezmú tempu," Justifikadór ba ema ne'ebé iha fiar ba Jezús." Roma 3:26.

Laiha-ema-ida maibé Maromak nia Oan-mane bele akaba ita-nia sasoin; basá Nia de'it ne'ebé iha Aman nia sorin-kuana mak bele fó-sai. Nia de'it ne'ebé hatene domin nia altura no profundo husi Maromak mak bele manifesta. Laiha buat ida menus husi sakrifisiu infinitu halo husi Kristu konforme ba ema ne'ebé monu ona bele espresa Aman nia domin ba humanidade lakon ona.

“Maromak hadomi tebes mundu, nune’e Nia fó Nia Oan-mane mesak.” Joao 3:16. Nia fó laós atu hela iha ema nia leet de’it, atu lori sira nia pekadu sira, no mate ba sira-nia sakrifisiu, Nia (Aman) fó Nia (Kristu) ba rasa ne’ebé monu ona. Kristu atu identifika Nia-an ho interese no nesesidade umanidade nian. Nia ne’ebé uluk hamutuk ho Maromak liga Nia-an ho ema nia oan sira liu-husi tali-kesi ne’ebé nunka kotu. Jezús ne’e “la-moe hodi bolu sira maun alin;” Ebreu 2:1. Nia mak ita-nia sakrifisiu, ita-nia Advogadu, ita-nia Maun, lori ita-nia forma úmanu hodi apresenta iha Aman nia tronu, no liu-husi sekulu eternu sira, ida ho rasa ne’ebé Nia Maromak nia Oan-mane soi ona--Sira ne’e hotu atu nune’e bele hasa’e ema husi sobun no kastigu husi pekadu, nune’e nia bele refleta Maromak nia domin, no partisipa iha ksolok santidade nian.

Folin selu ona ba ita-nia sasoin, sakrifisiu infinitu husi ita-nia Aman lalehan ne’ebé fó Ninia Oan-mane hodi mate ba ita, fó tiha ba ita konseitu aas kona-ba ita bele atu sai saida liu-husi Kristu. Bainhira apóstolu inspiradu João haree aas, klean no luan husi Aman nia domin ba rasa ne’ebé lakon, nia uluk nakonu adorasau no reverénsia; no, nia falla atu hetan lian aproriadu ida-ne’ebé atu espresa boot liu no mamar liu domin ida-ne’e, nia bolu ba mundu atu atensaun ba ne’e. “haree domin boot oinsa mak Aman haraik ona ba ita, nune’e bolu tiha ita nu’udarMaromak nia oan sira.” 1 João 3:1. Valór sá mak iha ema nia leten! Liu-husi tranzgresau , ema nia oan sira sujeitu ba Satanás. Liu-husi fiar iha Kristu nia sakrifisiu espiatóriu, Adaun nia oan sira bele sai Maromak nia oan sira. Liu-husi assume natureza umanu, Kristu hasa’e umanidade. Ema monu ona koloka

iha pozisaun ne'ebé, liu-husi ligasaun ho Kristu sira bele sai loloos merese ho naran “Maromak nia oan sira.”

Domin hanesan ne'e sein paralelu. Aman laleha nia oan-sira! Promesa folin-boot! Tema ba meditasaun profundu liu! Maromak nia domin ne'ebé labelle kompara ba mundu la hadomi Nia! Hanoin ida ne'e iha ezerse podér ukun klamar, no lori neon ba dadur laran ba Maromak nia hakarak. Ita estuda liu-tan karakter divinu iha naroman husi kruz, ita haree liutan laran-sadi'a , laran-maus, no perdaun kahur ho justu no justisa, no klaru liu tan ita haninu domin ida nia evidénsia sura-labellek ne'ebé mak infinitu, no laran-maus sadi'a liu fali inan ida nia simpatia iha ninia oan ne'ebe gosta kontra.”

Kapítulu 2

PEKADÓR SIRA NIA PRESIZA KRISTU

Emá horiuluk hariku ho podér noble no neon balansu ho diak. Nia uluk perfeitu iha nia moris no iha armonia ho Maromak. Ninia hanoin sira moos, ninia objetivu sira santu. Maibé liu husi disobediénsia, ninia podér sira perverte tiha no egoismu foti domin nia fatin. Nia natureza sai fraku liu-husi tranzgresaun ne'ebé mak imposivel ba nia, iha nia forsa mesak hodi kontra hasoru

buat aat. Nia uluk sai atan husi Satanás, no nia sei nafatin sai nune'e karik Maromak la sikat ho espesiál. Ne'e tentador nia objevu atu habekan planu divinu iha kriasaun ema nian, no ense rai ho terus no sasobuk. No nia aponta buat aat hot-hotu nu'udar konsekuénsia husi Maromak nia serbisu kria ema. .”

Iha ninia estadu pekadu-laek, ema hari'i komuñauñ ksolok ho Nia. “ iha Nia mak subar riku-soin sabedoria no koñesimentu.” Koloso 2:3. Maibé hafoin nia pekadu, nia labele hetan ona ksolok iha santidade, no nia buka atu subar iha Maromak nia prezensa. Ohin loron sei hanesan ne'e ba kondisaun fuan ne'ebé la hafoun. Ne'e la iha armonia ho Maromak, no la hetan ksolok iha komuñauñ ho Nia. Pekadór la senti kontenti iha Maromak nia prezensa; nia sei ta'uk no hasubar-an husi dadulur moris santu sira. Karik permite nia atu tama lalehan, ne'e sei laiha ksolok ba nia. Espiritu husi domin la egoista ne'ebé mak ukun iha ine'ebá---iha ne'ebé fuan idaidak hatan ba fuan Domin Infinitu nian—sei la hetan simu iha ninia klamar. Ninia hanoin sira, ninia interese sira, ninia motivu sira sai diferente ba sira ne'ebé pekadu-laek hela iha ine'ebá. Nia bele sai nota la konkorda ho melodia lalehan nian. Lalehan sai fatin torturasaun ba nia; nia hakarak subar husi Nia ne'ebé naroman no sentru ba haksolok hotu. Ne'e laós dekretu arbiru iha parte Maromak nian ne'ebé esklui ema aat sira husi lalehan; sira hasai husi lalehan liu-husi sira nia ajusta-laek rasik ba ninia dadulur. Maromak nia glória ba sira sai fali ahi ne'ebé han-mohu. Sira hakarak simu destruisaun, nune'e sira bele subar husi Ninia oin ne'ebé mate tiha ona atu soi sira.

Ne'e impoisivél ba ita, ita-nia an, atu halai husi pekadu nia rai-luan-kuak iha ida-ne'ebé ita atu mout iha laran. Ita-nia fuan sira foer, no ita labele transforma sira." Sé mak bele lori sai buat mós husi buat foer? Laiha ema ida". Jó 14:4. "Isin-lolon nia hakarak mak inimigu kontra Maromak: tanba nia la sujeitu ba lei Maromak nian, nein sei labele duni." Roma 8:7. Edukasaun, kultura, hala'o vontade, úmanu nia esforsu, sira hotu iha esfera asaun rasik, maibé iha kazu ne'e sira nia podér menus. Sira bele prodús koreksaun hahalok husi liur de'it maibé sira labele muda fuan; sira laiha kapasidade atu halo-moos bee-matan moris nian. Ne'e tenki iha podér ida serbisu iha laran, moris foun ida husi leten, molok ema bele muda husi pekadu ba santidade. Podér ne'e mak Kristu. Ninia grasa mesak mak bele halais fakuldade moris-laek klamar nian, no atrai ba Maromak, ba santidade.

Salvadór hateten," exetu ema moris husi leten"- se lae nia sei la simu fuan foun ida, hakarak foun sira, objetivu no motivu sira ne'ebé lori ba moris foun, "nia labele haree reinu lalehan." João 3:3. Idea ne'ebé mak presija de'it atu dezenvolve buat diak ne'ebé eziste iha ema husi natureza, ne'e bosok mate-lorik nian. "Ema natureza la komprende buat sira husi Maromak nia Espiritu, basá sira beik no labele hatene tanba sira haninu ho espirituál." 1 Korinto 2:14. Keta hakfodak tanba Ha'u hatete ba imi, imi tenki moris foun fali." João 3:7. Ne'e hakerek nanis kona-ba Kristu: "Iha Nia mak moris; no moris ne'e mak ema nia naroman." João 1:4. –"naran mesak ne'ebé iha lalehan okos fó ba ema, iha nia mak tenki hetan salva." Apóstolu 4:12.

Ne'e la to'o atu sente Maromak nia laran-maluk, atu haree laran-murak, laran-maus aman nian husi Ninia karakter. Ne'e la to'o atu rekoñese sabedoria no justisa husi Ninia lei, haree katak ne'e hari'i iha prinsipiu rohan-laek domin nian. Apóstolu Paulo haree sira ne'e hotu bainhira nia fota-liafuan "ha'u konsente ba lei katak nia diak." "lei ne'e santu no mandamentu santu, justu no diak." Maibé nia tusi, iha laran-moruk husi ninia klamar triste no lakon-neon, "ha'u ema-isin nian, faan tiha ona ba pekadu." Roma 7: 12-14,16. Nia laran-kaan ba kamoos, justisa, hodi ida ne'ebé iha nia-an, nia podér menus atu alkansa, no nia fota-liafuan-ho-tanis, "ha'u ema aat sé mak sei halivre ha'u husi isin-lolon mate ida-ne'e?" Romano 7:24. Hanesan ne'e mak tanis ne'ebé mosu mai husi fuan todan sira iha rai hotu-hotu no iha tempu hotu-hotu. Maibé iha de'it resposta ida ba sira ne'e hotu, "haree ba Maromak nia bibi-oan, ida-ne'ebé kasu mundu nia pekadu." João 1:29.

Ilas barak mak husi ida-ne'ebé Maromak nia Espiritu buka atu ilustra lialoos ida-ne'e no halo nia klaru ba klamar sira ne'ebé hakarak atu livre husi naha-todan kulpa nian. Bainhira Jakob hafoin ninia pekadu hodi habosok Essau, nia halai husi ninia aman nia uma, nia hela ho fuan tuku-tuku ho konxiénsia kulpa. Sente mesmesak no ema hotu hakribi nia, ketak tiha husi buat hotu ne'ebé halo nia moris folin, hanoin ida ne'ebé aas liu husi sira seluk hotu hanehan nia klamar mak tauk katak ninia pekadu hasai tiha nia husi Maromak, katak lalehan rejeita ona nia. Iha nia tristeza nia toba hodi deskansa iha rai tanan, foho-oan sira de'it mak haleu nia, no iha leten lalehan nabilan ho fitun sira. Bainhira nia toba tiha naroman estrañu mosu mai iha nia vizaun;

no iha fatin tanan ne'ebé nia toba lalatak hanesan eskada ne'ebé husi rai to'o portaun lalehan, no iha eskada sira-ne'e nia leten anju sira tuun no sa'e; enkuantu glória husi leten nia rona lian divinu mensajen konfortu no esperanza. Hanesan ne'e halo Jakob hatene katak ida-ne'ebé halo satisfeitu ba nia presiza no laran-kaan husi ninia klamar---Salvadór ida. Ho ksolok no kontenti nia haree revela tiha ba nia dalan ida husi ida-ne'ebé nia, pekadór ida, bele restaura atu iha komuñau ho Maromak. Eskada místika iha ninia mehi reprezenta Jezús, mediu mesak de'it husi komunikasaun entre Maromak ho ema.

Ida-ne'e figura hanesan ba ida-ne'ebé Kristu refere iha nia dada-lia ho Natanael, bainhira Nia dehan, "ó sei haree lalehan nakloke, no anju sira husi Maromak tun no sae iha ema nia Oan-mane nia leten." João 1:51. Iha apostazia, ema hadook nia-an husi Maromak; Rai haketak husi lalehan. Liu husi kuak-haketak ne'ebé iha sira leet, laiha komuñau. Maibé liu husi Kristu, rai liga fali ho lalehan. Ho Ninia méritu rasik, Kristu lansa ponte ba kuak-haketak ida-ne'ebé pekadu halo tiha ona, nune'e anju sira ne'ebé halo miniteriu bele mantein komuñau ho ema. Kristu halo uniaun ema monu ona iha ninia forsa-laek no tulun-laek ho Hun husi podér infinitu.

Maibé la vale mak ema nia mehi ba progesu, esforsu hotu hodi hasa'e humanidade la vale, karik sira ignora esperanza nia Hun ida no ajuda ba rasa ne'ebé monu. "prezente diak hotu-hotu no prezente perfeitu hotu-hotu" (Tiago 1:17) mai husi Maromak. Iha ne'ebá laiha karakter exelénsia loloos mak ketak husi Nia. No dalan

mesak de'it ba Maromak mak Kristu. Nia hetete, "Ha'u mak dalan, lialoos no moris: laiha ema ida ba Aman karik la liu husi Ha'u." João 14:6.

Maromak nia fuan hakarak ho laran manas tebetebes ba Ninia oan sira iha rai ho domin forsa liu duke mate. Hodi entrega Ninia Oan-mane, Nia fakar hotu ba ita lalehan tomak iha prezente ida. Salvador ninia moris, mate no intersesaun, ministériu husi anju sira, defende husi espiritu, Aman serbisu iha leten no liu hotu-hotu, interese ne'ebé laiha fin husi moris iha lalehan nian,--hotu-hotu lista ona importansia husi ema nia sasoin.

Oh! Mai ita konsidera sakrifisiu maravillozu ne'ebé halo tiha ona ba ita! Mai ita koko hodi apresia serbisu no enerjia ne'ebé Lalehan dedika hodi reklama sira ne'ebé lakon ona, no lori sira fila fali ba Aman nia uma. Motivú forsa liu, no ajénsia nakonu ho forsa tebetebes, nunka lori ba operasaun; selu-kole exelente ba obra diak, ksolok lalehan nian, sosiedade husi anju sira, komuñau no Maromak nia domin no Nia Oan Mane, hasae no hanaruk ba ita nia podér hotu-hotu husi sekulu eternidade nian-- sira ne'e la kbiit insentivu sira no konrajen atu litik ita hodi fó fuan nia domin serbisu ba ita nia Kriadór no Maksoin?

No, iha parte seluk, Maromak nia julgamentu pronúnsia hasoru pekadu, retribusaun inevitavel, hamoe ita nia karakter, no destruisaun final ne'e apresenta iha Maromak nia liafuan atu aviza ita kontra servisu Satanás nian.

Ita la konsidera Maromak nia laran-sadi'a? Saida tan mak Nia bele halo? Mai ita tau ita-nia-an iha relasaun diak ba Nia ne'ebé hadomi tiha ona ita ho domin maravillozu. Mai ita tulun ita-nia-an liu husi meiu ne'ebé fornese ona ba ita atu ita bele transforma sai hanesan Ninia imajen, no restaura fali atu klibur ho anju sira ne'ebé serbí, atu armonia no komuñau ho Aman no Oan-mane.

Kapítulu 3

ARREPENDIMENTU

Oinsa mak ema sai justu iha Maromak nia oin? Oinsa mak ema pekadór halo sai ema loos? Ne'e liu husi Kristu de'it mak bele lori ita ba armonia ho Maromak, ho santidade; maibé oinsa mak ita bele mai ba Kristu? Ema barak mak husu pergunta hanesan ne'ebé ema-lubun boot halo iha Loron Pentekosta, bainhira konvense tiha husi pekadu, sira tanis husu, "Saida mak ita atu halo?" Pedro nia liafuan dahuluk hodi hatan mak, "Arrepente." Apóstolu 2:37,38. Iha tempu seluk, lakleur oitaoan hafoin nia dehan: "Arrepente,..... no konverte tiha, nune'e imi-nia pekadu sira bele hamoos." Apóstolu 3:19.

Arrependmentu inklui triste tan pekadu no hasees an husi nia. Ita sei la renunsia husi pekadu enkuantu ita lahatene ninia rezultadu aat: karik ita la hadook husi nia(pekadu) loloos iha ita nia fuan, maka laiha mudansa loloos iha moris.

Iha ema barak mak falla atu komprende natureza loloos husi arrependmentu. Ema-lubun boot triste katak

sira nia pekadu tiha ona no to'o sira halo reformasaun iha sorin-liur hotu tanba sira ta'uk katak hahalok ladiak lori sofrimentu ba sira nia leten. Maibé ida-ne'e laós sentidu arrendimentu ne'ebé fó iha Bíblia. Sira lamenta sofrimentu duké pekadu ne'e rasik. Hanesan Esau laran triste tebes bainhira nia haree katak direitumoris dahuluk nian lakon ona ba nia nafatin. Balaun ta'uk husi anju ne'ebé hamriik iha ninia dalam ho lori-surik, rekoñese ninia pekadu selae nia lakon nia moris; maibé iha ne'ebá laiha arrendimentu loloos ba pekadu, laiha konversaun husi objetivu no laiha hakribi buat aat. Judas iskariotes, hafoin trai ninia Na'in, nia fota-liafuan, " Ha'u halo pekadu tiha ona katak ha'u trai pekadu-laek." Mateus 27:4.

Konfisaun ne'ebá obriga husi ninia kulpa klamar liu-husi konxiénsia kondenasau orrivel no ta'uk tebetebes hodi haree ba julgamentu. Konsekuensi ne'ebé atu rezulta ba nia hakonu nia ho ta'uk liu, maibé iha ine'ebá laiha triste tebes ho fuan-kanek-klean iha nia klamar, katak nia trai tiha ona Maromak nia Oan-mane pekadulaek no nega tiha Santu ida husi Izrael. Faraun bainhira sofre iha Maromak nia julgamentu okos, rekoñese nia pekadu atu halai sees husi kastigu; maibé sadik filafali Lalehan bainhira peste sira laiha tiha. Sira ne'e hotu lamenta rezultadu husi pekadu, maibé la triste ba pekadu ne'e rasik.

Maibé bainhira fuan saran ba influénsia husi Maromak nia Espiritu, konxiénsia sei halalais, no pekador sei haree buat ruma husi klean no sagrada husi Maromak nia lei santu, fundasaun husi Ninia governu iha lalehan no iha rai leten. " Naroman ida-ne'ebé leno ema

hotu-hotu ne'ebé mai iha mundu," leno segredu kehan husi klamar, no buat subar nakukun nian halo ita bele haree. João 1:9. Konviksaun kaer metin ita-nia neon no fuan. Pekadór iha sensu justisa husi Maromak no sente tauk liu husi mosu mai iha ninia kulpa rasik no la moos iha Makbukak fuan sira nia oin. Nia haree Maromak nia domin, santidade nia furak, kamoos nia ksolok; Nia hakarak atu hamoos tiha no atu restaura fali hodi komuñau ho Lalehan.

David nia orasaun hafoin ninia monu, ilustra natureza husi triste loloos ba pekadu. Ninia arrendimentu sinseru no klean. Iha-ne'ebá laiha esforsu atu hamenus ninia kulpa; laiha dezeju atu halai husi julgamentu ameesa inspira ninia orasaun. David haree sukat-labelek husi ninia tranzgresaun; nia haree foer-tiha-ona iha ninia klamar; nia hakribi ninia pekadu. Ne'e laós perdaun de'it mak nia halo orasaun ba maibé ba fuan kamoos. Nia laran-kaan ba ksolok santidade nian---atu restaura hodi armonia no komuñau ho Maromak. Ida-ne'e mak dalen husi ninia klamar:

"Rahun diak mak nia ne'ebé ninia tranzgresaun hetan perdaun, ninia pekadu taka tiha ona. Rahun diak mak ema ne'ebé ba nia Maromak la tau pekadu, no iha nia bosok laiha." Salmo 32:1-2

"Laran-sadi'a ba ha'u O Maromak, tuir Ita-boot nia kariñozu

Tuir Ita-boot nia laran-luak-murak hamoos ha'u-nia tranzgresaun sira...

Basá ha'u rekoñese ha'u-nia tranzgresaun sira: no ha'u-nia pekadu ne'ebé iha ha'u-nia oin...

Hakamoos ha'u ho hissopu , no ha'u sei moos:

Fase ha'u no ha'u sei sai moos liu duké neve...

Kria iha ha'u fuan moos, O Maromak;

No hafoun espiritu loos iha ha'u.

Keta soé ha'u husi Ita-boot nia prezensa; No keta foti Ita-boot nia Espiritu Santu husi ha'u; Restaura iha ha'u ksolok husi Ita-boot nia Salvasaun; No hametin ha'u ho Ita-boot nia espiritu livre...

Hasai ha'u husi raan nakonu ho pekadu nian, O Maromak, Ita-boot mak Maromak ba ha'u-nia salvasaun: No ha'u-nia nanal sei hananu maka'as ho Ita-boot nia justisa." Salmo 51:1-14.

Arrependimentu hanesan ida-ne'e, liu ita-nia podér atu realiza; ida-ne'e hetan de'it husi Kristu, ne'ebé saé aas ona ba leten no fó tiha ona prezenti ba ema.

Hanesan iha ne'e iha pontu ida ba iha ida-ne'ebé barak mak laloos, no tanba ne'e sira falla hodi simu ajuda ne'ebé Kristu hakarak atu fó ba sira. Sira hanoin katak sira labele mai ba Kristu karik sira seidauk arrepende uluk, no katak arrependimentu ne'e prepara ba perdaun husi sira nia pekadu sira. Ne'e loos katak arrependimentu mai-uluk-ba perdaun husi pekadu sira; basá ne'e fuan dodok no fuan kanek tan pekadu maka sei senti presiza Salvadór ida. Maibé tenki pekadór hein to'o nia arrepende tiha molok nia bele mai ba Jezús ka?

Bíblia la hanorin ba ita katak pekadór tenki arrepende molok nia bele simu Kristu nia konvite, " Mai ba Ha'u imi ne'ebé serbisu no iha todan, no Ha'u sei fó kamaan ba imi." Mateus 11:28. Ida-ne'e virtude ne'ebé laó ba oin husi Kristu, ne'ebé dirije ba arrependimentu

loloos. Pedro halo asuntu ne'e klaru iha nia afirmasaun ba ema Izrael sira bainhira nia dehan," Maromak hasae tiha ona Nia ho Ninia liman loos atu sai Liurai oan mane no Salvadór ida, hodi fó arrependimentu ba Izrael, no perdaun ba pekadu." Apóstolu 5:31.

Ita labele hetan perdaun sein Kristu, nune'e mós ita sei la arrepende sein Kristu nia Espiritu hafanu ita-nia konxiénsia.

Kristu mak hun husi impulsu loos hotu-hotu. Nia mesak de'it mak bele kuda iha fuan inimigu hasoru pekadu. Dezeju hotu-hotu ba lialoos no kamoos, konviksaun hotu-hotu husi ita-nia pekadu-tomak rasik, ne'e evidénsia katak Ninia Espiritu ne'e muda hela ita-nia fuan sira.

Jezús hateten tiha ona," bainhira Ha'u hasae tiha husi mundu ne'e, Ha'u sei dada ema hotu ba Ha'u." João 12:32. Kristu tenki revela ba pekadór sira núdar Salvadór mate ba mundu nia pekadu; no nu'udar ita hateke ba Maromak nia Bibi-oan iha kruz kalvariu leten, misteriu sasoin nian hahú atu loke ita-nia neon sira no Maromak nia diak dirije ita ba arrependimentu. Iha mate ba pekadór, Kristu manifesta domin ne'ebé ita-nia konpreensaun la to'o; no nu'udar pekadór hateke ba domin ida-ne'e, ne'e hamamar fuan, impresiona neon no inspira sentimentu fuan nakonu ho pekadu iha klamar.

Ne'e loos katak ema dalaruma sai moe husi sira-nia lala'ok pekadu no para husi sira nia abitu aat balu, molok sira konxiente katak dada hela sira ba Kristu. Maibé

bainhira de'it sira halo esforsu atu reforma, husi dezeju sinseru atu halo loos, ne'e podér Kristu ne'ebé dada hela sira. Influénsia ida ba sira ida-ne'ebé la konxiente iha sira nia klamar, no konxiensia halalais tiha sira, no haloos tiha moris liur nian. No nu'udar Kristu dada sira atu hateke ba Ninia kruz, hodi hateke ba Nia ne'ebé sira-nia pekadu hetan borus, mandamentu mai iha uma konxiensia. Nakonu ho laran aat iha sira nia moris, pekadu nia fatin klean, ne'e revela ba sira. Sira hahú atu komprende buat ruma kona-ba Kiristu nia justisa, no fota-liafuan, Saida mak pekadu, nune'e tenki presiza sakrifisiu ida hanesan ne'e ba sasoin husi ninia vitima? Domin ne'e hotu, sofrimentu ne'e hotu, haraik-an ne'e hotu, ezije, nune'e ita labele mohu, maibé iha moris rohan-laek?

Pekadór bele reziste domin ida-ne'e, bele rejeita atu hadada ba Kristu; maibé karik nia la reziste nia bele dada tiha ba Jezús; koñesimentu ida ba planu salvasaun nian sei dirije nia ba ain husi kruz iha arrepndimentu ba ninia pekadu sira, ida ne'ebé kauza tiha ona sofrimentu husi Maromak nia Oan-mane doben.

Hanesan Neon divinu ne'ebé mak serbisu dadaun iha buat sira natureza nian, ko'alia dadaun ba ema nia fuan sira no kria kaan ida ne'ebé espresa labelek ba buat ruma sira seidak iha. Buat sira mundu nian labele satisfás sira-nia laran-kaan. Maromak nia Espiritu husu namanas ho sira atu buka buat sira ne'ebé mesak de'it bele fó pás no deskansu---Kristu nia grasa, santidade nia ksolok. Liu-husi influénsia sira ne'ebé haree no la haree, ita-nia Salvadór ne'e la-para atu atrai ema nia neon sira husi prazér la satisfás husi pekadu ba bensan

infinitu ne'ebé bele sai sira nian iha Nia. Ba klamar sira ne'ebé ho saugati buka atu hemu iha tanke aat husi mundu ida-ne'e, mensajen divinu ne'e hatudu," Biar nia ne'ebé mak hamrook mai ba Ha'u. no nia ne'ebé hakarak, bair nia foti bee matan moris ho livre." Apokalipse 22:17.

Imi ne'ebé iha fuan hakarak ba buat ruma diak liu duké mundu ne'e bele fó, rekoñese laran-kaan ida ne'e nu'udar Maromak nia lian ba imi-nia klamar. Husu ba Nia atu fó arrendimentu, atu revela Kristu ba imi iha Ninia domin infinitu, iha Ninia kamoos perfektu. Iha Salvadór nia moris prinsipiu husi Maromak nia lei—domin ba Maromak no ema—sai exemplu perfektu. Hahalok loos, domin la egoista, mak moris husi Nia klamar. Ida-ne'e nu'udar ita hateke ba Nia, nu'udar naroman husi ita-nia Salvadór monu ba ita-nia leten, nune'e ita haree ba pekadu nakonu iha ita-nia fuan rasik.

Ita bele gaba-an, hanesan Nikodemos halo, katak ita-nia moris loos tiha ona, katak ita-nia karakter moral ne'e loos, no hanoin katak ita la presija iha fuan haraik-an iha Maromak nia oin, hanesan pekadór baibain: maibé bainhira naroman husi Kristu fó-naroman ba ita-nia klamar sira, ita sei haree ita la kamoos tebes; ita sei haree motive egoista, inimigu kontra Maromak, ne'ebé hafoer tiha ona asaun hotu-hotu iha moris. Tuirmai ita hatene katak ita-nia justisa rasik ne'e hanesa hena fo'er no aat, no nune'e Kristu nia raan mesak de'it mak bele hamoos pekadu nia fo'er no hafoun ita-nia fuan ho Ninia imajen.

Raiu ida husi Maromak nia glória, nabilan ida husi Kristu nia kamoos, penetra klamar, halo pekadu nia tadan hotu-hotu bele haree momoos, no nakloke karakter úmanu nia aleijadu no defeitu. Nia hamosu dezeju sira ne'ebé la santu, fuan ne'ebé la fiar-metin, ibun ne'ebé la kamoos. Pekadór nia asaun la leál hodi halo bekan Maromak nia lei, ne'e hatudu iha nia haree, no nia espiritu tuku no haterus iha okos husi buka influénsia Maromak nia Espiritu. Nia hakribi nia-an bainhira nia haree Kristu nia kamoos no karakter tadan-laek.

Bainhira profeta Daniel hateke ba glória haleu mensajeiru lalehan nian ne'ebé haruka ba nia, hia hetan domina ho sensu ida husi ninia frakeza no imperfeitu. Deskreve efeitu husi sena furak, nia dehan, " laiha forsa ida mak hela iha ha'u: basá ha'u-nia diak muda tiha iha ha'u ba korruptu, no ha'u hela ho forsa-laek." Daniel 10:8. Klamar ne'ebé hetan book sei ódiu ninia egoista rasik, sei rejeita ninia hadomi-an, no sei buka, liu-husi Kristu nia justisa, basá fuan nia kamoos ne'ebé iha armonia ho Maromak nia lei no Kristu nia karakter.

Paulo dehan katak nu'udar " kaer justisa ida-ne'ebé iha lei" --- preokupa ba asaun li'ur nian sira hotu—nia " pekadu-laek"(Filipe 3:6); maibé bainhira karakter Espirituál husi ne'e haninu, nia haree nia-an pekadór ida. Hetan julga husi surat lei nian ne'ebé ema aplika iha nia moris liur nian, nia hasees an husi pekadu; maibé bainhira nia hateke tiha ba klean husi ninia ukun-fuan santu sira, no haree ba nia-an hanesan Maromak haree nia, nia hakruuk ho haraik an no konfessa ninia kulpa. Nia dehan, " Ha'u dala ida moris sein lei: maibé bainhira

mandamentu mai, pekadu moris fali no ha'u mate." Roma 7:9. Bainhira nia haree ba natureza espirituál pekadu nian, pekadu mosu iha ninia subar loloos no ninia hana'i-an lakon tiha.

Maromak la konsidera pekadu hotu-hotu ho sasukat boot hanesan; iha ine'ebá grau sira husi kulpa iha Ninia avaliasaun, hanesan loos ne'ebé ema iha; maibé oinsamos ida-ne'e lavale ka asaun ladiak bele haree iha ema nia matan, laiha pekadu mak kiik iha Maromak nia haree. Ema nia julgamentu ne'e sorin de'it, la perfeitu; maibé Maromak avalia sasán hotu-hotu nu'udar sira iha duni. Lanu-teen hetan hebain no dehan ona katak ninia pekadu esklui nia husi lalehan; enkuantu orgullu, egoista, no matan-karak dala barak liu mosu lahetan haksi'ak. Maibé sira ne'e mak pekadu sira ne'ebé mak ofensivu spesiál ba Maromak; basá sira kontráriu ba laran-murak husi Ninia karakter, ba domin la-egoista ida-ne'ebé mak atmosfera rasik husi universe ne'ebé la monu. Nia ne'ebé mak monu ba pekadu boot sira ruma bele sente sensu ida husi ninia moe, kiak no nia presiza Kristu nia grasa; maibé orgullu sente la presiza no tan ida-ne'e taka fuan hasoru Kristutu no bensan infinitu ne'ebé Nia mai atu fó.

Taberna-na'in kiak ne'ebé halo orasaun," Maromak laran-sadi'a ba ha'u ema pekadór ida".(Lucas 18:13) nia konsidera nia-an nu'udar ema laran-at tebetebes, no sira seluk hateke ba nia iha naroman hanesan; maibé nia sente ninia presiza, no ho ninia naha-todan kulpa nian no moe nia mai iha Maromak oin, husu ba Ninia laran-sadi'a. Ninia fuan loke ba Maromak nia Espiritu atu halo serbisu nakonu ho grasa nian no halivre nia husi podér

pekadu nian. Ema Fariseu gaba-an, orasaun haloos-an hatudu katak ninia fuan taka hasoru influénsia husi Espiritu Santu. Tanba ninia distansia husi Maromak, nia laiha sensu husi ninia pekadu-foer rasik, iha kontraste ho perfeisaun santidade divinu nian. Nia sente la presiza, no la simu buat ida.

Karik imi haree imi-nia pekadu-tomak, keta hein atu halo imi-nia an diak liu. Hira mak iha ine'ebá hanoin sira la diak natoon atu mai ba Kristu. Imi hein atu sai diak liu liu-husi imi-nia esforsu rasik ka? “ Bele ka ema Etiópia muda ninia kulit, ka leopardu muda ninia tadan? bele imi mós halo diak, imi ne'ebé mak toman ona atu halo aat.”Jeremias 13:23. Iha Maromak de'it mak iha ajuda ba ita. Ita labele hein ba persuazaun forsa liu, ba oportunidade diak liu, ka ba kontrola-an santu liu. Ita labele halo buat ruma ba ita nia-an. Ita tenke mai ba Kristu hanesan ita iha.

Maibé biar laiha ema ida habosok sira-nia-an ho hanoin katak Maromak, iha Ninia domin boot no laran-sadi'a, sei salva maske sira ne'ebé rejenta ba Ninia grasa. Naresin pekadu-tomak husi pekadu bele avalia de'it iha naroman kruz nian. Bainhira ema litik katak Maromak ne'e diak demais atu hadook pekadór, biar sira hateke ba Kalvariu. Ne'e tanba iha ine'ebá laiha dalam seluk iha ida-ne'ebé ema bele hetan salva, tanba sein sakrifisiu ida-ne'e imposivel ba rasa úmanu atu halai-sees husi podér hafo'er pekadu nian, no restaura tiha filafali atu komuñau ho moris santu sira,---imposivel ba sira tan atu sai hola-parte ba moris espirituál nian,--- Ne'e tanba husi ida-ne'e katak Kristu foti ba Nia-an kulpa husi ema-la-obedese no sofre iha pekadór nia fatin.

Domin, sofrimentu no mate husi Maromak nia Oan-mané hotu-hotu fo-testamuña ba terrivel boot pekadu nian no deklarata katak iha-ne'ebá laiha halai-sees husi ninia podér, laiha esperanza moris aas liu nian, maibé liu-husi fó-ulun klamar nian ba Kristu.

Impenitente dala ruma permite sira nia-an liu husi profesa Kristaun, “ha'u nu'udar diak hanesan sira. Sira ne'e laiha tan ona nega-an, sériu, ka kuidadu iha sira-nia konduta duké ha'u. Sira hadomi prazér no gozu-an hanesan ho maneira ha'u halo.” Nune'e sira halo kulpa ema seluk nian no permite hodi ignora sira rasik nia devér. Maibé pekadu no defeitu ema seluk nian la fó permite ba ema ruma, basá Maromak la fó ba ita modelu úmanu nian laloos. Maromak nia Oan-mané tadan-laek fó tiha ona ba ita nu'udar ita-nia ezemplu, no sira ne'ebé murmura husi dalan laloos profesa Kristaun sira nian mak sira ida ne'ebé tenke hatudu moris diak liu no ezemplu nobreza sira. Karik sira iha konsesaun aas liu ida husi saida mak Kristaun ida tenki sai, ne'e sira-nia pekadu rasik la boot liu ka? Sira hatene saida mak loos, maibé sira sei rejenta hodi halo nia.

Kuidadu kona-ba atraza hodi tau ba loron seluk nian. Keta tau ba loron seluk serbisu husik imi-nia pekadu no buka kamoos fuan nian liu-husi Jezús. Iha-ne'e mak rihun ba rihun laloos ona ba sira-nia lakon rohan-laek. Ha'u sei la hela iha babadak no moris la serteza; maibé iha-ne'ebá iha perigu terivel—perigu la komprende ho suficiente—adia atu saran ba lian hesuk husi Maromak nia Espiritu Santu, hodi hili atu moris iha pekadu laran; basá adia ida-ne'e tebes duni. Pekadu, kiik oinsa mós nia hetan avalia, ne'e bele halo-mimu de'it iha risku

lakon infinitu. Saida mak ita la prevene, sei prevene ita no serbisu ba ita-nia destruisaun.

Adaun ho Eva persuade sira-nia-an katak iha asuntu kiik liu ida hanesan han husi ai-fuan bandu iha-ne'ebá la rezulta konsekuénsia terivel ne'ebé mak Maromak deklarara ona. Maibé asuntu kiik oan ida mak tranzgresaun ba Maromak nia lei rohan-laek no santu, no nia haketak ema husi Maromak no loke odamatan-bee-sa'e nian husi mate no sofrimentu barak liu ba iha ita-nia mundu leten. Tinan ba tinan mosu tiha ona husi ita-nia rai tanis kontínuu husi tanis-mate nian, no kriasaun tomak halerik no sofre hamutuk iha terus nu'udar konsekuénsia husi ema-nia dezobedese. Lalehan nia-an rasik sente tiha ona efeitu husi ninia rebeliaun hasoru Maromak. Kalvariu hamriik nu'udar memoria ida husi sakrifisiu admiravel presiza atu soi husi tranzgresaun lei divinu nian. Mai ita labele konsidere pekadu hanesan lavale ida.

Asaun tranzgresaun hotu-hotu, ignoránsia hotu hotu,ka rejeita husi Kristu nia Grasa, ne'e halo reasuan iha imi-nia-an; ne'e hato'os fuan, hafraku hakarak, hamate komprensaun, no laós de'it halo imi menus haliis ba saran, maibé menus kapasidade husi saran ba hesuk murak husi Maromak nia Espiritu Santu. {33.2}

Barak mak hapara konxiénsia neon-susar ho hanoin katak sira bele muda dalam aat nian bainhira de'it sira hakarak; mezmu sira halimar ho konvite laran-sadi'a, maske nune'e sira-nia fuan hetan impresiona fila fila. Sira hanoin katak hafoin halo buat sira ne'ebe hatún grasa Espiritu nian, hafoin soe sira nia influénsia iha

Satanás nia sorin, iha momentu estremidade terivel sira bele muda sira nia dalan. Maibé ida-ne'e sei la halo hotu ho fasil liu. Esperiénsia, Edukasaun husi tempu moris tomak, hotu-hotu forma karakter ne'ebé balun tuirmai dezeju atu simu Jezús nia imajen.

Maske iha attitude aat husi karakter, iha dezeju nakonu-pekadu ida, apresia ho persistente, sei ho lalais neutraliza poder hotu husi evanjellu. Nakonu-pekadu gozu nian hotu-hotu haforsa klamar nia ódiu ba Maromak. Ema ne'ebé mak manifesta brani la fiar-metin, ka nonook ida ignora lioloos divinu, maibé kolleta de'it husi ida-ne'ebé mak nia rasik kuda tiha ona. Iha Bíblia tomak laiha aviza nakonu-tauk liu kontra halimar ho buat-aat duké liafuan sira husi ema sabedoria katak pekadór “sei hetan kesi ho tali husi ninia pekadu sira.” Proverbio 5:22.

Kristu prontu atu halivre ita husi pekadu, maibé Nia la obriga dezeju; no karik ho tranzgressaun persistente, dezeju ne'e rasik fusuk tomak iha buat-aat, no ita laiha dezeju atu halivre, karik ita sei la simu Ninia grasa, saida tan mak Nia bele halo? Ita estraga ona ita-nia an liu-husi ita-nia determina rejeisaun ba Ninia domin. “ Haree, agora mak tempu atu simu; haree agora mak loron salvasaun nian.” “Ohin loron karik imi sei rona Ninia lian, labele hato'os imi-nia fuan sira.” 2 Korinto 6:2; Ebreu 3:7,8.

“Ema haree ba kamosuk li'ur nian, maibé Na'i haree ba fuan”—Ema nia fuan, ho ninia emosaun sira ksolok nian no terus nian iha konflitu; sira lemo-rai, fuan ne'ebé hakarak kontra, mak ida-ne'ebé fatin ba lakamoos barak

liu no babosok. 1 Samuel 16:7. Nia hatene ninia motivu sira, nia ho intensaun tebetebes no objetivu sira. Ba Nia ho imi-nia klamar noda hotu-hotu ne'ebé iha. Hanesan Salmista, loke ninia kehan sira ba matan hotu ne'ebé haree, hodi fota-liafuan, “buka ha'u, O Maromak, no hatene ha'u-nia fuan: koko ha'u, no hatene ha'u nia hanoin sira: no haree karik iha ine'ebá dalan aat ruma iha ha'u, no dirije ha'u iha dalan rohan-laek.” Salmo 139:23,24.

Barak mak simu relijiaun intelektuál ida, forma ida husi piedade, bainhira fuan ne'e la hamoos. Biar ne'e sai imi-nia orasaun, “ kria iha ha'u fuan moos ida, O Maromak; no hafoun espirtu loos ida iha ha'u.” Salmo 51:10. Hasoru loloos ho imi-nia klamar rasik. Sai sinseru, hanesan persistente, nu'udar imi sei sai karik imi-nia moris mortál iha perigu. Ida-ne'e mak asuntu ne'ebé atu rezolve entre Maromak ho imi-nia klamar-rasik. Rezolve ba rohan-laek. Supoin esperanza ida, no laiha tan buat ida, mak sei aprova imi-nia ruina.

Estuda Maromak nia liafuan nakonu ho orasaun. Liafuan ne'e apresenta iha imi-nia oin, iha Maromak nia lei no Kristu nia moris. Prinsípiu boot santidade nian, sein ida-ne'ebé “laiha ema ida sei haree Na'i.” Ebreu 12:14. Nia konvense pekadu; nia revela dalan salvasaun nian ho klaru. Fó imi-nia tilun hanesan Maromak nia lian ko'alia ba imi-nia klamar.

Hanesan imi haree pekadu nia boboot, hanesan imi haree imi-nia an imi mak ne'e duni, labele renunsia atu lakon-neon. Ne'e pekadór sira mak Kristu mai atu salva. Ita la hadame Maromak ba ita, maibé--- O domin

maravillozu!--- Maromak iha Kristu hadame mundu ba Nia-an.” 2 Korinto 5:19. Nia buka hodi atrai ba Ninia domin murak, fuan laloos sira husi Ninia oan-sira. Laiha inan-aman rai ne’e nian bele sai pasiénsia pekadu husi ninia oan-sira, hanesan Maromak ho sira-ne’ebé Nia buka atu salva. Laiha ema ida mak husu ho mamar liu ba ema ne’ebé halo tranzgrede. Laiha úmanu nia ibun ida dirije husu mamar liu ba maklemok duké Nia halo. Ninia promessa hotu-hotu, Ninia aviza sira ne’ebe hato’o, hanesan iis husi domin espresa-labelek.

Bainhira Satanás mai hatete ba imi katak imi pekadór boot ida, hateke ba imi-nia maksoin no ko’alia kona-ba Ninia méritu sira. Katak ida-ne’ebé sei ajuda imi mak atu hateke ba Ninia naroman. Rekoñese imi-nia pekadu, maibé hatete inimigu ne’e katak “Kristu Jezús mai tiha ona iha mundu ne’e atu salva pekadór sira” no nune’e imi bele hetan salva husi Ninia domin kompara-labelek. 1 Timoteo 1:15. Jezús husu pergunta ida ba Simão kona-ba debedor na’in rua. Ida debe ninia na’in kuantia oitoan, no ida seluk debe ninia kuantia boot liu; maibé nia perdua tiha sira rua, no Kristu husu ba Simão debedor ida-ne’ebé mak hadomi nia na’in liu. Simão hatan, “Nia ne’ebé mak hetan perdaun barak liu.” Lucas 7:43. Ita sai tiha ona pekadór boot sira, maibé Kristu mate atu ita bele hetan perdaun. Méritu sira husi Ninia sakrifisiu sufisiente atu apresenta ba Aman iha ita-nia fatin. Sira ne’ebé Nia fó perdaun barak liu sei hadomi Nia barak liu, no sei hamriik besik liu ba Nia tronu hodi hahii Nia tan Ninia domin boot no sakrifisiu infinitu. Ida-ne’e mak bainhira ita komprende tebetebes Maromak nia domin nune’e ita rekoñese diak liu nakonu-pekadu husi pekadu. Bainhira ita haree ba korrente naruk ne’ebé

mak hatún ba ita, bainhira ita komprende buat ruma husi sakrifisiu infinitu ne'ebé Kristu halo tiha ona iha ita nia fatin, fuan ne'e nabeen ho laran-maus no sente triste tanba pekadu.

Kapítulu 4 KONFISAUN

“Nia ne'ebé taka nia pekadu sira sei la hetan rahun-kmanek: maibé nia ne'ebé konfesa nia pekadu sira no husik tiha sira sei hetan laran-sadi'a.” Proverbio 28:13

Kondisaun hetan Maromak nia laran-sadi'a nian ne'e simples, justu no razoavel. Na'i la ezije ita atu halo buat todan hodi nune'e ita bele hetan pekadu nia perdaun. Ita la presija halo naruk no hakole-an ho peregrinasaun sira, ka atu hala'o peniténsia nakonu-moras sira, atu hahi'i ita-nia klamar sira ba Maromak lalehan nian ka atu hamoos ita nia tranzgresaun; maibé nia ne'ebé mak

konfesa tiha no husik tiha ninia pekadu sei hetan laran-sadi'a.

Apóstolu dehan, “konfesa imi nia pekadu ba malu, no halo orasaun ba malu, nune'e imi bele hetan isin-diak.” Tiago 5:16. Konfesa imi-nia pekadu sira ba Maromak, Nia de'it ne'ebé mak bele perdua sira, no imi-nia kulpa ba malu. Karik imi fó ona ofensa ba imi-nia maluk ka viziñu, imi tenki rekoñese imi-nia pekadu, no nia mak iha dever atu perdua imi ho livre. Tuirmai imi buka perdaun husi Maromak, tanba ema ne'ebé mak imi hakanek ona ne'e propriedade Maromak nian, no iha hakanek nia imi pekadu kontra ninia Kriadór no Maksoin. Kazu ne'e lori de'it ba Mediadór loloos nia oin, ita-nia Saserdote Aas boot, ne'ebé “iha pontu hotu-hotu hetan tentasaun hanesan ita, maibé sein pekadu,” no ne'ebé mak “kona tiha ho sentimentu ita-nia frakeza sira,” no ne'e bele atu hamoos husi noda hotu-hotu injustisa nian. Ebreu 4:15.

Sira ne'ebé mak la haraik sira-nia klamar sira iha Maromak nia oin hodi rekoñese sira nia kulpa, seidauk kumpre kondisaun dahuluk simu nian. Karik ita seidauk esperiénsia katak arrependimentu ida-ne'ebé mak atu arrepende ba, no seidauk haraik an loos klamar nian no harahun espiritu nian konfessa ona ita-nia pekadu sira, hakribi ita-nia injustisa, ita nunka buka loloos ba perdaun pekadu nian; no karik ita nunka buka, ita nunka hetan Maromak nia pás. Razaun mesak de'it tansá ita laiha perdaun ba pekadu sira ne'ebé mak liu tiha ona, ne'e tanba ita la hakarak atu haraik ita-nia fuan sira no konforma ho kondisaun sira husi liafuan lialoos nian. Instrusaun esplísitu ne'e fó tiha ona kona-ba asuntu ida-ne'e. Pekadu nia konfisaun, iha publiku ka privadu, tenki

senti iha fuan no espresa ho livre. Ne'e laós atu litik husi pekadór. Ne'e laós atu halo ho maneira lasériu no la kuidadu, ka obriga husi sira ne'ebé la rekoñese sensu husi hakribi pekadu nia karakter. Konfisaun ne'ebé mak nakfui husi fuan-laran liu klamar nian hetan ninia dalan ba Maromak sadi'a infinitu nian. Salmista dehan: Na'i besik ba sira ne'ebé fuan-moras; no salva sira ne'ebé iha espiritu arrende. Salmo 34:18.

Konfisaun loloos ne'e sempre iha karakter espesifiku ida, no rekoñese pekadu sira particular. Sira bele hanesan natureza ida nu'udar lori ba iha Maromak nia oin de'it; sira bele-mós pekadu ne'ebé tenki konfesa ba ema individual ne'ebé sofre ona kanek liu husi sira; ka sira bele-mós karakter publiku nian ida, no tuirmai tenki konfesa ho publiku. Maibé konfisaun hotu tenki katebes no klaru, Rekoñese pekadu sira loloos husi ida-ne'ebé imi sente pekadu.

Iha Samuel nia loron sira ema Izrael sira hadook-an husi Maromak. Sira sofre pekadu nia konsekuensi sira; basá sira lakon ona sira-nia fiar iha Maromak, lakon sira nia haree husi Ninia podér no sabedoria atu ukun nasaun, lakon sira nia konfiansa iha Ninia abilidade atu defende no justifika Ninia kauza. Sira fila kotuk husi Ukun-na'in boot universu nian no dezeju atu sai governadu hanesan ho nasaun sira ne'e haleu sira. Molok sira hetan pás sira halo konfisaun katebes: "Ami aumenta tiha ona hahalok-aat ida-ne'e ba ami-nia pekadu sira hotu, hodi husu ba ami liurai ida." 1 Samuel 12:19. Pekadu loloos husi ida-ne'ebé sira hetan konvense atu tenki konfesa. Sira-nia agradesimentu-laek hanehan sira nia klamar no hakotu sira husi Maromak.

Konfisaun sei la bele simu ba Maromak sein arrependimentu sinseru no reformasaun. Iha ne'ebá tenki deside mudansa sira iha moris; buat hotu ne'ebé ofensivu ba Maromak tenki tau ketak. Ida-ne'e mak sei sai rezultadu terus loloos ba pekadu. Serbisu ne'ebé ita tenki halo iha ita-nia parte tau ho simples didiak iha ita-nia oin: "hamoos imi, halo imi moos; hadook buat-aat husi imi-nia hahalok iha Ha'u-nia matan; para halo buat-aat; aprende atu halo diak; buka julgamentu, halivre sira ne'ebé hetan hanehan, julga aman-laek sira, defende feto-faluk." Izaias1:16,17. "Karik ema-laran-aat restaura kompromisu, fó filafali saida mak nia na'ok, la'o iha estatutu moris nian, sein halo injustisa; nia sei moris ho serteza, nia sei la mate." Ezekiel 33:15. Paulo dehan, iha serbisu arrependimentu nian:"Imi terus ona tuir Maromak nia hakarak, tan ne'e halo kuidadu imi-nia an, haloos iha imi-nia an, laran-nakali, tauk , dezeju ho manas, laran-manas, vingansa! iha buat hotu imi aprova ona imi-nia an atu sai moos iha asuntu ida ne'e." 2 Korinto 7:11.

Bainhira pekadu hamate tiha vizaun moral,ema ne'ebé halo aat la haree defeitu husi ninia karakter neim rekoñese husi buat-aat boboot ne'ebé nia halo ona; no exetu nia hakruuk ba podér konvense husi Espiritu Santu nia nafatin iha parte delek ba ninia pekadu. Ninia konfisaun sira la sinseru no sériu. Ba rekoñesimentu hotu husi ninia kulpa nia aumenta deskulpa ida ba justifikasaun ninia lala'ok, deklarara hela katak karik ne'e laiha sirkumstánsia hanesan ne'e nia sei la halo asaun ida-ne'e ka ida-ne'eba husi ida-ne'ebé nia reprovadu.

Hafoin Adaun no Eva han tiha ona ai-fuan bandu, sira nakonu ho sensu moe no ta'uk. Ba dahuluk sira-nia hanoin mak oinsa atu deskulpa sira-nia pekadu no halai-sees husi ta'uk sentensa mate nian. Bainhira Maromak husu kona-ba sira-nia pekadu, Adaun hatan, tau kulpa balun ba Maromak no balun ba ninia kompañã: "Feto ne'ebé Ita-boot fó tiha ona atu hamutuk ho ha'u, nia fó husi ai ine'ebá, no ha'u han tiha." Feto tau-pekadu ba samea, dehan, "samea bosok ha'u, no ha'u han tiha." Génesis 3:12,13. Tansá mak Ita-boot halo samea? Tansá mak Ita-boot husik nia mai iha Eden? Sira ne'e mak pergunta sira implika iha ninia deskulpa ba ninia pekadu, tan ne'e akuza Maromak ho responsabilidade husi sira-nia monu. Espiritu justifikasaun-an nian orijina iha aman bosok-teen no hatudu ona liu-husi Adaun nia oan-mane sira no oan-feto sira. Konfisaun husi orden ida-ne'e la inspira husi Espiritu divinu no sei la bele simu ba Maromak. Arrependimentu loloos sei dirije ema atu lori ninia kulpa rasik no rekoñese ne'e sein bosok ka laran makerek. Hanesan kiak publikanu, la hasae liu ninia matan ba lalehan, nia tanis, " Maromak laran-sadi'a ba ha'u pekador," no sira ne'ebé rekoñese sira-nia kulpa sei justifika, basá Jezús sei aprezena Ninia raan iha importansia husi klamar arrepende.

Ezemplu sira iha Marromak nia liafuan husi arrependimentu loloos no haraik-an revela espritu konfisaun nian iha ida-ne'ebe iha ne'eba laiha deskulpa ba pekadu ka buka justifikasaun-an. Paulo la buka atu hamahan nia-an; nia pinta ninia pekadu iha kór metan liu, la buka atu hamenus ninia kulpa. Nia dehan, "ha'u taka ema santu barak iha prizaun, ha'u simu autoridade husi saserdote ulun; no bainhira atu oho sira, ha'u hasai

ha'u nia lian kontra sira. No ha'u fó kastigu ba sira husi sinagoga hotu-hotu, no obriga sira atu plasfemia; no hirus demais ba sira, hau persege sira to'o iha sidade estrañu sira." Apóstolu 26:10,11. Nia la laran-rua atu deklara katak "Kristu Jezús mai iha mundu atu salva pekadór sira; husi sira ne'ebe ha'u mak xefé." 1 Timoteo 1:15.

Fuan haraik-an no fuan-rahun, hakruuk husi arrendimentu loloos, sei apresia buat ruma husi Maromak nia domin no folin Kalvariu nian; no nu'udar oan ida konfesa ba Aman domin-na'in, hanesan ne'e mak penitente loloos sei lori ninia pekadu sira ba iha Maromak nia oin. No ne'e hakerek nanis: karik ita konfesa ita-nia pekadu, Nia mak fiar-metin no justu atu perdu a ita-nia pekadu no hamoos ita husi injustisa hotu-hotu." 1 João 1:9.

Kapítulu 5 KONSAGRASAUN

Maromak nia promesa mak, “Imi buka Ha’u, imi sei hetan Ha’u, bainhira imi buka Ha’u ho imi-nia fuan tomak.” Jeremias 29: 13.

Fuan tomak tenki saran ba Maromak, ka mudansa nunka halo iha ita husi ida-ne’ebé ita restaura fali ba Ninia imajen. Liu husi natureza ita izola tiha husi Maromak. Espiritu Santu deskreve ita-nia kondisaun iha liafuan sira hanesan sira-ne’e: “Mate iha ofensa no pekadu sira;” “ Ulun-fatuk tomak ne’e moras, no fuan tomak fraku;” “ Laiha lian iha nia laran.” Ita hetan kaer metin iha Satanás nia lasu, “foti ba dadur husi nia iha ninia hakarak.” Efesiu 2:1; Izaias1:5,6; 2 Timoteo 2:26. Maromak iha dezeju atu kura ita, atu halivre ita. Maibé dezde ida-ne’e presiza transformasaun tomak ida, hafoun husi ita-nia natureza tomak, ita tenki saran ita-nia-an sira tomak ba Nia.

Funu hasoru an rasik mak batalla boot liu ne’ebé mak sempre luta. Saran-an, entrega hotu ba Maromak nia hakarak, presiza luta ida; maibé klamar tenki fó-ulun ba Maromak molok nia hafoun iha santidade.

Maromak nia governu ne’e la hanesan Satanás halo nia mosu, hari’i iha fó-ulun ho delek, la kontrola ho razaun ida. Ne’e apela ba intelektuál no konxiénsia. Kriadór nia konvite ba moris sira ne’ebé Nia halo tiha ona mak “Mai agora, no mai ita fó razaun ba malu.” Izaias1:18. Maromak la obriga vontade husi Ninia kriatura sira. Nia la bele simu omenajen ida ne’ebé mak

la ho vontade no fó ho matenek. Obriga de'it hodi fó-ulun sei prevene tiha dezentovimentu réal hotu-hotu husi neon ka karakter; ne'e sei halo ema automasaun de'it. Hanesan ne'e laós objetivu husi Kriadór. Nia hakarak ema, halo kompletu serbisu husi Ninia podér kreativu, sei to'o dezentovimentu posível aas liu. Nia tau iha itania oin bensan aas ba ida-ne'ebé Nia hakarak atu lori ita liu-husi Ninia grasa. Nia konvida ita atu fó itania-an ba Nia, nune'e Nia bele halo Nia hakarak iha ita. Ne'e nafatin ba ita atu hili karik hakarak livre husi atan pekaduanian atu fahe liberdade glorioza husi Maromak nia oan-sira ka lae.

Iha fó itania-an-sira ba Maromak, ita tenki ho nesésáriu renunsia buat hotu ne'ebé sei haketak ita husi Nia. Husi-ne'e Salvadór hatete, "nia ne'ebé la husik buat hotu hodi tuir Ha'u, nia la bele sai Ha'u nia dixípulu." Lucas 14:33. Saida de'it ne'ebé sei lori fuan dook husi Maromak tenki renunsia. Mamon mak idolu husi ema barak. Domin ba osan, dezeju ba riku-soin, mak korrente osan-mean ne'ebé kesi sira ba Satanás. Reputasaun no onra mundu nian ne'e adora tiha husi klase seluk. Moris egoista nian fasil no livre husi responsabilidade mak sira seluk nia idolu. Maibé fita atan sira ne'e tenki kotu. Ita la bele sorin Maromak nian no sorin mundu nian. Ita laós Maromak nia oan exetu ita fó itania-an ho totalmente.

Iha-ne'ebá iha sira ne'ebé profesa hodi serbí Maromak, iha tempu hanesan sira konfia ba sira-nia esforsu rasik atu obedese Ninia lei, atu forma karakter loos, and asegura salvasaun. Sira-nia fuan la muda husi sensu klean ruma husi Kristu nia domin, maibé sira buka atu performa dever husi moris Kristaun nian hanesan

ida-ne'ebé Maromak presiza husi sira atu bele hetan lalehan. Relijiaun hanesan ne'e la merese buat ida. Bainhira Kristu hela iha fuan laran, klamar sei ense nakonu liu ho Ninia domin, ho komunikasaun ksolok ho Nia, katak ne'e sei depende ba Nia; no iha kontemplasaun kona-ba Nia, an sei haluha tiha. Domin ba Kristu mak sei sai hun ba asaun. Sira ne'ebé sente obriga domin Maromak nian, labele husu kiik-oinsa bele fó hodi to'o Maromak nia rekerimentu; sira la husu estandarte tún liu, maibé objetivu iha ajustamentu perfeitu ba vontade husi sira-nia Maksoin. Ho dezeju sériu sira saran tomak no manifesta interese natoon ida ba valór husi objetu ida-ne'ebé sira buka. Profisaun ida Kristu nian sein domin klean ne'e liafuan lavale nian, formalidade saugati de'it, tarefa todan no halo-baruk.

Imi sente katak ne'e sakrifisiu boot demais atu saran hotu ba Kristu? Husu pergunta ba imi-nia-an, "Saida mak Kristu fó tiha ona ba ha'u?" Maromak nia Oan-Mane fó hotu ona—moris, domin no sofrimentu—ba ita-nia sasoin. No ne'e bele sai hodi nune'e ita, objetu la merese husi domin boot tebes, sei subar ita-nia fuan husi Nia? Momentu hotu-hotu iha ita-nia moris ita hola parte ona husi Ninia grasa bengan sira nian, no ba razaun ida-ne'e duni ita labele rekoñese tomak ignoransia klean no moris-susar husi ida-ne'ebé ita salva tiha ona. Bele ita hateke ba Nia ne'ebé ita-nia pekadu sira hamout tiha ona, no sei hakarak atu halo maski ba Nia domin tomak no sakrifisiu? Iha vista haraik-an infinitu nian husi Na'i glória nian, ita sei murmura tanba ita bele tama ba moris liu-husi konflitu no haraik-an?

Emá fuan orgullu barak nia hahusuk mak, “tanba sá mak ha’u presiza ba iha peniténsia no oin-monu molok ha’u bele iha garantia husi ha’u nia sasimuk ho Maromak?” Ha’u aponta imi ba Kristu. Nia mak pekadulaek, no, liu fali ida-ne’e, Nia mak Liurai-oan lalehan; maibé iha ema nia pekadu fatin Nia sai pekadu ba rasa. “Nia ne’e konta ho ema halo tranzgresaun sira; no Nia lori ema barak nia pekadu, no halo intersesaun ba ema ne’ebé halo tranzgresaun sira.” Izaias53:12.

Maibé saida mak ita renunsia, bainhira ita fó hotu? Pekadu-hafo’er fuan, ba Jezús atu hakamoos, atu hamoos ho Ninia raan rasik, no salva ho Ninia domin kompra-laek. Maibé ema sei hanoin ne’e difisil atu renunsia hotu! Ha’u moe atu rona nia ko’alia sai, moe atu hakerek nia.

Maromak la ezije ita atu renunsia buat ruma ne’ebé mak ba ita-nia interese atu tahan. Iha buat hotu ne’ebé Nia halo, iha vista moris-diak ba Ninia oan-sira; Mak ne’e sira hotu ne’ebé la hili Kristu bele hatene katak Nia iha buat ruma diak tebetebes atu fó ba sira duké sira mak buka ba sira-nia-an. Ema mak halo kanek boot liu no injustisa ba ninia klamar rasik bainhira nia hanoin no halo asaun kontrariu ba Maromak nia hakarak. Laiha ksolok réal bele hetan iha dalan bandu husi Nia ne’ebé hatene saida mak diak liu no Nia ne’ebé halo planu ba Ninia kriatura sira nia diak. Dalan tranzgresaun nian mak dalan moris-susar nian no destruisaun.

Ida-ne’e laloos atu diverte hanoin ne’ebé mak Maromak ne’e kontenti atu haree Ninia oan-sira sofre. Lalehan tomak interese iha ema nia konenti. Ita-nia

Aman Lalehan la taka avenida ksolok nian ba Ninia kriatura sira ruma. Rekizitu divinu sira bolu iha ita atu fó-kotuk induljénsia sira ne'ebé sei lori sofriementu no dezesperadu, ne'ebé sei taka odamatan kontenti no lalehan ba ita. Mundu nia Maksoin simu ema nu'udar sira mezmú, ho sira-nia hakarak hotu, imperfeisaun, no frakeza sira; no Nia sei laós hamoos husi pekadu de'it no fó sasoin liu-husi Ninia raan, maibé sei fó satisféitu ba fuan-kaan husi sira hotu ne'ebé aprova atu hatais Ninia jugo, atu lori Ninia naha-todan. Ne'e Ninia objetivu atu fó pás no deskansu ba ema hotu ne'ebé mai ba Nia ba paun moris nian. Nia husu ita atu performa de'it dever sira ne'ebé sei dirije ita-nia pasu sira atu ba solok aas nian ba ida-ne'ebé desobediénsia nunca bele to'o. Moris felizmente loloos husi klamar mak atu iha Kristu iha fuan laran, esperanza glória nian.

Barak mak husu, "Oinsa mak ha'u bele entrega ha'unia-an ba Maromak?" imi dezeju atu fó imi-nia-an ba Nia, maibé imi fraku iha podér moral, atan ba laran-rua, no hetan kontrola husi imi-nia abitu moris pekadu nian. Imi-nia promesa sira no rezolusaun sira hanesan liafuan hakerek iha rai-henek. Imi labele kontrola imi-nia hanoin, imi-nia impulsu sira, imi-nia afeisaun sira. Koñesimentu husi imi-nia promesa kotun sira no imi-nia kompromisu sein obedese hafraku imi-nia konfiansa iha imi-nia sinseriedade rasik, no kauza imi atu senti katak Maromak la bele simu imi; maibé imi la presiza lakon-esperanza. Saida mak imi presiza komprende mak forsa loos husi vontade. Ida-ne'e mak podér ukun iha ema nia natureza, podér desizaun nian, ka hili nian. Buat hotu-hotu depende ba asaun loos husi vontade. Podér hili ne'ebé Maromak fó tiha ona ba ema; ne'e mak sira-nian

atu ezerse. Imi labele muda imi-nia fuan, imi labele ho imi-nia-an fó imi-nia afeisaun sira ba Maromak; maibé imi bele hili hodi serbí Nia. Imi bele fó imi-nia vontade ba Nia; Nia sei serbisu iha imi atu hala'o vontade no atu halo konforme ba Ninia vontade diak. Atu nune'e imi-nia natureza tomak sei lori ba iha kontola okos husi Kristu nia Espiritu; imi-nia afeisaun sei sai sentru iha Nia, imi-nia hanoin sei sai armonia ho Nia.

Dezeju ba hahalok-diak no santidade ne'e diak, to'o iha ne'ebé de'it; maibé karik imi hapara iha-ne'e, sira sei la vale buat ida. Barak mak sei lakon enkuantu hein no dezeju atu atu sai Kristaun. Sira la mai to'o rohan husi saran an ba Maromak nia vontade. Sira agora la hili atu sai Kristaun.

Liu-husi ezerse diak husi vontade, mudansa tomak ida sei halo iha imi-nia moris. Liu-husi saran imi-nia vontade ba Kristu, imi liga imi-nia-an ho podér ne'ebé mak aas liu prinsipadu sira no podér sira hotu-hotu. Imi-sei iha forsa husi leten atu kaer imi metin, no nune'e liu-husi konstante entrega ba Maromak imi sei habele atu hamoris moris foun, no moris fiar nian.

Kapítulu 6

FIAR NO ASEITASAUN

Hanesan imi-nia konxiensia halalais tiha ona husi Espiritu Santu, imi sai tiha ona buat ruma husi buat-aat pekadu nian, husi ninia podér, ninia kulpa, ninia moris-susar; no imi hateke ba nia ho odium. Imi sente katak pekadu haketak tiha ona imi husi Maromak, katak imi iha eskravaun ba buat-aat nia podér. Imi luta maka'as atu halai-sees, imi rekoñese imi-nia ajuda-laek. Imi-nia motivu la kamoos; imi-nia fuan la moos. Imi haree katak imi-nia moris nakonu tiha ona ho egoista no pekadu. Imi iha laran-kaan atu hetan perdua, atu sai moos, atu hetan livre. Armonia ho Maromak, sai hanesan Ninia imajen—saida mak imi halo atu hetan ida-ne'e ne'e?

Ida-ne'e mak pás ne'ebé imi presiza—Lalehan nia perdaun, pás no domin iha klamar. Osan labele sosa nia, matenek labele hetan nia, sabedoria labele alkansa ba nia; imi nunka bele hein, husi imi-nia esforsu rasik, atu aseguira nia. Maibé Maromak fó nia ba imi nu'udar prezenti ida, "Sein osan no sein folin." Izaias50:1. Nia imi-nian karik imi hakarak maibé lolo imi-nia liman ba hodi kaer nia . Na'i dehan, " Maske imi-nia pekadu sira mean hanesan eskarlate, sira sei sai mutin hanesan neve; maske sira sai mean hanesan karmezín, sira sei hanesan bibi mutin nia fulun." Izaias1:18. "Fuan foun ida mós Ha'u sei fó ba imi, no espirtu foun ida Ha'u sei tau ba imi-nia laran." Ezekiel 36:26.

Imi konfesa tiha ona imi-nia pekadu sira, no iha fuan tau sira dook. Imi rezolve tiha ona atu fó imi-nia-an ba Maromak. Agora ba Nia, no husu katak Nia sei hamoos imi-nia pekadu sira no fó fuan foun ida ba imi. Tuirmai fiar katak Nia halo ida-ne'e tanba Nia promesa tiha ona. Ida-ne'e mak lisaun ne'ebé Jezús hanorin tiha ona enkuantu Nia sei iha rai, nune'e prezenti ne'ebé Maromak promesa ba ita, ita tenki fiar mak ita simu, no nia ita-nian. Jezús kura ema husi sira-nia moras sira bainhira sira iha fiar ba Nia podér; Nia ajuda sira iha buat sira ne'ebé mak sira bele haree, hodi nune'e inspira sira ho konfiansa iha Nia kona-ba buat sira ida-ne'ebé sira labele haree—dirije sira atu fiar ba Nia podér atu perdua pekadu sira. Ida-ne'e nia hato'o ho klaru iha kura husi ema moras ho paralítiku: "Nune'e imi bele hatene katak ema nia Oan-mane iha podér iha rai atu perdua pekadu sira,(tuirmai Nia dehan tiha ba moras paralítiku,) hamriik, foti-sae ó-nia toba-fatin, no ba ó-nia uma." Mateus 9:6. Nune'e mós João evanjelista dehan, ko'alia

kona-ba Kristu nia milagre, “Sira ne’e hakerek nanis nune’e imi bele fiar katak Jezús mak Kristu, Maromak nia Oan-mane; no nune’e ho fiar imi bele iha moris liu-husi Ninia naran.” João 20:35.

Husi haktuir Bíblia simples kona-ba oinsa Jezús kura moras, ita bele aprende buat ruma oinsa atu bele fiar ba Nia ba perdaun pekadu sira nian. Mai ita fila ba istória husi ema paralitiku iha Betesda. Ema ne’ebé sofre kiak ne’e ajuda-laek; nia la uza tiha ona ninia isin-balun ba tinan tolunulu resin ualu. Maibé Jezús husu nia, “Hamriik, foti-sae ó-nia toba-fatin, no la’o.” Ema moras bele dehan tiha, “Na’i, karik Ita-boot halo ha’u isin-diak, ha’u sei halo tuir Ita-boot nia liafuan.” Maibé, lae, nia fiar Kristu nia liafuan, fiar katak nia hetan isin-diak ona, no nia halo esforsu ne’e dala ida; nia hakarak tiha atu la’o, no nia la’o duni. Nia halo asaun iha Kristu nia liafuan, no Maromak fó podér. Nia hetan kura. Iha maneira hanesan imi pekadór ida. Imi labele soi ba imi-nia pekadu pasadu sira; imi labele muda imi-nia fuan no halo imi-nia-an santu. Maibé Maromak promessa atu halo sira-ne’e hotu ba imi liu-husi Kristu. Imi fiar ba promessa ne’e. imi konfesa imi-nia pekadu sira no fó imi-nia-an ba Maromak. Imi hakarak atu serbí Nia. Hanesan imi halo ida-ne’e ho serteza, Maromak sei kumpre Ninia liafuan ba imi. Karik imi fiar ba promessa,-- fiar katak imi hetan perdua ona no hamoos ona,--Maromak fornese faktu ne’e; imi hetan kura, hanesan Kristu fó podér ba paralitiku atu la’o bainhira mane ne’e fiar katak nia hetan kura ona. Ida-ne’e sei akontese karik imi fiar ida-ne’e.

Keta hein atu sente katak imi hetan kura, maibé dehan, “Ha’u fiar ne’e; mak sai nune’e, laós tanba ha’u sente ne’e, maibé tanba Maromak promesa tiha ona.”

Jezús dehan, “Buat saida de’it mak imi hakarak, bainhira imi halo orasaun, fiar katak imi simu sira ona, no imi sei hetan sira.” Markus 11:24. Iha-ne’ebá iha kondisaun ba promesa ida-ne’e—katak ita halo orasaun tuir Maromak nia hakarak. Maibé ne’e Maromak nia hakarak mak hamoos ita husi pekadu, atu halo ita sai Ninia oan-sira, no habele ita atu hamoris moris santu. Ne’e duni ita bele husu ba bensen sira-ne’e, no fiar katak ita simu sira, no agradese Maromak katak ita simu ona sira. Ne’e ita-nia priviléjiu atu ba Jezús no hetan moos, no hamriik iha lei nia oin sein moe ka hanoin-hikas. “ Tanba ne’e mak agora laiha kondenasaun ba sira ida-ne’ebé iha Kristu Jezús, ne’ebé laós la’o tuir isin, maibé tuir Espiritu.” Romanu 8:1.

Husi ne’e ba oin imi laós imi an nian; imi sosa tiha ona ho folin. “Imi la hetan soin ho buat koruptu sira, hanesan osan-mutin no osan-mean;... maibé ho Kristu nia raan folin-boot, hanesan bibi-oan sein aleza no sein nodá.” 1 Pedro 1:18,19. Liu-husi asaun simple husi fiar ba Maromak, Espiritu Santu hamoris ona moris foun iha imi-nia fuan. Imi nu’udar labarik ne’ebé moris iha Maromak nia familia, no Nia hadomi imi hanesan Nia hadomi Ninia Oan-mane.

Agora mak imi fó tiha ona imi-nia-an ba Jezús, labele filafali, labele hasai imi-nia-an husi Nia, maibé lora ba

loron dehan, “ha’u Kristu nian; ha’u fó tiha ona ha’u-niaan ba Nia;” no husu ba Nia atu fó Ninia Espiritu ba imi no guarda imi ho Ninia grasa. Hanesan nune’e liu-husi fó imi-nia-an ba Maromak, no fiar ba Nia, katak imi sai Ninia oan, ne’e duni imi tenki moris iha Nia. Apóstolu dehan, “Hanesan imi simu tiha ona Kristu Jezús Maromak, ne’e duni imi la’o iha Nia.” Koloso 2:6.

Balu haree-ba atu sente katak sira tenki iha provasaun, no tenki komprova ba Maromak katak sira reforma ona, molok sira ezije Ninia bensan. Maibé sira bele ezije Maromak nia bensan agora kedas. Sira tenke iha Ninia grasa, Kristu nia Espiritu, atu ajuda sira-nia frakeza, selae sira labele reziste buat-aat. Jezús hadomi ita atu mai ba Nia hanesan ita duni, nakonu-pekadu, ajuda-laek, dependente. Ita bele mai ho ita-nia frakeza tomak, ita-nia beik, ita-nia nakonu-pekadu no monu ba Nia ain iha peniténsia. Ne’e Ninia glória atu haleu ita iha arma husi Ninia domin no atu taka ita-nia kanek, atu hamoos ita husi la kamoos hotu-hotu.

Iha-ne’e mak rihun ba rihun falla; sira la fiar katak Jezús perdua sira ho pesoál, ho individual. Sira la foti Maromak iha Ninia liafuan. Ne’e priviléjiu husi ema hotu ne’ebé kumpre ho kondisaun sira atu hatene ba sira-niaan katak perdaun ne’e ho livre hanaruk ba pekadu hotu. Hasai suspeita ne’e katak Maromak nia promesa sira laós signifika ba imi. Sira ne’e ba ema hotu ne’ebé halo tranzgresaun nia arrepende. Forsa no grasa fornese tiha ona liu-husi Kristu atu lori husi anju sira ne’ebé halo ministériu ba klamar hotu ne’ebé fiar, laiha ida mak pekadu-nakon liu ne’ebé sira labele hetan forsa, kamoos, no justisa iha Jezús, ne’ebé mate ba sira. Nia

hein dadaun atu kolu sira-nia hatais ne'ebé noda tiha ona no hafo'er ona husi pekadu, no fó hatais ba sira batina mutin justisa nian; Nia fó orden moris laós mate.

Maromak la hasoru ita hanesan ema finitu hasoru malu. Ninia hanoin ne'e hanoin sadi'a nian , domin, kompaixaun mamar. Nia dehan, “ Biar ema aat husik ninia dalan, no ema la justu husik ninia hanoin: no biar nia fila ba Na'i, no Nia sei iha laran-sadi'a ba nia; no ba ita-nia Maromak, basá Nia sei perdua ho abundante.” “ Ha'u hasai ona, imi-nia tranzgresau sira hanesan kalohan mahar, no, imi-nia pekadu sira ne'ebé hanesan kalohan,.” Izaias55:7;44:22.

“Ha'u laiha prazér iha nia mate husi nia ne'ebé mate, Maromak hateten: tanba ne'e konverte imi-nia-an no moris.” Ezekiel 18:32. Satanás prontu atu na'ok bengan promesa sira husi Maromak. Nia dezeju atu foti nabilan-fraku esperanza nian no raiu naroman nian hotu-hotu husi klamar: maibé imi tenki la permite nia atu halo ne'e. Keta se-tilun ba tentadór, maibé dehan, “Jezús mate tiha oan atu nune'e ha'u bele moris. Nia hadomi ha'u, no lakoi atu ha'u tenki mate. Ha'u iha Aman lalehan nakonu-kompaixaun; no maske ha'u viola ona nia domin, maske bengan sira ne'ebé Nia fó tiha ona ha'u halakon tiha ona, ha'u sei hamriik, no ba ha'u-nia Aman, no dehan, “ha'u pekadu ona kontra lalehan, no iha Ita-boot nia oin, no ha'u merese tan atu bolu Ita-boot-nia oan: halo ha'u sai hanesan Ita-boot-nia serbídor.” Aiknanoi hateten ba imi oinsa sei simu ema lao-rai; “bainhira nia sei dook liu, ninia aman haree tiha nia, no iha kompaixaun, no halai, no hakuak nia, no rei nia.” Lucas 15:18-20.

Maibé maske ai-knanoik ida-ne'e, mamar no kona-fuan hanesan ne'e, ne'e espresa oitoan de'it kompaixaun infinitu husi Aman lalehan. Na'i deklara liu-husi Ninia profeta, "Ha'u hadomi tiha ona imi ho domin rohan-laek: tanba-ne'e ho laran-maluk Ha'u atrai imi." Jeremias 31:3. Enkuantu pekadór sei dook husi Aman nia uma, gasta ninia sasán sira iha nasaun estrañu, Aman nia fuan kaan ba nia; no kada hakarak atu fila hafanu tiha iha klamar atu fila ba Maromak lae ka lae hesuk husi Ninia Espiritu, solisita, suplika, atrai maklemok ba ninia Aman nia fuan domin nian.

Ho promesa riku Bíblia nian iha imi-nia oin, bele imi fó fatin ba dúvida? Bele imi fiar katak bainhira pekadór kiak laran-kaan atu fila fali, laran-kaan atu husik ninia pekadu sira, Maromak ho-hirus tahan ninia mai ba Ninia ain iha arrendimentu? Hadook husi hanoin sira hanesan ne'e! Laiha buat ida mak bele hakanek imi-nia klamar rasik liu fali atu diverte konseitu ida hanesan ne'e husi ita-nia Aman lalehan. Nia rejenta pekadu, maibé Nia hadomi pekadór, no Nia fó Nia-an iha ema liu-husi Kristu, nune'e sira hotu ne'ebé bele hetan salva no nakonu-bensan rohan-laek iha reinu glória. Dalen forsa liu no mamar liu oinsa bele uza tiha ona duké Nia hili tiha ona iha ida-ne'ebé atu espresa Ninia domin ba ita? Nia deklara, "bele feto ida haluha ninia oan ne'ebé moris husi nia, katak nia sei laiha kompaixaun ba oan husi ninia knotak? Maske sira bele haluha, Ha'u sei la haluha imi." Izaias49:15.

Hateke ba leten, imi ne'ebé mak dúvida no nakdedar; basá Jezús moris atu halo intersesaun ba ita. Agradese Maromak ba prezenti husi Ninia Oan-mane

doben no halo orasaun atu nune'e Nia labele mate ba imi saugati. Espiritu konvida imi ohin-loron. Mai ho imi-nia fuan tomak ba Jezús, no imi bele ezije Ninia bensan.

Nu'udar imi lee promesa sira, hanoin sira ne'e espresaun husi domin no sadi'a liafuan lato'o atu hatete. Fuan boot husi domin infinitu mak dada hasoru pekadór ho kompaisaun laiha rohan. "ita iha sasoin liu-husi Ninia raan, perdaun pekadu sira nian." Efesio 1:7. Sim, fiar de'it katak Maromak mak imi-nia ajuda. Nia hakarak atu restaura imajen moral iha ema. Hanesan imi besik ba Nia ho konfisaun no arrendimentu, Nia sei hakbesik ba imi ho laran-sadi'a no perdaun.

Kapítulu 7 TESTE BA DIXIPULADU

“Karik ema ruma iha Kristu, nia kriatura foun ida: buat tuan sira liu tiha ona; haree ba, buat hotu-hotu sai foun.” 2 Korinto 5:17.

Ema ida labele hato’o tempu ka fatin ezatu, ka trasu korrente hotu-hotu husi sirkunstánsia iha prosesu konversaun nian; maibé ida-ne’e la prova katak nian la konverte. Kristu dehan ba Nikodemos, “anin hu’u ba ne’ebé nia hakarak, no ita-boot rona nia lian, maibé la hatene nia mai husi ne’ebé, nein nia ba ne’ebé: nune’e mak sira hotu ne’ebé moris husi Espiritu.” João 3:8. Hanesan anin, ida-ne’ebé haree-labelek, maibé efeitu sira husi ida-ne’ebé haree no sente momoos, mak Maromak nia Espiritu iha Ninia serbisu iha ema-nia fuan. Katak podér hafoun fali, ida-ne’ebé laiha umanu nia matan bele haree, hamoris moris foun ida iha klamar; ne’e kria moris foun ida iha Maromak nia imajen. Enkuantu Espiritu nia serbisu ne’e nonok no labele haree, ninia efeitu sira manifesta. Karik fuan hafoun tiha ona husi Maromak nia Espiritu, moris sei lori testamuña ba faktu ne’e. Enkuantu ita labele halo buat ruma atu muda ita-nia fuan ka atu lori ita-nia-an ba armonia ho Maromak; enkuantu ita tenki labele konfia tomak ba ita-

nia-an sira ka ita-nia serbisu diak sira, ita-nia moris sira sei revela Maromak nia grasa hela iha ita laran. Mudansa sei bele hetan iha karakter, abitu sira, aktividade sira. Diferensa sei sai klaru no deside tiha entre saida mak sira uluk no saida mak sira ohin. Karakter ne'e revela tiha, laós ho obra diak sira okaziaun de'it no hahalok ladiak sira okaziaun de'it, maibé ho tendensia husi liafuan abituál sira no asaun sira.

Ne'e loos katak iha ne'ebá bele iha koreksaun ida liur-nian husi komportamentu sein hafoun husi Kristu nia podér. Domin influénsia nian no dezeju ba ema seluk nia apresiasaun bele prodús moris ordenenada-diak. Respeitu-an bele dirije ita atu hadook buat-aat nia kamosuk. Fuan egoista bele performa asaun laran-luak sira. Husi meiu saida, mak tuirmai, sei determina ita iha sé-nia sorin?

Fuan ne'e sé nian? Ho sé mak iha ita-nia hanoin sira? Ba sé mak ita hadomi atu konversa? Sé nian mak ita-nia afeisaun morna sira no ita-nia enerjia diak liu? karik ita Kristu nian, ita-nia hanoin sira hamutuk ho Nia, no ita-nia hanoin midar tebetebes ne'e Ninian. Hotu-hotu ne'ebé ita iha no nu'udar ita ne'e konsagra tiha ba Nia. Ita laran-kaan atu lori Ninia imajen, dada-iis Ninia Espiritu, halo Ninia hakarak, no halo kontenti Nia iha buat hotu.

Sira ne'ebé sai kriatura foun sira iha Kristu Jezús sei hamoris fuan sira husi Espiritu, "domin, haksolok, pás, pasiénsia, laran-luak, laran-diak, fiar-metin, fuan-mamar, kontrola-an." Galasia 5:22,23. Sira sei la hatais tan ona sira-nia-an kona-ba pekadu-foer sira nian uluk, maibé

husi fiar Maromak nia Oan-mane nian sira sei tuir iha Ninia pasu sira, refleta Ninia karakter, no hakamoos sira-nia-an hanesan Nia ne'ebé kamoos. Buat ne'ebé sira uluk rejeita tiha agora sira hadomi, no buat sira ne'ebé sira uluk hadomi agora sira rejeita tiha. Orgullu no foti-an sai laran-mamar no haraik-an iha fuan. Ne'ebé lavale no loko-an agora sai seriu no la hatudu-an. Lanu sai la lanu, no visiadu sai kamoos. Kustume sira lavale no moda sira mundu nian renunsia tiha. Kristaun sira sei la buka "enfeita liur-nian," maibé "ema subar husi fuan, iha ida-ne'ebé la bele koruptu, no ornamentu husi laran-mamar ida no Espiritu hakmatek." 1 Pedro 3:3,4.

Iha-ne'ebá laiha evidénsia husi arependimentu jenuinu exetu ne'e serbisu reformasaun. Karik nia restaura kompromisu, fó fila fali buat ne'ebé nia na'ok ona, konfesa ninia pekadu sira, no hadomi Maromak no ninia maluk, pekadór ne'e serteza katak nia liu ona husi mate ba moris.

Bainhira, hanesan sala, moris nakonu-pekadu, ita mai ba Kristu no sai hola parte ba Ninia grasa perdaun nian, domin suli iha fuan. Naha-todan sira hotu sai kmaan, basá jugo ne'ebé Kristu tau ne'e fasil. Dever sai solok ida, no sakrifisiu prazér. Dalan ne'ebé uluk haree hanesan nakukun taka sai nabilan ho raiu husi Loro-matan Justisa nian.

Karakter nakonu-domin nian husi Kristu sei sai haree iha Ninia maktuir sira. Ne'e Ninia solok atu halo Maromak nia hakarak. Domin ba Maromak, zelu ba Ninia glória, mak podér kontrola iha ita-nia Salvadór nia moris. Domin hafurak no halo nobre Ninia asaun sira

hotu. Domin ne'e Maromak nian. Fuan ne'ebé la konsagra tiha labele orijina ka prodús ida-ne'e. Ida-ne'e hetan de'it iha fuan ne'ebé Jezús ukun. "Ita hadomi tanba Nia hadomi uluk ita." 1 João 4:19. Iha fuan hafoun tiha ho grasa divinu, domin mak prinsipiu husi asaun. Ne'e modifika karakter, ukun impulsu sira, kontrola paixau sira, hatún inimigu, no halo nobre afeisaun sira. Domin ida-ne'e, solok iha klamar, hamidar moris no habelar influénsia nobre haleu fatin hotu-hotu.

Iha-ne'ebá sala sira mak kontra ida-ne'ebé Maromak nia oan sira ho partikulár sira ne'ebé foin mai atu fiar iha Ninia grasa.---ho espesiál presiza atu guarda. Dahuluk, hela tiha ona, mak ne'ebé buka ba sira-nia serbisu rasik, fiar ba buat saida de'it ne'ebé sira bele halo, atu lori sira-nia-an ba iha armonia ho Maromak. Nia ne'ebé koko atu sai santu ho ninia serbisu rasik hodi guarda lei, ne'e koko impossibilidade. Buat hotu-hotu ne'ebé ema bele halo sein Kristu ne'e hafo'er ho egoista no pekadu. Ne'e Kristu nia grasa mesak, liu-husi fiar, mak halo ita santu.

Sala opostu no la menus perigozu mak fiar iha Kristu halivre ema husi guarda Maromak nia lei; ne'ebé dezde husi fiar mesak ita bele sai ema ne'ebé hola parte iha Kristu nia grasa, ita-nia serbisu la halo buat ida ba ita-nia sasoin.

Maibé nota iha-ne'e katak obediénsia ne'e laós halo-tuir liur-nian de'it, maibé serbisu domin nian. Maromak nia lei mak espresaun husi Ninia natureza loloos; ida-ne'e mak korporifikasaun husi prinsipiu boot domin nian, no tanba ida ne'e mak fundasaun husi Ninia governu iha Lalehan no iha rai. Karik ita-nia fuan sira hafoun tiha iha

Maromak nia imajen, karik domin divinu ne'e kuda iha klamar, Maromak nia lei sei lori sai ba iha moris? Bainhira prinsipiu domin nia kuda iha fuan, bainhira ema ne'e hafoun tiha tuir imajen husi Nia ne'ebé kria ona nia, promesa konkordansia-foun ne'e kumpre tiha, "Ha'u sei tau Ha'u-nia lei sira iha sira-nia fuan laran, no Ha'u sei hakarek iha sira nia neon." Ebreu 10:16. No karik lei ne'e hakerek tiha iha fuan, nia sei la forma moris? Obediénsia—serbisu no aliansa domin nian—ne'e mak sinál loloos husi dixipuladu. Tanba ne'e eskritura hateten "ida-ne'e mak Maromak nia domin, katak ita guarda Ninia mandamentu sira." "Nia ne'ebé dehan, ha'u koñese Nia, no la guarda Ninia mandamentu sira, ne'e bosok-teen ida, no lialoos laiha iha nia." 1 João 5:3; 2:4. Envezde halivre ema husi obediénsia, ne'e fiar, no fiar de'it, mak halo ita ema ne'ebé hola parte ba Kristu nia grasa, habele ita atu fó obediénsia.

Ita la hetan salvasaun ho ita-nia obediénsia; basá salvasaun ne'e prezenti gratuita husi Maromak, atu simu ho fiar. Maibé obediénsia mak fuan husi fiar. "imi hatene katak Nia hetan manifesta atu hasai ita-nia pekadu sira; no iha Nia mak laiha pekadu. Ema sé de'it ne'ebé mak hela iha Nia pekadu laiha tiha: nia ne'ebé pekadu la haree Nia, no la koñese Nia." 1 João 3:5,6. Iha-ne'e mak teste loloos. Karik ita hela iha Kristu, karik Maromak nia domin hela iha ita, ita-nia sentimentu sira, ita nia hanoin sira, ita nia objetivu sira, ita-nia asaun sira, sei sai armonia ho Maromak nia hakarak hanesan espresa tiha ona iha preseitu sira husi Ninia lei santa. "labarik kiiik sira, keta husik ema ida lohi imi: nia ne'ebé hala'o justisa ne'e justu, hanesan Nia ne'ebé mak justu." 1 João 3:7. Justisa ne'e define ho estandarte husi Maromak nia lei

santa, hanesan espresa iha perseitu sanunulu ne'ebé uluk fó iha foho Sinai.

Ne'ebé bolu fiar iha Kristu ida-ne'ebé profesa atu halivre ema husi obrigasasun obediénsia nian ba Maromak, ne'e laós fiar, maibé prezordenasaun. “ Ho grasa mak imi hetan salva liu-husi fiar.” Maibé “fiar, karik nia la la'ó ho hahalok, ne'e mate.” Efeso 2:8; Tiago 2:17. Jezús dehan kona-ba Nia-an molok Nia mai iha rai, “Ha'u kontenti atu halo Ita-boot nia hakarak, O Ha'u-nia Maromak: sim, Ita-boot-nia lei iha Ha'u nia fuan.” Salmo 40:8. No molok Nia atu sae filafali ba lalehan, Nia deklara , “ Ha'u guarda ona Ha'u-nia Aman-nia mandamentu sira, no hela iha Ninia domin.” João 15:10. Eskritura dehan, “Ho ida-ne'e ita hatene katak ita koñese Nia, karik ita guarda Ninia mandamentu sira..... nia ne'ebé dehan katak nia hela iha Nia tenki nia-an mós la'ó hanesan Nia la'ó.” 1 João 2:3-6. “ Tanba Kristu mós sofre tiha ona ba ita, husik ezemplu ba ita, nune'e imi tenki la'ó tuir Ninia pasu sira.” 1 Pedro 2:21.

Kondisaun husi moris rohan-laek mak agora nafatin ba nafatin de'it,-- hanesan de'it ho uluk iha paraisu molok ita-nia inan-Aman dahuluk monu,-- obediénsia perfeitu ba Maromak nia lei, justisa perfeitu. Karik moris rohan-laek fó tiha iha kondisaun badak husi ida-ne'e, maka kontenti husi universe tomak sei hetan ameasa. Dalan sei nakloke ba pekadu, ho ninia halota terus no susar hotu-hotu, atu halo mate-labelek.

Ne'e uluk posivél ba Adaun, molok monu, atu forma karakter justu ida husi obediénsia ba Maromak nia lei. Maibé nia falla atu halo ida-ne'e, no tanba ho ninia

pekadu ita-nia natureza monu tiha ona no ita labele halo ita-nia-an justu. Dezde ita nakonu-pekadu, la santu, ita labele obedese Maromak nia lei santu ho perfekteu. Ita laiha justisa husi ita-nia rasik ho ida-ne'ebé atu hasoru ezijensia husi lei Maromak nian. Maibé Kristu halo tiha ona dalan halai-sai nian ba ita. Nia moris iha rai iha prova sira no tentasaun sira nia klaran hanesan ita hasoru. Nia moris ho moris pekadu-laek. Nia mate ona ba ita, no agora Nia oferese atu foti ita-nia pekadu sira no fó Ninia justisa ba ita. Karik imi fó imi-nia-an ba Nia, no simu Nia nu'udar imi-nia Salvadór, tuirmai, imi-nia moris nakonu-pekadu tiha ona, ba Ninia kauza imi hetan konta hanesan justu. Kristu nia karakter troka imi-nia karakter, no imi simu tiha iha Maromak nia oin hanesan imi la halo pekadu.

Liu fali ida-ne'e, Kristu muda fuan. Ho fiar Nia hela iha imi-nia fuan. Imi mak mantein ligasaun ida-ne'e ho Kristu liu-husi fiar no kontinua entrega imi-nia hakarak ba Nia; no imi enkuantu halo ida-ne'e, Nia sei serbisu iha imi atu hakarak no atu halo tuir Ninia prazér diak. Nune'e imi bele dehan "moris ne'ebé ha'u agora moris iha isin ha'u moris ho fiar husi Maromak nia Oan-mane, ne'ebé hadomi tiha ha'u, no fó tiha ona Nia-an ba ha'u." Galasia 2:20. Tan ne'e Jezús dehan tiha ba Ninia dixipulu sira, "ne'e laós imi mak ko'alia, maibé Espiritu husi imi-nia Aman mak ida-ne'ebé ko'alia tiha iha imi." Mateus 10:20. Ne'e duni Kristu serbisu iha imi, imi sei manifesta espiritu hanesan no halo obra diak hanesan—serbisu justisa nian, obediénsia.

Tan ne'e ita laiha buat ruma iha ita-nia-an ida-ne'ebé atu orgullu. Ita laiha baze ba hasa'e-an. Ita-nia baze

mesak esperanza nian mak iha Kristu nia justisa tau ba ita, no iha ine'ebá halo tiha husi Ninia Espiritu serbisu iha ita no liu-husi ita.

Bainhira ita ko'alia fiar nian, iha ine'ebá iha distinsaun ne'ebé tenki moris iha neon. Iha-ne'ebá iha modelu fiar nian ne'ebé ketak tomak husi fiar. Ezistensia no Maromak nia podér, lialoos husi Ninia liafuan, mak faktu sira ne'ebé mezmú Satanás no ninia ezérsitu sira labele nega iha fuan. Bíblia dehan katak “diabu sira mós fiar, no nakdedar;” maibé ida-ne'e laós fiar. Tiago 2:19. Iha ne'ebé mak laós fiar de'it ba Maromak nia liafuan, maibé fó-ulun husi hakarak ba Nia; iha-ne'ebé mak fuan saran tiha ba Nia, afeisaun sira hadia tiha iha Nia, iha ine'ebá iha fiar—fiar ne'ebé serbisu ho domin no hakamoos kلامar. Liu-husi fiar ida-ne'e fuan hafoun tiha iha Maromak nia imajen. No fuan ne'ebé la hafoun tiha iha ninia estadu ne'e la sujeitu ba Maromak nia lei, no sei la bele, agora solok iha ninia preseitu santu sira, fota-liafuan husi salmista, “Oh! Oinsa ha'u hadomi Ita-boot-nia lei! Ne'e mak ha'u-nia meditasaun loron tomak.” Salmo 119:97. No justisa husi lei ne'e kumpre iha ita, “ne'ebé mak la la'o tuir isin nian, maibé tuir Espiritu.” Roma 8:1.

Iha-ne'ebá iha sira ne'ebé hatene tiha ona Kristu nia domin perdaun no ne'ebé mak hakarak tebes atu sai Maromak nia oan sira, maibé sira rekoñese katak sira-nia karakter ne'e la perfekteu, sira-nia moris falla, no sira pruntu atu dúvida sira-nia fuan hafoun ona husi Espiritu ka lae. Ba sira ne'e ha'u dehan, keta fila kotuk iha lakon-esperanza. Ita tenki dala barak hakruuk no tanis iha Jezús nia ain tanba ho ita-nia frakeza no maldade sira,

maibé ita laós atu sai deskorajen. Maske inimigu manan ita, Maromak la hadook ita, la husik ita no la rejeita ita. Lae; Kristu iha Maromak nia liman loos, ne'ebé halo mós interseasaun ba ita. João doben dehan, “buat sira-ne'e ha'u hakerek ba imi, nune'e imi keta halo pekadu. no karik ema ruma halo pekadu, ita iha advogadu ho Aman, Jezús Kristu justu.” 1 João 2:1. No labele haluha Kristu nia liafuan sira, “Aman Nia-an rasik hadomi imi.” João 16:27. Nia dezeju atu restaura imi ba Nia-an, atu haree Ninia kamoos rasik no santidade ne'ebé refleto ona iha imi. No karik imi hakarak saran imi-nia-an ba Nia, Nia ne'ebé hahú tiha ona obra diak iha imi, sei lori ne'e ba oin to'o loron iha Jezús Kristu nian. Halo orasaun ho badinas liu; nakonu ho fiar liu tan. Hanesan ita mai hodi la konfia ita-nia podér rasik, mai ita konfia podér husi ita-nia Maksoin, no ita sei hahii Nia ne'ebé mak saúde ba ita-nia oin.

Bainhira imi besik liu tan ba Jezús, sala barak liu tan mak sei mosu iha imi-nia matan rasik; basá imi-nia vizaun sei sai moos liu, no imi-nia imperfeisaun sira sei haree tiha ho luan no momoos kontrariu ba Ninia natureza perfektu. Ida-ne'e mak evidénsia ne'ebé Satanás nia hanoin-pekadu lakon sira-nia podér; nune'e influénsia hamoris husi Maromak nia Espiritu ne'e fanu dadaun imi.

Laiha domin klean ba Jezús bele hela iha fuan ne'ebé mak la rekoñese ninia pekadu-tomak rasik. Klamar ne'ebé mak transforma tiha ho Kristu nia grasa sei admira Ninia karakter divinu; maibé karik ita la haree ita-nia deformidade moral, ne'e evidénsia sala-labelek

katak ita seidauk iha vizaun ida ba furak no exelénsia Kristu nian.

Menus ita haree atu dignu iha ita-nia-an, ita haree liu tan atu dignu iha kamoos infinitu no furak husi ita-nia Salvadór. Vista ida husi ita-nia nakonu-pekadu lori ita ba Nia ne'ebé bele perdua ita; no bainhira klamar, rekoñese ninia ajuda-laek, alkansa ba liur tuir Jezús, Nia sei revela Nia-an iha podér. Ita-nia sensu presiza ne'e barak liu lori ita ba Nia no ba Maromak nia liafuan, hasae liu tan vizaun ne'ebé ita sei iha husi Ninia karakter, no ita sei refleto liu tan Ninia imajen.

Kapítulu 8

KRESIMENTU IHA KRISTU

Mudansa fuan nian husi ida-ne'ebé ita sai Maromak nia oan sira ne'e iha Bíblia bolu hanesan labarik foin moris. Ne'e kompara tan ba jerminasaun fini diak nian kuda husi to'os-na'in. Iha maneira hanesan sira-ne'ebé foin konverte ba Kristu mak "hanesan bebe sira foin moris," atu "krese" ba estatura husi mane no feto iha Kristu Jezús. 1 Pedro 2:2; Efeso 4:15. Ka hanesan fini diak kuda iha to'os, sira ne'e atu krese no fó fuan. Izaias dehan katak sira sei "bolu ai justisa nian, kuda husi Maromak, nune'e bele fó glória ba Nia." Izaias 61:3. Nune'e husi moris natural, lori ilustrasaun mai, atu ajuda ita diak liu hodi komprende lialoos misteriu sira husi moris espirituál.

Laós ema nia sabedoria no abilidade hotu-hotu bele prodús moris objetu kiik liu iha natureza. Ne'e liu-husi de'it moris ida-ne'ebé Maromak Nia-an fó tiha ona, ne'ebé ai-horis ka balada bele moris. Tanba ida ne'e mak liu-husi de'it moris husi Maromak mak moris espirituál ne'e hamosu iha ema nia fuan sira. Exetu ema ida "moris husi leten" nia labele sai hola parte ida husi moris ida-ne'ebé Kristu mai atu fó. João 3:3.

Hanesan ho moris, nune'e ida-ne'e ho kresimentu. Ne'e mak Maromak ne'ebé halo ai-tubun sai funan no ai-funan sai ai-fuan. Ne'e ho Ninia podér maka fini dezenvolve an, "dahuluk du'ut, tuirmai fulin, hafoin nakonu batar iha fulin." Marcos 4:28. No profeta Oséia

dehan, refere ba Izrael, katak “nia sei krese hanesan ai-funan liri.” “ Sira sei moris fali hanesan trigu, no krese hanesan uvás.” Oseias 14:5,7. No Jezús dehan ba ita “konsidera ai-funan liri oinsa sira sai boot.” Lucas 12:27. Ai-horis sira no ai-funan sira krese laós husi sira-nia kuidadu rasik ka ansiedade ka esforsu, maibé liu-husi simu ida-ne’ebé Maromak fornese tiha ona atu serbí sira-nia moris. Labarik labele, ho ansiedade ruma ka podér husi ninian rasik, aumenta ba ninia estatura. Laiha tan ho imi bele, ho ansiedade ka esforsu husi imi-nia-an, hametin kresimentu espirituál. Ai-horis, labarik, krese liu-husi simu husi ninia ambiente ida-ne’ebé serbí ba ninia-moris—ár, loro-matan, no hahán. Saida mak prezenti husi natureza ne’e ba balada no ai-horis, hanesan ne’e mak Kristu ba sira-ne’ebé konfia ba iha Nia. Nia mak sira-nia “naroman perpétua,” “loro-matan ida no hamahon.” Izaias60:19; Salmo 84:11. Nia sei sai hanesan “mahon-been ba Izrael.” Nia sei tún mai hanesan udan ba iha du’ut book-an nia leten.” Oseia 14:15; Salmo 72:6. Nia mak bee moris, “Paun husi Maromak.....ida-ne’ebé tún mai husi lalehan, no fó moris ba mundu.” João 6:33.

Iha prezenti kompara-labelek husi Ninia Oan-mane, Maromak hale’u tiha mundu tomak ho atmosfera grasa nian ida nu’udar réal hanesan ár ida-ne’ebé sirkula hale’u globu. Sira hotu-hotu ne’ebé hili atu dada-iis fó-moris atmosfera ida-ne’e sei moris no krese ba estatura husi mane no feto iha Kristu Jezús.

Hanesan ai-funan fila ba loro-matan, ne’ebé raiu nabilan bele ajuda hodi dezenvolve ninia furak no simetria, tan ne’e ita tenki fila ba loro-matan justisa nian,

nune'e lalehan nia naroman bele lakan iha ita-nia leten, nune'e ita-nia karakter bele dezenvolve tiha hanesan Kristu nia imajen.

Jezús hanorin buat hanesan bainhira Nia dehan, "hela iha Ha'u, no Ha'u iha imi. Hanesan sanak labele fó fuan husi nia-an, exetu nia hela iha uvas-huun; imi sei labele, exetu imi hela iha Ha'u..... sein Ha'u imi labele halo buat ida." João 15:4,5. Imi nu'udar dependente de'it ba Kristu, atu bele hamoris moris santu, hanesan sanak depende ba hun atu krese no fó fuan. Ketak husi Nia imi laiha moris. Imi laiha podér atu reziste tentasaun ka atu krese iha grasa no santidade. Hela iha Nia, imi bele naburas. Dada besik imi-nia moris ba Nia, imi sei nunka namlaik nein fuan-laek. Imi sei sai hanesan ai ne'ebé kuda besik mota bee nian.

Barak mak idea ida katak sira tenki halo mesak parte balun husi serbisu. Sira konfia tiha ona iha Kristu ba perdaun pekadu nian, maibé agora sira buka ho sira nia esforsu rasik atu moris loos. Maibé esforsu sira hanesan ne'e tenki falla. Jezús dehan, "sein Ha'u imi labele halo buat ida." João 15:5. Ita-nia kresimentu iha grasa, ita-nia solok, ita-nia utulidade,-- hotu-hotu depende ba ita-nia uniaun ho Kristu. Ne'e husi komuñau ho Nia, loroloron, oraoras,--liu-husi hela iha Nia, --mak ita krese iha grasa. Nia laós Autór de'it, maibé mós konsumidór ita-nia fiar nian. Ne'e mak Kristu dahuluk, dahikus no sempre. Nia ne'e atu hamutuk ho ita, laós de'it iha hahú no iha remata husi ita-nia karreira, maibé iha pasu hotu-hotu husi dalan. David dehan, "Ha'u sempre tau Maromak iha ha'u-nia oin: tanba Nia iha ha'u nia liman-loos, ha'u sei la nakdedar." Salmo 16:8.

Imi husu, “Oinsa mak ha’u atu hela iha Kristu?” iha maneira hanesan imi simu Nia uluk. “Hanesan imi simu ona Kristu Jezús Na’i, ne’e duni imi la’o iha Nia.” “Ema loos sei moris husi fiar.” Koloso 2:6; Ebreu 10:38. Imi fó imi-nia an ba Maromak, atu sai Ninian tomak, atu serbí no obedese Nia, no imi foti Kristu nu’udar imi-nia Salvadór. Imi labele soi imi-nia-an ba imi-nia pekadu sira ka muda imi-nia fuan; maibé fó imi-nia-an ba Maromak, imi fiar katak Nia ho Kristu nia kauza, halo ida-ne’e hotu ba imi. Husi fiar imi sai Kristu nian, no husi fiar imi mak atu krese iha Nia—liu-husi fó no foti. Imi tenki fó hotu,-- imi-nia fuan, imi-nia hakarak, imi-nia serbisu,--fó imi-nia-an ba Nia atu obedese Ninia rekerimentu sira hotu; no imi tenki foti hotu,--Kristu, nakonu-tomak husi bensan hotu-hotu, atu hela iha imi-nia fuan, atu sai imi-nia forsa, imi-nia justisa, imi-nia ajudadór rohan-laek,-- hodi fó podér ba imi atu obedese.

Konsagra imi-nia-an ba Maromak iha dadersaan; halo ida-ne’e sai imi nia serbisu dahuluk. Biar imi-nia orasaun sai, “foti ha’u, O Na’i, hanesan Ita-boot nian tomak. Ha’u tau hotu ha’u-nia planu hotu iha Ita-boot nia ain. Uza ha’u ohin leron iha Ita-boot-nia serbisu. Hela ho ha’u, no biar ha’u-nia serbisu hotu halo iha Ita-boot.” Ida-ne’e mak asuntu loroloron nian. Kada dadersaan konsagra imi-nia-an ba Maromak iha leron ne’ebá. Entrega imi-nia planu hotu-hotu ba Nia, atu hala’o ka la hala’o tuir Ninia providénsia sei hatudu. Tan ne’e leron ba leron imi bele fó imi-nia moris ba iha Maromak nia liman, no nune’e imi-nia moris sei forma liu tan tuir Kristu nia moris.

Moris iha Kristu ne'e moris nakonu ho hakmatek. Iha-ne'ebá bele laiha éstaze husi sentimentu, maibé iha-ne'ebá tenki iha konstante konfiansa nakonu-pás. Imi-nia esperanza laós iha imi-nia-an; ne'e iha Kristu. Imi-nia frakeza uniaun ba Ninia forsa, imi-nia ignoransia ba Ninia sabedoria, imi-nia isin-fraku ba Ninia kbiit aguenta. Nune'e imi laós atu hateke ba imi-nia-an, laós atu husik hanoin hela iha an de'it, maibé hateke ba Kristu. Biar hanoin hela iha Ninia domin, iha furak, perfeisaun, husi Ninia karakter. Kristu iha Ninia nega-an, Kristu iha Ninia haraik-an, Kristu iha Ninia kamoos no santidade, Kristu iha Ninia domin kompara-labelek—ida-ne'e mak sujeitu ba klamar nia kontemplasaun. Ne'e liu-husi hadomi Nia, kópia Nia, depende tomak iha Nia, nune'e imi bele transforma ba iha Ninia imajen.

Jezús dehan “hela iha Ha'u.” liafuan sira ne'e hato'o idea deskansa nian, firmeza, konfiansa. Nia konvida tan, “mai ba Ha'u,.....no Ha'u sei fo deskansa ba imi.” Mateus 11:28. Liafuan sira salmista nian espresa hanoin hanesan: “deskansa iha Na'i, no hein ho pasiénsia ba Nia.” No Izaias fó garantia, “iha hakmatek no iha konfiansa sei sai imi-nia forsa.” Salmo 37:7; Isaiah 30:15. Deskansu ida-ne'e la hetan iha inatividade; basá iha Salvadór nia konvite promesa deskansu nian ne'e hahida ho bolu atu serbisu: “foti Ha'u nia jugo iha imi-nia leten:..... no imi sei hetan deskansu.” Mateus 11:29. Fuan ne'ebé nakonu liu ho deskansu iha Kristu sei sai sinseru liu no aktivu hodi serbisu ba Nia.

Bainhira hanoin konsentra ba an, ne'e fila kotuk tiha husi Kristu, hun husi forsa no moris. Husi ne'e mak Satanás nia esforsu konstante atu foti atensaun hafila

husi Salvadór no nune'e prevene uniaun no komuñauun husi klamar ho Kristu. Prazér sira mundu nian, moris nia kuidadu sira, konfuzauun sira, no terus sira, ema sira seluk nia kulpa sira, ka imi-nia kulpa sira rasik no perfeitu-laek sira—ba balun ka sira-ne'e hotu nia sei buka atu hafila hanoin. Keta dirije-pekadu husi ninia instrumentu sira. Barak mak konsentrasauun, no ne'ebé dezeju atu moris ba Maromak, nia mós dala barak dirije atu hela iha sira nia kulpa sira rasik no frakeza sira, no tan ne'e ho haketak sira husi Kristu nia espera atu hetan vitória. Ita tenki la kria an sentru no haburas ansiozu no ta'uk ba itania salvasaun. Sira ne'e hotu-hotu hafila klamar husi hun ita-nia forsa nian. Komete guarda imi-nia klamar ba Maromak, no konfia iha Nia. Ko'alia no hanoin kona-ba Jezús. Biar an sai lakon iha Nia. Hasai hotu dúvida sira; hafahe imi-nia ta'uk sira. Dehan apóstolu Paulo, "ha'u moris; laós ha'u, maibé Kristu mak moris iha ha'u: no moris ida-ne'ebé ha'u hamoris agora iha isin ha'u moris husi fiar Maromak nia Oan-mane nian, ne'ebé hadomi tiha ha'u, no fó tiha ona Nia-an ba ha'u." Galasia 2:20. Deskansa iha Maromak. Nia ne'e bele atu guarda ida-ne'ebé imi komete tiha ona ba Nia. Karik imi sei husik imi-nia-an iha Ninia liman, Nia sei lori imi liu fali ema manan na'in liu-husi Nia ne'ebé hadomi tiha imi.

Bainhira Kristu foti natureza umanu ba Nia-an, Nia kesi umanidade ba Nia-an ho tali domin nian ne'ebé nunka kotu husi podér saida de'it exetu ema nia hili husi nia-an. Satanás sei ho konstante apresenta babeur sira atu dada ita atu hakotu tali—atu hili hodi haketak ita-nia-an sira husi Kristu. Iha-ne'e mak imi presiza haree, atu haka'as an, atu halo orasaun, nune'e laiha buat ida bele

dada ita atu hili seńor seluk; basá ita sempre livre atu halo ida-ne'e. maibé mai ita tau ita-nia matan ba iha Kristu, no Nia sei konserva ita. Hateke ba Jezús, ita seguru. Laiha buat id abele hasai ita husi Ninia liman. Iha ho konstante haree ba Nia, ita "sai muda tiha ba iha imajen hanesan husi glória ba glória, hanesan ho Espiritu husi Na'i." 2 Korinto 3:18.

Ne'e uluk hanesan ne'e mak dixipulu dahuluk sira hetan sira-nia imajen ba doben Salvadór. Bainhira dixipulu sira ne'ebá rona Jezús nia liafuan sira, sira senti sira-nia presiza husi Nia. Sira buka, sira hetan, sira la'o tuir Nia. Sira hamutuk ho Nia iha uma, iha meza, iha eventu parikular, iha kampu. Sira hamutuk ho Nia hanesan alunu sira ho mestre ida, loroloron simu lisaun lialoos santa nian husi Nia ibun. Sira hateke ba Nia, hanesan atan sira ba sira-nia seńor, atu aprende sira nia dever. Dixipulu sira ine'ebá ne'e ema "sujeitu ba paixoun hanesan ita." Tiago 5:17. Sira iha batalla hanesan ho pekadu atu luta. Sira presiza grasa hanesan, atu sira bele hamoris moris santu.

Maske João, dixipulu doben, ida ne'ebé refléta tomak liu Salvadór nia imajen, la ho natural nia iha karakter furak. Nia laós de'it foti-an no ambisiouzu ba onra, maibé la pasiénsia, no hirus bainhira ema fó sala. Maibé hanesan karakter husi Divinu Ida manifesta ba nia, nia haree ninia mukit no haraik-an husi koñesimentu. Forsa no pasiénsia, podér no laran-mamar, majestade no laran-mamar, ne'ebé Nia haree iha Maromak nia Oan-mane nia moris loroloron, ense ninia klamar ho admira no domin. Loron ba loron ninia fuan dada besik ba Kristu. To'o nia lakon haree ba nia-

an iha domin ba ninia Señor. Ninia hirus, karakter ambisiozu, ne'e saran ba podér formasaun husi Kristu. Hafoun influénsia husi Espiritu Santu nian hafoun ninia fuan. Podér husi Kristu domin halo tranzformasaun karakter nian. Ida-ne'e mak rezultadu loos husi uniaun ho Jezús. Bainhira Kristu hela iha fuan, natureza tomak tranzforma tiha. Kristu nia Espiritu, Ninia domin, hamamar fuan, halo hakru'uk klamar, no hasae hanoin sira no dezeju sira hasoru Maromak no lalehan.

Bainhira Kristu sa'e ba lalehan, sensu husi Ninia prezensa sei hamutuk ho Ninia maktuir sira. Ne'e prezensia pesoál, nakonu ho domin no naroman. Jezús, Salvadór, ne'ebé la'ó, ko'alia no halo orasaun ho sira, ne'ebé ko'alia tiha ona esperanza no konfortu ba sira-nia fuan sira, iha, enkuantu mensajen pás nian sei iha Ninia ibun, foti sa'e tiha husi sira ba lalehan, no ton sira husi Ninia lian fila tiha mai ba sira, hanesan anju sira kalohan nian simu Nia—"Eis, Ha'u hamutuk ho imi nafatin to'o mundu ne'e remata." Mateus 28:20. Nia sa'e tiha on aba lalehan iha forma humanidade. Sira hatene katak Nia iha Maromak nia tronu oin, sira nia Maluk no Salvadór sei hanesan; katak Ninia simpatia sira la hetan mudansa; katak Nia sei hetan identifika ho sofre humanidade. Nia apresenta iha Maromak nia oin méritu sira husi Ninia raan folin-boot rasik, hatudu Ninia liman no ain kanek, iha memoria husi folin Nia selu tiha ona ba Ninia sasoin ona. Sira hatene katak Nia sa'e tiha ona ba lalehan hodi prepara fatin ba sira, no sei mai fali no lori sira ba Nian.

Hanesan sira hasoru malu hafoin axensaun sira hakarak tebes atu apresenta sira nia pedidu ba Aman

iha Jezús nia naran. Iha sentimentu solene sira hakruuk iha orasaun, repete garantia, “saida de’it mak imi husu Aman iha Ha’u-nia naran, Nia sei fó ba imi. To’o agora imi la husu buat ruma iha Ha’u nia naran: husu, imi sei simu, nune’e imi-nia ksolok bele sai nakonu.” João 16:23,24. Sira hanaruk liman fiar nian aas liu no aas liu ho argumentu forti, “ Ne’e Kristu mak mate ona,sim, ne’ebé moris hias fila fali, ne’ebé iha Maromak nia liman loos, ne’ebé mós halo intersesaun ba ita.” Roma 8:34. No Pentekosta lori ba sira prezensa husi Konsoladór, husi nia ne’ebé Kristu dehan tiha ona, Nia “sei iha imi.” No Nia dehan tiha ona, “Ne’e oportunu ba imi katak Ha’u ba tiha; maibé karik Ha’u husik, Ha’u haruka Nia ba imi.” João 14:17;16:7. Husi ne’e ba oin liu-husi Espiritu, Kristu atu hela ho kontinua iha fuan sira husi Ninia oan sira. Sira-nia uniaun ho Nia ne’e besik liu duké bainhira Nia hamutuk ho sira ho pesoál. Naroman, no domin, no podér husi Kristu nia hela lakan sai liu-husi sira, nune’e ema, haree ba, “maravilla; no sira foti koñesimentu husi sira, katak sira hamutuk ona ho Jezús.” Apóstolu 4:13.

Hotu-hotu ne’ebé Kristu uluk ba dixipulu sira, mak Nia dezeju atu sai Ninia oan sira ohin-loron; basá iha orasaun ikus ne’ebá, ho grupu kiik husi dixipulu sira halibur hale’u Nia, Nia dehan “ laós Ha’u halo orasaun ba sira-ne’e mesak, maibé ba sira ida-ne’ebé sei fiar iha Ha’u liu-husi sira-nia liafuan.” João 17:20.

Jezús halo orasaun ba ita, no Nia husu nune’e ita bele sai ida ho Nia, hanesan Nia ida ho Aman. Uniaun saida mak ida-ne’e! Salvadór hatete ba Nia-an; “Oan labale halo buat ida husi Nia-an;” “Aman ne’ebé hela iha Ha’u, Nia halo serbisu sira.” João 5:19; 14:10. Tuirmai

karik Kristu hela iha ita-nia fuan sira, Nia sei serbisu iha ita “tantu atu hakarak no atu halo husi Ninia prazér diak.” Filipe 2:13. Ita tenki serbisu hanesan Nia serbisu; ita tenki manifesta Espiritu hanesan. No nune’e, hadomi Nia no hela iha Nia, ita sei “krese ba Nia iha buat hotu, ida-ne’ebé mak ulun, Kristu. Efesio 4:15.

Kapítulu 9

SERBISU NO MORIS

Maromak mak hun husi moris, naroman no haksolok ba universe. Hanesan raiu sira naroman nian husi loro-matan, hanesan bee suli nian hafera husi bee-matan moris ida, bengan suli sai husi Nia ba Ninia kriatura sira hotu. No iha-ne'ebé de'it mak moris husi Maromak iha ema-nia fuan sira, ne'e sei suli sai ba sira seluk iha domin no bengan.

Ita-nia Salvadór nia ksolok ne'e iha hasae no sasoin husi ema monu ona. Tanba ida-ne'e Nia konta tiha laós Ninia moris folin boot ba Nia-an, maibé lori kruz, hatún moe. Nune'e mós anju sira involve tiha iha serbisu ba kontenti husi sira seluk. Ida-ne'e mak sira-nia ksolok. Ne'ebé fuan sira egoista sei konsidera hanesan serbisu haraik-an, halo ministériu ba sira ne'ebé mak susar no iha dalan inferior sira hotu-hotu iha karakter no iha pozisaun, mak serbisu husi anju pekadu-laek sira. Espiriu husi Kristu nia domin sakrifisiu-an mak espirtu ne'ebé domina lalehan no esénsia husi ninia haksolok. Ida-ne'e mak espirtu ne'ebé sei sai Krsitu nia maktuir sira nian, no serbisu ne'ebé sira sei halo.

Bainhira domin husi Kristu ne'e rai didiak iha fuan, nia hanesan morin midar ne'ebé labele hetan subar. Ida-ne'e nia influénsia santa sei hetan senti husi sira hotu-hotu ho sé ita mai iha kontaktu. Kristu nia Espiritu iha fuan ne'e hanesan bee matan ida iha dezertu, suli hodi halo frestu hotu-hotu no halo sira ne'ebé mak prontu atu mout, laran-manas atu hemu husi bee moris nian.

Domin ba Jezús sei manifesta tiha iha dezejueu atu serbisu hanesan Nia serbisu ona ba bengan no hasae umanidade nian. Ne'e sei dirije atu hadomi, laran-maus,

no simpatia hasorru kriatura sira hotu-hotu husi Aman lalehan nia kuidadu.

Salvadór nia moris iha rai laós moris ida fasil no devosaun ba Nia-an, maibé Nia halo knar todan ho persistente, sinseru, esforsu la hanoin kole ba ba salvasaun husi umanidade ne'ebé lakon. Husi baladahan-fatin to'o Kalvariu Nia la'o tuir dalan nega-an nian no la buka atu hetan livre husi tarefa susar sira, viajén sira nakonu-moras no kuidadu kole-todan no serbisu. Nia dehan "ema nia Oan-mane laós mai atu hetan serbí, maibé atu serbí, no atu fó Ninia moris soi ida ba ema barak." Mateus 20:28. Ida-ne'e mak uluk objetivu boot ida husi Ninia moris. Buat sira seluk ne'e sekundáriu no iha okos. Ne'e uluk Ninia hahán no hahemuk atu halo Maromak nia hakarak no remata Ninia serbisu. An no inetereseiru laiha parte husi Ninia serbisu.

Tan ne'e sira ne'ebé mak hola parte husi grasa Kristu nian sei prontu atu halo sakrifisiu saida de'it, atu nune'e sira seluk ba sé Nia mate ona bele fahe prezenti lalehan nian. Sira sei halo buat hotu ne'ebé sira bele atu halo mundu ne'e diak liu ba sira nia-nia hela fatin. Espiritu ida ne'e mak rezultadu kresimentu no husi klamar ida ne'ebé konverte loloos. La lalais liu ema ida mai to'o kristu duké iha-ne'ebá mosu iha nia fuan iha dezeju atu halo ema seluk hatene belun folin-boot nia hetan tiha ona iha Jezús; lialoos atu salva no hasantu taka labelek iha ninia fuan. Karik ita hetan hatais ho lialoos husi Kristu no ense-nakonu ho ksolok husi Ninia Espiritu mahelak, ita sei labele túr-hakmatek. Karik ita koko ona no haree tiha ona katak Na'i ne'e diak ita sei iha buat ruma atu hetete. Hanesan Filipe bainhira nia hetan tiha

Salvadór, ita sei konvida ema seluk ba iha Ninia prezensa. Ita tenki buka hodi aprezena ba sira atrativu sira husi Kristu no realidade sira la-haree husi mundu atu mai. Iha-ne'ebá sei iha intensidade dezeju nian atu tuir iha dalan ne'ebé Jezús sama ona. Iha-ne'ebá sei laran-kaan sinseru katak sira-ne'ebé haleu ita bele "haree ba Maromak nia Bibi-oan, ida-ne'ebé kasu mundu nia pekadu." João 1:29.

No esforsu atu bensa sira seluk sei halo reasaun iha bengan ita-nia-an sira. Ida-ne'e mak Maromak nia objetivu hodi fó ba ita parte ida atu halo asaun iha planu sasoin nian. Nia fó tiha ona ba ema privilejiu atu sai hola parte husi natureza divinu no, iha sira-nia turnu, atu haklekar bengan sira ba sira-nia maluk. Ida-ne'e mak onra ass liu, ksolok boot liu, katak ne'e posivel ba Maromak atu haraik ba ema. Sira-ne'ebé halo sai pantisipante sira iha serbisu domin nian ne'ebé lori besik liu ba sira-nia Kriadór.

Maromak bele komete tiha ona mensajen husi evanjellu, no serbisu hotu husi ministériu domin, ba anju sira lalehan nian. Nia bele hala'o tiha ona serbisu iha meu seluk atu realiza Ninia objetivu sira. Maibé iha Ninia domin infinitu Nia hili atu halo ita kolega-serbisu ho Nia-an, ho Kristu no anju sira, nune'e ita bele fahe bengan, ksolok, hasae espirituál, ida-ne'ebé rezulta husi ministériu la egoista ida-ne'e.

Ita lori tiha ba simpatia ho Kristu liu-husi hamaluk husi Ninia sofrimentu sira. Asaun hotu-hotu husi sakrifisiu-an ba ema sira seluk nia diak haforsa espiritu husi benefisiu nian iha fuan sira ne'ebé fó, laka nia besik

liu ba Maksoin mundu nian, ne'ebé "riku, maibé ba imi-nia kauza sai tiha kiak, nune'e imi liu-husi Ninia kakiak bele sai riku." 2 Korinto 8:9. No ne'e hanesan ita kumpre de'it objetivu divinu iha ita-nia kriasaun mak moris bele sai bensen ba ita.

Karik imi sei ba serbisu hanesan Kristu dezena nune'e Ninia dixipulu sei halo, no manan klamar ba Nia, imi sei senti presiza husi esperiénsia klean no koñesimentu boot liu iha buat sira divinu, no sei hamlaha no hamrook ba lialoos. Imi sei hesuk an ho Maromak, no imi-nia fiar sei haforsa tiha, no imi-nia klamar sei hemu ezbosu klean iha bee-posu salvasaun nian. Hasoru opozisaun no prova sira sei lori imi ba Bíblia no orasaun. Imi sei krese iha kristu no koñesimentu Kristu nian, no sei dezenvolve experiensia riku ida.

Espiritu la egoista nian serbisu ba ema seluk fó klean, estabilidade, no karakter nakonu-domin hanesan Kristu, no lori pás no kontenti ba ninia na'in. Aspirasaun sira ne'e hasae tiha. Iha-ne'ebá laiha fatin ba baruk-teen no egoista. Sira ne'ebé mak ezerse grasa Kristaun sei krese no sai forsa hodi serbisu ba Maromak. Sira sei iha vizaun espirituál klean, metin, fiar krese, no aumenta podér iha orasaun. Maromak nia Espiritu, book-an iha sira-nia espiritu, bolu ba armonia segredu sira husi klamar iha resposta ba kontakta divinu. Sira ne'ebé mak dedika sira-nia-an ba esfoursu la egoista ba ema seluk sira nia diak ne'e ho serteza tebetebes serbisu ba sira nia salvasaun rasik.

Dalan mesak de'it atu krese iha grasa mak atu halo ho laiha ineterese-aat ba serbisu ida-ebe Kristu haruka

ona ita atu involve, atu haluan ita nia abilidade, iha ajuda no bensa sira ne'ebé presiza ajuda ne'ebé ita bele fó ba sira. Forsa mai liu-husi ezersísiu; aktividade mak kondisaun moris nian tebetebes. Sira-ne'ebé haka'as an atu mantein moris Kristaun ho simu ho pasivu bengan ne'ebé mai liu-husi meu grasa nian, no la halo buat ida ba Kristu, mak koko ho simples atu moris ho han sein serbisu. No iha espirituál hanesan iha mundu natural, ida-ne'e sempre rezulta iha fila-kotuk no sai-aat. Ema ida ne'ebé rejenta atu halo ezersisiu ninia isin-balun sei lalais lakon podér hotu-hotu atu uza sira. Ne'e mak Kristaun ne'ebé sei la halo ezersisiu ninia podér Maromak-fó laós falla de'it atu krese ba Kristu, maibé nia lakon forsa ne'ebé nia iha tiha ona.

Kristu nia igreja mak Maromak nia ajénsia aponta tiha ona ba ema nia salvasaun. Ninia misaun mak atu haklaken evenjellu ba mundu. No obrigasaun ne'e iha ema Kristaun hotu nia letan. Ema hotu, atu haluan husi ninia talentu no oportunidade, mak atu kumpre Salvador nia komisaun. Kristu nia domin, revela ona ba ita, halo ita sai debedór sira ba ema hotu ne'ebé la koñese Nia. Maromak fó tiha ona naroman ba ita, laós ba ita-nia-an de'it, maibe atu haleno ba sira seluk mós.

Karik Kristu nia maktuir sira fanun ba dever, sei sai rihun mak haklaken evanjellu iha rai jentiu sira ne'ebé ohin loron ema ida de'it mak hala'o. No sira hotu ne'ebé la involve ho pesoál iha serbisu, sei suntenta ida-ne'e ho sira-nia rekursu, sira-nia simpatia, no sira-nia orasaun sira. No iha ine'ebá sei iha serbisu sinseru liu ba klamar sira iha Nasaun Kristaun sira.

Ita la presiza ba rai jentiu sira, ka husik sirkulu kloot husi uma, karik ne'e iha-ne'ebá mak ita-nia dever iha, atu halo serbisu ba Kristu. Ita bele halo ida-ne'e iha sirkulu uma nian, iha igreja, entre ema sira ho sé ita halo relasaun, no ho sé ita halo komersiu.

Parte boot liu husi ita-nia Salvadór nia moris iha rai ne'e gasta iha pasiénsia serbisu-todan iha loja karpinteiru nian iha Nazaret. Anju sira halo ministériu nian atende Na'i moris nian hanesan Nia la'o sorin ba sorin ho to'os na'in no serbisu na'in sira, la rekoñese no la onra. Nia hanesan ho fiél kumpre Ninia misaun enkuantu serbisu iha Ninia ofisiu haraik-an hanesan bainhira Nia kura moras ka la'o iha anin-boot huu laloran Galilea nian. Tan ne'e iha dever sira haraik-an liu no pozisaun kraik liu iha moris ita bele la'o no serbisu ho Jezús.

Apóstolu dehan, "biar ema hotu, iha ne'ebé de'it mak nia hetan bolu, iha-ne'ebá hela ho Maromak." 1 Korinto 7:24. Ema komersiante bele hala'o ninia komersiu iha dalan ne'ebé sei fó glória ba ninia Señor tanba ho ninia fiar-metin. Karik nia ne'e maktuir loloos Kristu nian nia sei lori ninia relijaun ba iha buat hotu ne'ebé mak halo-hotu ona no revela ba ema Kristu nia Espiritu. Mekaniku bele badinas no representante fiar-metin husi Nia ne'ebé hala'o serbisu moris ho haraik-an entre foho sira Galilea nian. Ema hotu ne'ebé fó naran husi Kristu nia naran tenki serbisu duni nune'e ema seluk, liu-husi ninia serbisu diak sira, bele hetan diri je atu fó-glória ba sira-nia Kriadór no Maksoin.

Barak mak permite ona sira-nia-an husi fó sira nia talentu iha serbisu husi Kristu tanba sira seluk ne'e hetan na'in husi patrosíniu superior no vantajen sira. Opiniaun hala'o tiha ona katak sira-ne'ebé hetan talentu espesiál de'it mak presiza atu konsagra sira-nia abilidade ba Maromak nia serbisu. Ne'e komprende tiha ona husi ema barak katak talentu sira ne'e fó de'it ba klase favór serteza nian no hakli'ur husi ema seluk ne'ebé konserteza la hetan bolu atu fahe iha serbisu ka selu-kole sira. Maibé ida-ne'e laós reprezenta liu iha aiknanoi. Bainhira señor uma nian bolu ninia atan sira, nia fó ninia serbisu ba ema hotu.

Ho espíritu domin it abele performa moris iha serbisu haraik-an liu "hanesan ba Na'i." Koloso 3:23. Karik Maromak nia domin ne'e iha fuan, ne'e sei hetan manifesta iha moris. Sabór midar husi Kristu sei haleu ita, no ita-nia influénsia sei hasae no bensa.

Imi laós atu hein ba okaziaun boot sira ka atu hein abilidade sira estrordinariu molok imi ba serbisu ba Maromak. Imi la presiza iha hanoin ida kona-ba saida mak mundu sei hanoin kona-ba imi. Karik imi-nia moris loro-loron ne'e testamuña ida ba kamoos no sinseriedade husi imi-nia fiar, no sira seluk hetan konvense katak imi iha dezeju atu fó benefísiu ba sira, imi-nia esforsu sei la lakon tomak.

Haraik-an liu no mukit liu husi dixipulu sira Jezús nian bele sai bengan ba ema seluk. Sira bele la hanoin hikas katak sira halo dadaun buat diak espesiál ida, maibé ho sira nia influénsia konxiente-laek sira bele hahú laloran bengan sira ne'ebé sei haluan no haklean,

no rezultadu hetan bensa sira nunka bele hatene to'o loron selu-kole finál. Sira la sente ka hetene katak sira halo dadaun buat ruma boot. Sira la presiza atu hakole sira-nia-an ho ansiedade kona-ba susesu. Sira iha de'it mak la'o ba oin ho nonok, halo ho fiar-metin serbisu ne'ebé Maromak nia providensia haruka, no sira-nia moris sei la saugati. Sira-nia klamar rasik sei krese aumenta no aumenta ba iha imajen husi Kristu; sira mak serbisu na'in hamutuk ho Maromak iha moris ida-ne'e no nune'e ajusta ba serbisu ne'ebé aas no ksolok loloos husi moris ne'ebé atu mai.

Kapítulu 10

KOÑESIMENTU KONA-BA MAROMAK

Iha dalan barak iha ida-ne'ebé Maromak ne'e buka atu halo koñese Nia-an ba ita no lori ita ba iha komuñan ho Nia. Natureza ko'alia ba ita sensu sira sein remata. Fuan nakloke sei hetan atrai ho domin no glória Maromak nian henesan revela tiha ona liu-husi serbisu sira husi Ninia liman. Tilun rona-nian sei rona no komprende Maromak nia komunikasaun liu-husi buat sira natureza nian. To'os matak, ai aas sira, ai-tubuk no ai-funan sira, kalohan ne'ebé liu, udan ne'ebé tún, sabak mota oan sira, glória sira husi lalehan, ko'alia ba ita-nia

fuan sira, no konvida ita atu sai koñese malu tiha ho Nia ne'ebé halo sira ne'e hotu.

Ita-nia Salvadór futun Ninia lisaun folin-boot sira ho buat natureza sira. Ai sira, manu sira, ai-funan sira husi foho-leet, foho sira, bee lihun sira, no lalehan furak, hanesan ho insidente no ambiente husi moris loroloron, ne'e hotu-hotu liga ba liafuan sira husi lialoos, nune'e Ninia lisaun sira bele dala barak fó hanoin fali ba ita-nia memoria, mezmu entre kuidadu okupadu husi serbisu-todan husi ema nia moris.

Maromak hakarak atu Ninia oan-sira apresia Ninia serbisu sira no kontenti iha simples, furak liu ho ida-ne'ebé Nia hafutar tiha ona ita-nia uma mundu nian. Nia mak domin-nain ba furak, no liu hotu atrativu liur-nian mak Nia hadomi karakter nia furak; Nia hakarak ita kuda kamoos no simplisidade, kabeer liu ai-funan sira husi.

Karik ita hakarak rona de'it, Maromak nia obra sei hanorin ita lisaun folin-boot husi obediénsia no konfiansa.

Husi fitun sira ne'ebé iha sira-nia dalan trajetu sira nakonu espasu, tuir husi sira-nia dalan apontadu tinan ba tinan, to'o iha átomu ki'ik liu, sasán sira natureza nian obedese Kriadór nia hakarak. No Maromak kuidadu buat hotu-hotu no sustenta buat hotu-hotu ne'ebé Nia kria ona. Nia ne'ebé mak kaer mundu konta-labelek liu-husi sukat-labelek, iha tempu hanesan tau-matan ba hakarak husi manu-llin kiik oan, ne'ebé hananu ninia knananuk haraik-an ho ta'uk. Bainhira ema la'o ba ninia serbisu-todan loroloron, hanesan bainhira sira involve iha

orasaun; bainhira sira toba iha kalan, no bainhira hadeer iha dadersaan; banhira ema riku halo festa iha ninia palasiu, ka bainhira ema kiak halibur ninia oan sira kona-ba hahán oit oan liu, ida-idak hetan tau-matan ho laran-maus husi Aman lalehan. Laiha matan been ne'ebé monu mak Maromak la nota. Laiha hamnasa ne'ebé Maromak la tau marka.

Karik ita hakarak fiar de'it ida ne'e, ansiedade la merese hotu-hotu sei sai fahe-malu. Ita-nia moris sei la ense-nakonu tan ho esperanza-laek hanesan agora; basá buat hotu, nia boot ka kiik, sei husik hotu iha Maromak nia liman, ne'ebé mak la hetan laran-taridu husi kuidadu ba buat barak tebetebes, ka nein domina ho sira-nia todan. Ita sei tuirmai haksolok ho deskansa ida klamar nian ida-ne'ebé ema barak kleur tiha ona la sente.

Hanesan imi-nia sensu sira kontenti iha atrativu furak husi rai, hanoin ba mundu ne'ebé atu mai, ne'e sei nunca hatene malisan husi pekadu no mate; iha-ne'ebé natureza nia oin sei hata'is lalatak husi malisan. Biar imi-nia imajinasaun imajina uma husi ema ne'ebé hetan salvasaun, no hanoin katak ita-ne'e sei sai gloriouzu liu duké imi-nia imajinasaun nabilan liu bele hahilas. Iha laromak nia prezenti oioin iha natureza ita haree maibé nakdeer mihis liu husi Ninia glória. Ne'e hakerek nanis, "matan seidak haree, no tilun seidak rona, no mós seidak tama ema nia fuan, buat sira ne'ebé Maromak prepara ba sira ne'ebé hadomi Nia." 1 Korinto 2:9.

Poeta no naturalista iha buat barak atu dehan kona-ba natureza, maibé ne'e Kristaun mak haksolok furak

husi rai ho apresiasaun aas tebes, tanba nia rekoñese ninia Aman nia liman serbisu no sente Ninia domin iha ai-fuan, ai-oan, no ai sira. Laiha ema ida mak apresia tomak signifíkansia husi foho no foho-leet, mota no tasi, ne'ebé la hateke ba sira nia leten hanesan espresaun husi Maromak nia domin ba ema.

Maromak ko'alia ba ita liu-husi ninia providénsia serbisu no liu-husi influénsia Ninia Espiritu nian iha fuan. Iha ita-nia sirkumstánsia sira no ambiente sira, iha mudansa loroloron hola fatin haleu ita, it abele hetan lisaun sira folin-boot karik ita-nia fuan loke de'it atu haree sira. Salmista, tapa tuir serbisu husi Maromak nia providénsia, dehan “ Rai ne'e nakonu ho Na'i nia diak.” “Sé mak matenek liu hodi observa buat sira ne'e hotu, to'o sira komprende kariñozu husi Na'i.” Salmo 33:5;107:43.

Maromak ko'alia ba ita iha Ninia liafuan. Iha-ne'e ita iha liña klaru liu revelasaun husi Ninia karakter, husi Ninia hasoru ho ema, no serbisu boot sasoin nian. iha-ne'e loke iha ita-nia oin istória husi patriarka sira, profeta sira no ema santu tuan sira seluk. Sira ne'e ema “sujeitu ba paixaun sira hanesan ita.” Tiago 5:17. Ita haree oinsa sira luta liu-husi deskorajen sira hanesan ita-nian rasik, oinsa sira monu iha tentasaun okos hanesan ita halo tiha ona, no sei foti fuan fila fali no manan liu-husi Maromak nia grasa; no, haree ba, ita hetan korajen iha ita-nia haka'as an tuir justisa. Hanesan ita lee husi esperiénsia folin-boot sira fó tiha ba sira, husi naroman, domin no bensan sira-nian atu goza, no husi serbisu sira halo liu-husi grasa fó ona ba sira, espiritu ne'ebé inspira ona sira hamoris ahi-lakan husi kompetisaun santa iha

ita-nia fuan no dezeju ida atu sai hanesan sira iha karakter—hanesan sira atu la'õ ho Maromak.

Jezús dehan tiha ona husi Eskritura Testamentu tuan,—no oinsa liu tan ida ne'e loos husi Foun,—“sira mak ida-ne'ebé fó testamuña kona-ba Ha'u,” Maksoin, iha Nia ita-nia esperanza sira husi moris roha-laek ne'e hetan sentru. João 5:39. Sim, Bíblia tomak ko'alia kona-ba Kristu. Husi rekorda dahuluk kriasaun nian—basá “sein Nia laiha buat ida mak mosu ne'ebé halo tiha ona”—ba promesa ikus, “Haree ba, Ha'u mai ho lalais,” ita mak lee dadaun husi Ninia serbisu sira no rona ba Ninia lian. João 1:3;Apokalipse 22:12. Karik imi sai koñese malu ona ho Salvadór, estuda Santa Eskritura sira.

Ense fuan tomak ho Maromak nia liafuan sira. Sira mak bee moris, halo la hamrook imi-nia hamrook tebes. Sira mak paun moris husi lalehan. Jezús deklara, “Exetu imi han isin husi ema nia Oan-mane, no hemu Ninia raan,imi laiha moris iha imi.” No esplika Nia-an ho dehan, “liafuan sira ne'ebé Ha'u ko'alia tiha ona ba imi, sira mak espiritu, no sira mak moris.” João 6:53,63. Itania isin-lolon harii husi saida mak ita han no hemu; no hanesan iha ekonómia natural, nune'e iha ekonómia espirituál: ne'e mak buat ne'ebé ita halo meditasaun ne'ebé sei fó ton no forsa ba ita-nia natureza espirituál.

Tema husi sasoin mak ida ne'ebé anju sira dezeju atu hateke ba laran; ne'e sei sai siensia no knananuk husi hetan sasoin liu-husi tinan remata-laek husi eternidade. Ne'e la merese husi hanoin ho kuidadu no estuda agora? Laran-sadi'a no domin infinitu husi Jezús,

sakrifisiu halo ona iha ita-nia fatin, bolu ba seriu tebetebes no reflesaun solene. Ita tenki hela iha karakter husi ita-nia Maksoin doben no interseisor. Ita tenki medita misaun husi Nia ne'ebé mai tiha ona hodi salva Ninia ema husi sira-nia pekadu sira. Hanesan ita kontempla tema sira lalehan nian, ita-nia fiar no domin sei krese forsa liu no ita-nia orasaun sira sei bele simu liu tan ba Maromak, tanba sira sei sai kahur liu tan ho fiar no domin. Sira sei sai matenek no fervente. Iha-ne'ebá sei iha konfiansa konstante liu iha Jezús, no loroloron, moris esperiéncia iha Ninia podér atu salva ba ema hotu-hotu ne'ebé mai ba Maromak husi Nia.

Hanesan ita medita iha Salvadór nia perfeisaun, ita tenki hakarak atu hetan transforma no hafoun tomak ba imajen husi Ninia kamoos. Iha-ne'ebá sei iha hamlaha no hamrook ida husi klamar atu sai hanesan Nia ne'ebé ita adora. Ita-nia hanoin sira iha Kristu liu tan, ita sei ko'alia kona-ba Nia liu tan ba ema seluk no reprezenta Nia ba mundu.

Bíblia laós hakerek nanis ba ema eskolár de'it; iha kontrariu, ne'e uluk dezena tiha ba ema baibain. Lialoos boot nesesariu ba salvasaun ne'e halo tiha klaru hanesan loron-meiudia; no laiha ida mak sei pekadu no lakon sira-nia dalan exetu sira-ne'ebé tuir sira nia julgamentu rasik envezde husi revela ona ho klaru Maromak nia hakarak.

Ita tenki la foti testamuña husi ema ruma hanesan ba saida mak eskritura sira hanorin, maibé tenki estuda Maromak nia liafuan ba ita-nia-an. Karik ita autoriza ema atu halo ita-nia hanoin, ita sei iha enerjia kude'ik no

abilidade sira namkurut. Podér nobre husi hanoin bele sai anaun husi ezersísiu menus iha tema sira merese husi sira-nia konsentrasaun hanesan atu lakon sira-nia abilidade atu kaer signika klean husi Maromak nia liafuan. Hanoin sei haluan karik ne'e uza iha tapa tuir relasaun husi liasaun sira Bíblia nian, kompara eskritura ho eskritura no buat espirtuál ho espirtuál.

Iha-ne'ebá laiha buat ida tan hetan kalkula atu haforsa intelektuál duké estuda husi eskritura sira. Laiha livru seluk mak maka'as atu hasa'e hanoin sira, atu fó forsa ba fakuldade sira, hanesan luan, nobilita lialoos sira husi Bíblia. Karik Maromak nia liafuan ne'e estuda tiha hanesan nia tenki sai, ema bele iha hanoin luan, nobilita ida husi karakter, no estabilidade ida husi objetivu dala ladún barak haree iha sira-nia tempu sira.

Maibé ne'ebá ne'e benefísiu oitoan de'it mak hetan husi lee eskritura sira ho ansi-an. Ema ida bele lee husi Bíblia tomak maibé sei falla atu haree ninia furak ka komprende ninia kle'an no signifika subar. Trexu ida estuda tiha to'o ninia signifika ne'e klaru ba hanoin no ninia evidénsia relasaun ba planu salvasaun nian, ne'e valór liu duké lee-liu kapitulu barak ho laiha objetivu katebes iha vista no la hetan instrusaun pozitivu. Guarda imi nia Bíblia ho imi. Bainhira imi iha oportunidade, lee nia; tau versu sira iha imi nia hanoin. Mezmu enkuantu imi la'o hela iha dalan imi bele lee trexu ida no medita kona-ba nia, tuirmai tau nia iha imi-nia hanoin.

Ita labele hetan sabedoria sein atensaun sinseru no estuda akompañia ho nakonu-orasaun. Parte balu husi eskritura ne'e klaru liu duni atu labele hetan sala-

komprende, maibé iha-ne'ebá iha sira seluk ne'ebé nia signifika la bosok iha superfísie atu haree lalais. Eskritura tenki kompara ho eskritura. Iha-ne'ebá tenki iha buka kuidadu no reflesaun akompañia ho orasaun. No estuda hanesan sei selu fali ho riku. Hanesan traballista deskobre uat husi metal folin-boot subar iha superfísie rai nia okos, nune'e nia ne'ebé ho tahan buka Maromak nia liafuan hanesan ba rikusoin subar hetan lialoos sira husi valór aas tebetebes, ida-ne'ebé mak subar husi ema ne'ebé buka la kuidadu nia vista. Liafuan inspirasaun nian, medita iha fuan, sei sai hanesan mota suli husi bee matan moris nian.

Labele estuda Bíblia sein orasaun. Molok loke ninia pajina sira ita tenki husu haroman husi Espiritu Santu, no ne'e sei fó tiha. Bainhira Natanael mai ba Jezús, Salvadór fota-liafuan, "haree ema Izrael ida sinseru, iha nia laiha bosok!" Natanael dehan, "Ita-boot hatene ha'u hori-bainhira?" Jezús hatan, "molok Filipe bolu ita-boot, bainhira ita-boot iha ai-figeira okos, Ha'u haree ona ita-boot." João 1:47,48. No Jezús sei haree mós ita iha fatin segredu orasaun nian karik ita sei buka Nia ba naroman ne'ebé ita bele hatene saida mak lialoos. Anju sira husi mundu naroman nian sei hamutuk ho sira iha fuan haraik-an buka ba mata-dalan divinu.

Espiritu Santu hasae no fó glória ba Salvadór. Ne'e Ninia serbisu atu apresenta Kristu, kamoos husi Ninia justisa, no salvasaun boot ne'ebé ita iha liu-husi Nia. Jezús dehan, "Nia sei simu husi Ha'u, no sei hatudu ba imi." João 16:14. Espiritu lialoos nian mak mestre efetivu mesak de'it husi lialoos divinu. Oinsa tenki Maromak estima rasa umanu, dezde Nia fó Ninia Oan-

mane atu mate ba sira no aponta Ninia Espiritu atu sai
ema nia mestre no hatudu dalan konstante!

Kapítulu 11

ORASAUN NIA PRIVILEJIU

Liu-husi natureza no revelasaun, liu-husi Ninia providénsia, no ho influénsia husi Ninia Espiritu, Maromak ko'alia ba ita. Maibé sira-ne'e la to'o; ita presiza mós tau ita-nia fuan sira ba Nia. Atu ita bele iha moris espirituál no enerjia, ita tenki iha relasaun atuál ho ita-nia Aman lalehan. Ita-nia hanoin sira bele dirije ba Nia; ita bele medita ba Ninia serbisu sira, Ninia laran-sadi'a sira, Ninia bengan sira; maibé ida-ne'e laós, iha sensu nakonu liu, komuñau ho Nia. Atu komuñau ho Maromak ita tenki iha buat ruma atu ko'alia ba Nia kona-ba ita-nia moris atuál.

Orasaun mak loke fuan ba Maromak hanesan ba belun ida. Laós katak ne'e presiza atu halo Maromak hatene ita, maibé atu habele ita hodi simu Nia. Orasaun laós lori tún Maromak ba ita, maibé lori sae ita ba Nia.

Bainhira Jezús sei iha rai leten, Nia hanorin Ninia dixipilu sira oinsa atu halo orasaun. Nia dirije sira atu apresenta sira-nia presiza loro-loron nian ba iha

Maromak oin, no soe sira-nia terus ba iha Nia. No garantia Nia fó ba sira katak sira-nia pedidu sira sei rona, garantia hanesan sei fó mós ba ita.

Jezús Nia-an, enkuantu Nia hela iha ema-nia leet, dala barak halo orasaun. Ita-nia Salvadór identifika Nia-an ho ita-nia presiza no frakeza, no nune'e Nia sai tiha husudór ida, hahusukdór ida, buka husi Ninia Aman fornesimentu fresku husi forsa, nune'e Nia bele preparan nafatin ba devér no prova. Nia mak ita nia ezemplu iha buat hotu-hotu. Nia mak Maun ida iha ita nia frakeza sira, "iha pontu hotu-hotu hetan tentasaun hanesan ita;" maibé nu'udar pekadu-laek ida Ninia natureza hadookan husi buat; Nia tahan luta no tortura husi klamar iha mundu ida pekadu nian. Ninia umanidade halo orasaun nesesidade ida no privilejiu ida. Nia hetan konfortu no ksolok iha komuñau ho Ninia Aman. No karik Salvadór ema nian, Maromak nia Oan-mane, sente orasaun nia presiza, oinsa tan mak tenki ita ema fraku, nakonu-pekadu mortal sira sente presija liu sinseru, orasaun konstante nian.

Ita-nia Aman lalehan hein atu haraik Ninia bengan tomak ba iha ita leten. Ne'e ita-nia privilejiu atu hemu ho livre iha bee-matan husi domin laiha limite. Admira oinsa, ita halo orasaun oitoan liu! Maromak ne'e pruntu no hakarak atu rona orasaun sinseru husi Ninia oan sira nia haraik an liu, ho sira ne'e hotu ne'ebá iha manifesta laran-rurua barak iha ita-nia parte atu fó-hatene ita-nia presiza ba Maromak. Saida mak anju sira husi lalehan hanoin ba moris umanu kiak ajuda-laek, ne'ebé sujeitu ba tentasaun, bainhira Maromak nia fuan husi domin infinitu hanoin-tebes hasoru ba sira, pruntu atu fó ba sira

liu fali sira bele husu no hanoin, maibé sira halo orasaun oituan liu no iha fi'ar ki'ik liu? Anju sira hadomi atu hakruuk iha Maromak nia oin; sira hadomi atu besik Nia. Sira konsidera komuñau ho Maromak hanesan sira-nia ksolok aas liu; maibé oan-sira husi mundu, presiza ajuda barak liu ne'ebé Maromak mesak de'it mak bele fó, haree-hanesan satisfoitu atu la'o sein naroman husi Ninia Espiritu, kompañia husi Ninia prezensa.

Nakukun husi buat aat ida taka sira ne'ebé mak ignora atu halo orasaun. Murmura tentasaun sira husi inimigu dada sira ba pekadu ; no ne'e hotu tanba sira la utiliza privilejiu sira ne'ebé Maromak fó tiha ona ba sira iha promesa divinu husi orasaun. Tan sá mak Maromak nia oan-mane-sira no oan-feto-sira tenki sai laran-rurua atu halo orasaun, bainhira orasaun mak xave liman fiar nian atu loke armazen lalehan nian, iha ne'ebé rai rikusoin rekursu laiha limite husi Omnipoténsia? Sein orasaun la-remata no badinas tau-matan ita iha perigu husi krese kuidadu-laek no sees husi dalan loos. Inimigu buka ho kontinua atu taka dalan ba laran-sadi'a fatin, nune'e ita labele ho pedidu sinseru no fiar hetan grasa no podér atu reziste tentasaun.

Iha-ne'ebá iha kondisaun sira loos iha ida-ne'ebé ita bele hein katak Maromak sei rona no hatan ita-nia orasaun sira. Ida husi dahuluk sira-ne'e nian mak ita sente ita-nia presiza ajuda husi Nia. Nia promesa tiha ona, "Ha'u sei hatuun bee ba iha nia ne'ebé mak hamrook, no bee-sae iha rai maran." Izaias 44:3. Sira ne'ebé mak hamlaha no hamrook ba justisa, ne'ebé hanoin-tebes ba Maromak, bele serteza katak sira sei

ense-nakonu tiha. Fuan tenki loke ba Espiritu nia influénsia, se lae Maromak nia bensan lebele simu.

Ita-nia presiza boot ne'e rasik argumentu ida no defende ho ko'alia kabeer iha ita-nia importansia. Maibé ita tenki buka Nai mak Nia halo sira-ne'e hotu ba ita. Nia dehan, "husu, no ne'e sei fó ba imi." No "Nia ne'ebé la tahan Nia Oan-mane rasik, miabe entrega Nia ba ita hotu, oinsa mak Nia la ho fó buat hotu ba ita ne'ebé hamutuk ho Nia?" Mateus 7:7; Romano 8:32.

Karik ita konsidera injustisa iha ita-nia fuan sira, karik ita namlele ba pekadu ruma ita hatene, Na'i sei la rona ita; maibé orasaun husi penitente, klamar laran-triste tanba pekadu ne'e sempre simu. Bainhira laloos hotu-hotu ne'e haloos tiha, ita bele fiar katak Maromak sei hatan ita-nia pedidu sira. Ita-nia meritu rasik sei nunka rekomenda ita ba Maromak nia favór; ne'e Jezús nia merese mak sei salva ita, Ninia raan ne'ebé sei hamoos tiha ita; maibé ita iha serbisu atu halo iha konforma ho kondisaun sira husi sasimuk.

Elementu seluk husi kbi'it orasaun nian mak fiar. "nia ne'ebé mai ba Maromak tenki fiar katak Nia iha, no katak Nia mak ema ne'ebé selu-kole ba sira ne'ebé buka Nia ho badinas." Ebreu 11:6. Jezús hateten ba Nia dixipulu sira, "Saida de'it mak imi hakarak, bainhira imi halo orasaun, fiar katak imi simu sira ona, no imi sei hetan sira." Marcos 11:24. Ita fiar Nia iha Ninia liafuan ka?

Garantia ne'e luan no laiha limite, no Nia mak fiar-metin ne'ebé promesa ona. Bainhira ita la simu ba buat ne'ebé ita husu ba iha tempu ne'ebá ita husu, ita sei fiar

ba katak Maromak rona no katak Nia sei hatan ita-nia orasaun sira. Ita halo sala liu no haree-badak katak ita dala ruma husu ba buat sira ne'ebé sei la sai bensa ba ita, no ita-nia Aman lalehan ho domin hatan ita-nia orasaun sira hodi fó ba ita ida-ne'ebé sei sai ba ita-nia diak aas—katak ida-ne'e ita-nia-an sira sei hakarak karik ho vizaun haleno divinu nian ita bele haree buat hotu-hotu nu'udar sira iha tebes. Bainhira ita-nia orasaun haree-hanesan la hetan hatan, ita tenki kaer metin ba promesa; basá tempu hatan nian sei mai duni, no ita sei simu bensa ita presiza liu. Maibé atu ezije katak orasaun sei sempre hatan iha meiu ne'e duni no ba buat partikular ne'ebé ita hakarak, ne'e prezordenasaun. Maromak ne'e matenek demais atu sala, no diak demais atu lakohi fó buat diak ruma ba sira ne'ebé la'o iha laran-moos. Tuirmai keta tauk atu konfia, maske imi la haree hatan kedas ba imi-nia orasaun sira. Sadere ba Ninia promesa klaru, "Husu, no ne'e sei fó ba imi."

Karik ita foti konsellu ho ita-nia dúvida sira no tau sira, ka koko atu rezolve buat hotu ne'ebé ita labele haree ho klaru, molok ita iha fiar, laran-taridu sira sei aumenta de'it no haklean. Maibé karik ita mai ba Maromak, sente ajuda-laek no dependenti, hanesa ita duni, no iha haraik-an, konfia iha fiar fó hatene ita-nia presiza ba Nia ne'ebé koñesimentu infinitu, ne'ebé haree buat hotu iha kriasaun, no ne'ebé mak ukun buat hotu-hotu ho Ninia hakarak no liafuan, Nia bele no sei atende ba ita-nia tanis, no sei husik lampu naroman iha ita-nia fuan laran. Liu-husi orasaun sinseru ita hetan lori ba iha ligasaun ho Infinitu nia neon. Ita bele laiha evidénsia notavel iha tempu ne'ebé ita-nia Maksoin nia oin ne'e hakruuk ba ita iha kompaixaun no domin, maibé ida-ne'e

real hanesan ne'e. Ita bele la senti Ninia kaer-kona haree-belek, maibe Ninia liman ne'e iha leten ho domin no sadi'a laran-maus.

Bainhira ita-mai atu husu laran-sadi'a no bensan husi Maromak, ita tenki iha espiritu domin no perdaun nian iha ita-nia fuan sira. Oinsa ita bele halo orasaun, "Perdua ami-nia ofensa sira, hanesan ami perdua ema sira ne'ebé halo ofensa ba ami," maibe sei haburas espiritu perdua-laek ida? Mateus 6:12. Karik ita hein ita-nia orasaun rasik atu bele hetan rona ita tenki perdua ema seluk ho maneira hanesan no sasukat hanesan nu'udar ita hein atu hetan perdua.

Badinas iha orasaun halo tiha ona kondisaun ida simu nian. Ita tenki halo orasaun nafatin karik ita hakarak atu krese iha fiar no esperiensa. Ita ne'e atu sai "instantaneu iha orasaun," atu "kontinua iha orasaun, no iha matan-moris hanesan ho fó agradesimentu." Roma 12:12; Koloso 4:2. Pedro habarani fiar-nain sira atu sai "neon-nain, no matan-moris iha orasaun." 1 Pedro 4:7. Paulo hesi, "iha buat hotu-hotu liu-husi orasaun no pedidu ho fó-agradesimentu, biar imi-nia pedidu bele halo Maromak hatene." Filipe 4:6. Judas dehan "Maibe imi, doben, halo orasaun iha Espiritu Santu, guarda imi-nia-an iha Maromak nia domin." Judas 1:20,21.

Orasaun remata-laek ne'e uniaun kotu-laek husi klamar ho Maromak, nune'e moris husi Maromak suli ba iha ita-nia moris; no husi ita-nia moris, kamoos no santidade suli fila ba Maromak.

Iha-ne'eba iha nesesidade ba badinas iha orasaun; biar laiha buat ida hakahik imi. Halo esforsu hotu-hotu atu nafatin loke komunikasaun entre Jezús ho imi-nia klamar rasik. Buka oportunidade hotu-hotu atu ba iha fatin ne'ebé baibain halo orasaun. Sira ne'ebé mak buka duni ba komuñau ho Maromak sei hetan iha enkontru orasaun, fiar-metin atu hala'o sira-nia dever, sinseru no ansi atu hetan benefisiu hotu-hotu ne'ebé sira bele hetan. Sira sei hadi'a oportunidade hotu-hotu husi tau sira-nia-an iha ne'ebé sira bele simu raiu naroman nian sira husi lalehan.

Ita tenki halo orasaun iha sirkulu familia, no liu-liu ita tenki labele ignora orasaun segredu, basá ida-ne'e mak klamar nia moris. Ne'e imposivel ba klamar atu buras enkuantu orasaun ne'e ignora tiha. Orasaun familia ka publiku de'it ne'e la suficiente. Iha mesmesak biar klamar nakloke ba Maromak nia matan inspesiona. Orasaun segredu ne'e sei hetan rona de'it husi Maromak rona-orasaun nian. Laiha tilun kuriouzu mak atu simu naha-todan husi pedidu sira hanesan ne'e. Iha orasaun segredu klamar livre husi influénsia ambiente sira, livre husi laran-nakali. Ho kalma, maibé ho laran-manas , ne'e sei alkansa ba Maromak. Hakarak mamar no permanente sei sai influénsia nalora husi Nia ne'ebé haree iha segredu, Ninia tilun ne'e loke atu rona orasaun hasae husi fuan. Ho kalma, fiar simples klamar harii komuñau ho Maromak no halibur ba nia-an raiu sira husi naroman divinu atu haforsa no sustenta nia iha konflitu ho Satanás. Maromak mak ita-nia torre forsa nian.

Halo orasaun iha imi-nia fatin-takan, no nu'udar imi ba iha imi-nia serbisu loro-loron biar imi-nia fuan dala barak hasae ba Maromak.

Uluk hanesan ne'e mak Enoque la'o ho Maromak. Orasaun nonok sira-ne'e sae hanesan insensu folin-boot iha tronu grasa nia oin. Satanás la bele manan nia ne'ebé fuan hela metin iha Maromak.

Iha-ne'ebá laiha tempu ka fatin iha ida-ne'ebé la apropriadu atu hasae ita-nia pedidu ba Maromak. Iha-ne'ebá laiha buat ida mak bele prevene ita husi hasae ita-nia fuan sira iha espirtu orasaun sinseru nian. Iha ema lubun boot husi dalan, iha transaksaun komersiál nia klaran, ita bele lori sae ita-nia pedidu ba Maromak no husu ba mata-dalan divinu, hanesan Neemias halo bainhira nia husu ninia pedidu iha Liurai Artaxerxes nia oin. Fatin-takan husi komuñauñ bele hetan iha iha ne'ebé de'it mak ita iha. Ita tenki iha odamatan fuan nian ho-kontinua loke no ita-nia konvite ba leten katak Jezús bele mai no hela hanesan bainaka ida lalehan nian iha klamar.

Maske iha-ne'ebá bele atmosfera noda no koruptu ona haleu ita, ita la presiza atu dada-iis ninia miasmas (venenu husi rai), maibé bele moris iha ár moos husi lalehan. Ita bele taka odamatan hotu-hotu ba imanjinasaun sira la kamoos no hanoin sira la santu ho hasae klamar ba iha Maromak nia prezensa liu-husi orasaun sinseru. Sira-ne'ebé mak nia fuan sira loke atu simu suporta no bensan husi Maromak sei la'o iha atmosfera ida santu liu duké mundu nian no sei komuñauñ konstante ho lalehan.

Ita tenki iha vista klaru liu husi Jezús no nakonu komprensaun husi valór realidade rohan-laek nian. Santidade nia furak mak atu ense fuan sira husi Maromak nia oan-sira; no nune'e ida-ne'e bele remata tiha, ita tenki buka revelasaun divinu husi buat sira lalehan nian.

Biar klamar ne'e dada sai no ba leten, nune'e Maromak bele fó iis ida husi atmosfera lalehan nian ba ita. Ita bele lori ita-nia-an besik liu ba Maromak nune'e iha tentasaun la espera hotu-hotu ita-nia hanoin sira sei fila ba Nia hanesan ho natural ai-funan fila ba loro-matan.

Guarda imi-nia hakarak sira, imi-nia ksolok, imi-nia susar sira, imi-nia kuidadu sira, no imi-nia ta'uk sira iha Maromak oin. Imi labele hatodan Nia; imi labele hafraku nia. Nia ne'ebé bele konta imi-nia fuk sira husi imi-nia ulun ne'e la diferente ba hakarak husi Ninia oan sira. "Na'i ne'e kompaixaun tebes, no maus laran-sadi'a." Tiago 5:11. Ninia fuan domin nian ne'e kaer-kona husi ita-nia susar sira no mós ho ita-nia hahesuk husi sira. Entrega hotu ba Nia buat hotu ne'ebé halo laran-rurua ba neon. Laiha buat ida mak boot demais ba Nia atu rezolve, basá Nia kaer tomak mundu sira, Nia ukun asuntu hotu-hotu husi universe. Laiha buat ida preokupa ita-nia pás mak kiik demais ba Nia atu nota. Laiha kapitulu iha ita-nia esperiênsia mak nakukun demais ba Nia atu lee; laiha laran-rurua mak difisil demais ba Nia atu rezolve. Laiha kalamidade bele monu ba kiik liu husi Ninia oan sira, no ansiedade haterus klamar, laiha ksolok kontenti, laiha orasaun sinseru halai-sees husi ibun, husi ida-ne'ebé ita-nia Aman lalehan nian ne'e la

observa, ka iha ida-ne'ebé Nia la foti interese kedas. "Nia kura tiha ona fuan moras, no falun sira-nia kanek sira." Salmo 147:3. Relasaun sira entre Maromak no klamar ida-idak ne'e hanesan momoos no nakonu maske iha-ne'ebá laiha klamar seluk iha rai leten atu fahe Ninia tau-matan, laós klamar seluk ba sé Nia fó Ninia Oan-mane doben.

Jezús dehan, "imi sei husu iha Ha'u-nia naran: no Ha'u la dehan ba imi, katak Ha'u sei halo orasan ba imi ba Aman: basá Aman Nia-an rasik hadomi imi." Ha'u hili tiha ona imi:...katak saida de'it mak imi husu ba Aman iha Ha'u-nia naran, Ni abele fó ba imi." João 16:26,27; 15:16. Maibé atu halo orasaun iha Jezús nia naran ne'e buat ida liu fali temi de'it husi naran ne'e iha hahú no remata husi orasaun ida. Ida-ne'e atu halo orasaun iha neon no Espiritu husi Jezús enkuantu ita fiar Ninia promesa sira, sadere ba Ninia grasa, no hala'o Ninia serbisu sira.

Maromak la hakarak atu ita ruma sai eremita ka monje sira no hakdook husi mundu atu dedika ita-nia-an ba asaun sira adorasau nian. Moris tenki sai hanesan Kristu nia moris—entre foho no ema barak. Nia ne'ebé la halo buat ida maibé halo orasaun lakleur sei para halo orasaun, ka Ninia orasaun sira sei sai rotina formal ida. Bainhira ema lori sai sira-nia-an husi moris sosiál, dook husi ambiente dever Kristaun no lori kruz;bainhira sira para atu serbisu ho sinseru ba Señor, ne'ebé serbisu tiha ona ho sinseru ba sira, sira lakon obejtvu esensiál orasaun nian no laiha insentivu ba devosaun. Sira-nia orasaun sai pesoál no egoista. Sira labele halo orasaun

kona-ba hakarak husi umanidade ka harii Kristu nia reinu, husu forsa ba serbisu nian.

Ita sustenta lakon ida bainhira ita ignora privilejiu husi asosia hamutuk atu haforsa no fó korajen ba malu iha Maromak nia serbisu. Lialoos husi Ninia liafuan lakon sira-nia kapás no importansia iha ita-nia neon sira. Ita-nia fuan sira para atu hetan haroman no fanun tiha ho sira-nia influénsia hasantu, no ita fila-kotuk iha espiritualidade. Iha ita-nia asosiasaun nu'udar Kristaun sira ita lakon barak liu-husi menus simpatia ba malu. Nia ne'ebé taka nia-an ba nia-an ne'e la kompleta pozisaun ne'ebé Maromak dezena ba nia. Kultivasaun apropiadu husi elementu sosiál sira iha ita-nia natureza lori ita ba simpatia ho ema seluk no ne'e meu ida husi dezolvimentu no forsa ba ita iha Maromak nia serbisu.

Karik Kristaun sira sei asosia hamutuk ko'alia ba malu kona-ba Maromak nia domin no kona-ba lialoos folin-boot sasoin nian, sira-nia fuan rasik sei hetan fresku no sira sei halo fresku ba malu. Loroloron ita bele aprende liu tan kona-ba ita-nia Aman lalehan, hetan esperiénsia fresku husi Ninia grasa; tuirmai ita sei iha dezeju atu ko'alia kona-ba Ninia domin; no hanesan ita halo ida-ne'e, ita-nia fuan rasik sei hamanas no hetan korajen. Karik ita hanoin no ko'alia barak liu kona-ba Jezús, no an menus, ita sei iha Ninia prezensa liu tan.

Karik ita hanoin de'it ba Maromak hanesan dala barak ita iha evidénsia husi Ninia tau-matan ba ita, ita tenki rai Nia nafatin iha ita-nia hanoin sira no tenki kontenti atu ko'alia bona-ba Nia. Ita ko'alia kona-ba

sasán sira temporariu tanba ita iha interese iha sira. Ita ko'alia kona-ba ita-nia belun sira tanba ita hadomi sira; ita-nia ksolok sira no ita-nia susar sira ne'e kesi tiha ho sira. Maibé ita iha razaun ho infinitu boot liu atu hadomi Maromak duké atu hadomi ita-nia belun sira husi rai nian; ida-ne'e tenki sai buat natural liu iha mundu atu halo Nia dahuluk iha ita nia hanoin hotu-hotu, atu ko'alia kona-ba Ninia laran-diak no hato'o kona-ba Ninia podér. Prezente riku sira ne'ebé Nia haraik ona ba ita ne'e la ho intensaun atu absorve ita-nia hanoin sira no hadomi liu nune'e ita sei laiha buat ida atu fó ba Maromak; sira-ne'e ho konstante atu fó-hanoin ba ita kona-ba Nia no atu kesi ita ho talin domin nian no gratidaun ba ita-nia Benfeitór lalehan nian. Ita hela besik demais ba raikraik husi rai. Mai ita hasae ita-nia matan ba odamatan nakloke husi santuariu iha leten, iha-ne'ebé naroman husi Maromak nia glória nabilan iha Kristu nia oin, ne'ebé "mak bele mós atu salva sira ho kompletu ne'ebé mai ba Maromak liu-husi Nia." Ebreu 7:25.

Ita presiza hahi'i Maromak liu tan "ba Ninia laran-diak, no ba Ninia serbisu kapás sira ba ema nia oan-sira." Salmo 107:8. Ita-nia lala'ok devosaun sira tenki la konsiste tomak iha husu no simu. Mai ita laós atu hanoin nafatin husi ita-nia hakarak sira no nunka husi benefísiu sira ita simu. Ita labele halo orasaun ruma demais liu, maibé ita rezerva husi fó agradesimentu. Ita mak simu-na'in ba Maromak nia laran-sadi'a sira, maibé ita sei espresa gratidaun oitaoan liu, ita hahi'i Nia oitaoan liu ba saida mak Nia halo tiha ona ba ita.

Iha tempu antigu Na'i husu ema Izrael, bainhira sira enkontru hamutuk ba Ninia serbisu, "Imi sei han iha Na'i

imi nia Maromak nia oin, no imi sei haksolok iha buat hotu ne'ebé imi tau imi-nia liman iha leten, imi no imi-nia familia sira, iha-ne'ebé Na'l imi-nia Maromak bensa tiha ona imi." Deuteronomo 12:7. Ida-ne'ebé halo ba Maromak nia glória tenki halo ho nakonu haksolok, ho knananuk sira hahi'i nian no fó-agradesimentu, laós ho tristeza no oin-kraik.

Ita-nia Maromak ne'e laran-maus ida, Aman nakonu laran-sadi'a, Ninia serbisu tenki la hateke ba hanesan fuan-triste, ezersísu halo neon-susar. Ne'e tenki sai prazér ida atu adora Na'i no atu hola parte iha Ninia serbisu. Maromak sei laiha Ninia oan sira, ba sé salvasaun boot tebes ne'e prepara tiha ona, halo asaun hanesan harik Nia ema toos ida , mandadór. Nia mak sira-nia belun diak liu; no bainhira sira adora Nia, Nia espera atu hamutuk ho sira, atu bensa no fó konfortu ba sira, ense sira-nia fuan ho ksolok no domin. Maromak dezeju Ninia oan sira atu foti konfortu iha Ninia serbisu no atu hetan prazér liu duké susar iha Ninia serbisu. Nia dezeju katak sira ne'ebé mai hodi adora Nia sei lori sai hamutuk ho sira hanoin folin-boot husi Ninia kuidadu no domin, nune'e sira bele hetan kontenti iha serbisu hotu-hotu moris loroloron nian, nune'e sira bele iha grasa atu hasoru ho onestu no fiar-metin iha buat hotu.

Ita tenke halibur besik kruz. Kristu no Nia krusifikasaun mak tenki sai tema kontemplasaun nian, dada-lia nian, no ita-nia emosaun ksolok liu nian. Ita tenki rai iha ita nia hanoin bensa hotu-hotu ne'ebé ita simu husi Maromak, bainhira ita rekoñese Ninia domin boot ita tenki dezeju atu konfia buat hotu ba liman ne'ebé uluk prega iha kruz ba ita.

Klamar bele sae besik liu lalehan ho liras hahi'i nian. Maromak ne'e hetan adorasauun ho knananuk no muzika iha tribunál leten, no nu'udar espresa ita-nia gratidaun ita hakbesik ba adorasauun husi uma-na'in lalehan nian. "nia ne'ebé mak fó hahi'i Maromak fó glória." Salmo 50:23. Mai ita ho onra haksolok iha ita-nia Kriadór oin, ho "fó-agradesimentu, no lian melodia nian." Izaias 51:3.

Kapítulu 12

SAIDA MAK ATU HALO HO DÚVIDA

Barak, ho spesiál sira ne'ebé nurak iha moris Kristaun, dala ruma problema ho sujestaun husi setisizmu. Iha-ne'ebá iha Bíblia buat barak ida-ne'ebé sira labele esplika, ka mezmú komprende, no Satanás serbisu nune'e atu doko sira-nia fiar iha Eskritura sira hanesan revelasaun ida husi Maromak. Sira husu, "Oinsa mak Ha'u sei hatene dalan loos? Karik Bíblia ne'e Maromak nia liafuan duni, oinsa mak ha'u bele hetan livre husi dúvida sira-ne'e no laran-rurua sira?"

Maromak nunka husu ita atu fiar, sein fó evidénsia sufisiente iha ida-ne'ebé atu bazea ita-nia fiar. Ninia ezistensia, Ninia karakter, nakonu-lialoos husi Ninia

liafuan, ne'e hotu-hotu estabelese ho testamuña ne'ebé apela ba ita-nia razaun; no testamuña ida-ne'e abundante. Maibé Maromak nunka hasai dúvida nia possibilidade. Ita-nia fiar tenke bazea ba iha evidénsia, laós demonztrasaun. Sira-ne'ebé mak hakarak atu dúvida iha oprtunidade; enkuantu sira-ne'ebé dezeju liu atu hatene lialoos sei hetan evidénsia barak liu iha ida-ne'ebé atu bazea sira-nia fiar.

Ne'e imposivel ba neon finitu sira atu komprende tomak karakter ka serbisu sira husi Infinitu Ida. Ba intelektuál kro'at liu, neon ne'ebé hetan edukadu liu, nune'e Moris santu tenke mantein taka iha misteriu. "Bele imi ho buka hetan Maromak? Bele imi to'o perfeisaun Podérozu nian? Ne'e aas hanesan lalehan; saida mak imi bele halo? Klean liu duké infernu; saida mak imi bele hetene? Jó 11:7,8.

Apostulu Paulo fota-liafuan, "O ema riku sira nia klean, tantu sabedoria no koñesimentu husi Maromak! Oinsa Ninia julgamentu sira buka-labelek, no Ninia dalan liu labelek!" Roma 11:33. Maibé maske "kalohan sira no nakukun haleu nia," justisa no julgamentu mak fundasaun husi Ninia tronu." Salmo 97:2, Ita bele komprende Ninia relasaun sira ho ita, no motivu sira ho ida-ne'ebé Nia hala'o, nune'e ita bele haninu domin laiha-limite no laran-sadi'a uniaun ho poder infinitu. Ita bele komprende barak husi Ninia objetivu sira hanesan ne'e ba ita-nia diak atu hatene; no liu hotu ida-ne'e ita sei tenki konfia liman ne'ebé mak Omnipotente, fuan ne'ebé nakonu ho domin.

Maromak nia liafuan, hanesan karakter husi ninia Autor divinu, apresente misteriu sira ne'ebé nunka atu bele hetan komprende tomak husi moris finitu sira. Pekadu tama ba mundu, inkarnasaun Kristu nian, inovasaun, resureisaun, no lisaun seluk barak ne'ebé apresenta tiha ona iha Bíblia, ne'e misteriu klean liu atu esplika ba umanu nia hanoin, ka atu komprende tomak. Maibé ita laiha razaun atu dúvida Maromak nia liafuan tanba ita labele komprende misteriu sira husi Ninia providensia. Iha mundu natural ita ho kontante haleu ho misteriu sira ne'ebé ita labele penetra. Mezmu forma simples moris nian apresenta problema ida ne'ebé ema filozofia matenek liu mós podér-menus atu esplika. Iha ne'ebé de'it maravilla husi parte hotu liu ita-nia vizaun. Turmai ita sei sai hakfodak hodi verifika katak iha mundu espirituál mós iha-ne'ebá misteriu sira ne'ebé ita labele penetra? Difikuldade sira ne'e hela de'it iha frakeza no klood husi umanu nia neon. Maromak fó tiha ona ba ita evidénsia suficiente iha Eskritura sira husi sira-nia karakter divinu, no ita laós atu dúvida ba Ninia liafuan tanba ita la komprende misteriu sira hotu-hotu husi Ninia providénsia.

Apóstolu Pedro dehan katak iha Eskritura ne'ebá “buat sira defisil atu hetan komprende, mak sira ne'ebé lakoi aprende no fiar la metin.....ba sira-nia destruisaun rasik.” 2 Pedro 3:16. Difikuldade sira husi Eskritura litik tiha ona husi ema sétiku sira hanesan argumentu ida kontra Bíblia; maibé husi ne'e, sira foti evidénsia forsa ida husi ninia inspirasaun divinu. Karik ida-ne'e la kontein relatu husi Maromak maibé nune'e ida-ne'ebé ita bele komprende ho fasil; karik Ninia boot liu no majestade bele komprende ho neon finitu, tuirmai

Bíblia sei la lori kredensia sala sira husi autoridade divina. Tema boboot no misteriu hetan apresenta tenki inspira fiar iha nia hanesan Maromak nia liafuan.

Bíblia loke lialoos ho simplesidade ida no adaptasaun perfeita ida ba nesesidade sira no laran-kaan sira husi umanu nia fuan, ne'ebé halo hakfodak no hakmo'ok kultivasaun neon sira ne'ebé aas tebetebes, enkuantu ne'e habele ema ne'ebé haraik-an tebes no kultura-laek atu haninu dalan salvasaun nian. No maske espresa lialoos sira-ne'e ho simples kaer metin lisaun sira ne'ebé aas tebes, alkansa-dook tebes, ho infinitu tebes liu-hotu podér husi komprensaun umanu, nune'e ita-bele simu sira tanba de'it Maromak deklara ona sira. Ne'e duni planu sasoin ne'e nakloke ba ita, nune'e klamar hotu-hotu bele haree pasu sira nian atu foti iha arrendimentu ba Maromak no fiar ba ita-nia Na'i Jezús Kristu, atu bele hetan salva iha Maromak nia dalan apontadu; maibé iha lialoos sira nia okos, komprende tiha ho fasil liu, iha misteriu sira ne'ebé mak subar husi Ninia glória—misteriu sira ne'ebé mak domina podér neon iha ninia buka, maibé sei inspira makbukak sinseru ba lialoos ho respeitu-boot no fiar. Nia buka liu tan Bíblia, ninia konvikasaun sai klean liu katak ida-ne'e mak liafuan husi Maromak moris, no razaun umanu hakruuk iha majestade oin husi revelasaun divinu.

Atu rekoñese katak ita labele komprende tomak lialoos boot husi Bíblia ne'e atu admite de'it katak neon finitu ne'e la natoon atu komprende infinitu; ema ne'e, ho ninia limitadu, koñesimentu umanu, labele komprende objetivu sira husi Omnisiénsia.

Tanba sira labele penetra ninia misteriu sira hotu, sétiku no fiar-laek rejeita Maromak nia liafuan; no laós ema hotu ne'ebé profesa atu fiar Bíblia ne'e livre husi perigu iha pontu ida-ne'e. Apóstolu dehan, “kuidadu, maun alin sira, keta-halo-bé iha imi ruma laran-aat ida fiar-laek nian, ho hadook-an husi Maromak moris.” Ebreu 3:12. Ne'e loos atu estuda ho besik liu hanorin Bíblia nian no atu buka ba iha “buat klean husi Maromak” hanesan sira revela ona iha Eskritura sira. 1 Korinto 2:10. Enkuantu “buat segredu sira ne'e Maromak ita-nia Na'i nian,” “buat sira-ne'ebé revela ona ne'e ba ita nian.” Deutoronimo 29:29. Maibé ne'e Satanás nia serbisu atu estraga podér investigativu neon nian. Orgullu ida ne'e hetan kahur ho konsiderasaun lialoos Bíblia nian, nune'e ema sente la-pasiénsia no lakon karik sira labele esplika parte hotu-hotu husi Eskritura ba sira-nia satisfasaun. Ne'e umilla demais ba sira atu rekoñese katak sira la komprende liafuan inspiradu sira. Sira lakoi atu hein ho pasiénsia to'o Maromak sei haree ajusta atu revela lialoos ba sira. Sira senti katak sira-nia sabedoria umanu ajuda-laek ne'e sufisiente atu habele sira hodi komprende Eskritura sira, no falla atu halo ida-ne'e, kuaze sira nega ninia autoridade. Ne'e loos katak teoria no doutrina barak ho famozu supoin deriva husi Bíblia ne'e laiha fundasaun iha ninia hanorin, no konserteza kontrariu ba objetivu tomak husi inspirasaun. Buat sira-ne'e sai tiha ona kauza husi dúvida no laran-ruraa ba neon barak. Sira laós, oinsa mós, bele-karga ba Maromak nia liafuan, maibé laiha ema ida mak perversaun husi ida-ne'e.

Karik ida-ne'e posivel ba moris kriatura sira atu to'o komprende tomak kona-ba Maromak no Ninia serbisu

sira, tuirmai, to'o tiha ona pontu ida-ne'e, iha-ne'ebá ba sira sei laiha tan deskobre kona-ba lialoos, laiha krese iha koñesimentu, laiha tan dezvoltamentu husi neon ka fuan. Maromak sei la sai aas liu tan; no ema, to'o tiha ona limite husi koñesimentu no susesu, sei para atu avansa. Mai ita agrade-se Maromak katak ne'e la mosu. Maromak ne'e infinitu; iha Nia mak "rikusoin hotu-hotu husi sabedoria no koñesimentu." Koloso 2:3. No ba eternidade hotu-hotu ema bele nafatin buka, aprende nafatin no maibé nunca kole ho rikusoin husi Ninia sabedoria, Ninia laran-diak, no Ninia poder.

Maromak laran-metin katak maske iha moris ida-ne'e lialoos sira husi Ninia liafuan sei sai loka nafatin ba Ninia ema. Iha-ne'ebá iha dalan ida de'it iha ida-ne'ebé koñesimentu ida-ne'e bele hetan. Ita bele to'o ba komprensoun ida husi Maromak nia liafuan liu-husi de'it haleno husi Espiritu husi ida-ne'ebé liafuan ne'e fó tiha. "Buat sira Maromak nian laiha ema ida mak hatene, maibé Espiritu husi Maromak;" "basá Espiritu buka buat hotu, sim, buat klean sira husi Maromak." 1 Korinto 2:11, 10. No Salvadór nia promesa uluk ba Ninia maktuir sira mak, "bainhira Nia, Espiritu lialoos nian, ne'e mai, Nia sei dirije imi ba lialoos hotu-hotu....basá Nia sei simu husi Ha'u, no sei hatudu ne'e ba imi." João 16:13,14.

Maromak dezeju ema atu hala'o ninia poder rasiósinu sira; no estuda kona-ba Bíblia sei haforsa no hasae neon nu'udar estuda seluk labele. Maibé ita mak atu matan-moris husi trata razaun hanesan Maromak, ida-ne'ebé sujeitu ba frakeza no isin-fraku husi humanidade. Karik ita laiha Eskritura sira merak tiha ba ita-nia komprensoun, atu nune'e lialoos klaru tebes sei

labele hetan komprende, ita tenki iha simplisidade no fiar husi labarik ki'ik oan ida, pruntu atu aprende, no husu ajuda husi Espiritu Santu. Sensu ida husi podér no sabedoria Maromak nian, no husi ita-nia abilidade-laek atu komprende Ninia boboot, sei inspira ita ho haraik-an, no ita sei buka Ninia liafuan, nu'udar ita tama ba Ninia prezensa, ho nakonu sentimentu santu. Bainhira ita mai ba Bíblia, razaun tenki rekoñese autoridade superior ida ba nia-an, no fuan no intelektuál tenki hakruuk ba boot HA'U MAK.

Iha-ne'ebá buat barak mak parese difisil ka la-moos, ida-ne'ebé Maromak sei halo klaru no simples ba sira-ne'ebé mak buka komprensaun ida husi sira. Maibé sein mata-dalan husi Espiritu Santu ita sei sai ho-kontinua responsavél ba hadau Eskritura sira pekadu-interpreta sira. Iha-ne'ebá le'e barak husi Bíblia ne'ebé mak sein proveitu no iha kazu barak kanek positivu. Bainhira Maromak nia liafuan ne'e loke sein respeitu-boot no sein orasaun; bainhira hanoin no afeisaun sira la hametin ba iha Maromak, ka iha aromnia ho Ninia hakarak, neon ne'e merak ho dúvida sira; no iha estuda Bíblia ne'e, setisizmu haforsa. Inimigu foti kontrola husi hanoin sira, no nia sujere interpretasaun sira ne'ebé laloos. Iha-ne'ebé de'it mak ema laiha iha liafuan no asaun buka atu sai armonia ho Maromak, tuirmai, sira bele aprende oinsa mós, sira ne'e responsavél ba sala iha sira komprensaun kona-ba Eskritura, no ida-ne'e la seguru atu konfia ba sira-nia esplikasaun. Sira-ne'ebé mak hateke ba Eskritura sira atu hetan la-koerénsia sira, laiha koñesimentu spiritual. Ho bobar vizaun sira sei haree kauza barak ba dúvida no fiar-laek iha buat sira ne'ebé mak klaru tebes no simples.

Sira bele hasubar, kauza réal husi dúvida no setisizmu, iha kazu barak liu mak domin ba pekadu. Hanorin sira no limitasaun husi Maromak nia liafuan ne'e la hetan simu ba orgullu, fuan hadomi-pekadu, no sira ne'ebé lakoi atu obedese ninia rekerimentu sira ne'e pronto atu dúvida ninia autoridade. Atu bele to'o iha lialoos, ita tenki iha dezeju sinseru to hatene lialoos no hakarak husi fuan atu obedese ne'e. No sira hotu ne'ebé mai iha espritu ida-ne'e atu estuda kona-ba Bíblia sei hetan evidénsia abundante katak ne'e Maromak nia liafuan, no sira bele hetan komprensaun ida kona-ba ninia lialoos ne'ebé sei halo sira neon-nain ba salvasaun.

Kristu dehan tiha ona, "karik ema ruma hakarak atu halo Ninia hakarak, nia sei hatene husi hanorin." João 7:17, Envezde atu halo pergunta no istori-malu kona-ba ida-ne'ebé imi la komprende, fó atensaun ba naroman ne'ebé nabilan ona imi-nia leten, no imi sei simu naroman boot liu. Ho Kristu nia grasa, performa dever hotu-hotu ne'ebé halo klaru tiha ona ba imi-nia komprensaun, no imi sei sai habele atu komprende no performa sira husi ida-ne'ebé imi agora iha dúvida.

Iha-ne'ebá iha evidénsia ne'ebé mak nakloke ba hotu-hotu, --edukadu aas tebes, no analfabetu tebes,-- evidénsia husi esperiénsia. Maromak konvida ita atu aprova ba ita-nia-an sira realidade husi Ninia liafuan, lialoos husi Ninia promesa sira. Nia husu ita "koko no haree katak Maromak ne'e di'ak." Salmo 34:8. Envezde depende ba iha ema seluk nia liafuan, ita mak atu koko ba ita-nia-an sira. Nia deklarara, "Husu, no imi sei simu." João 16:24. Ninia promesa sira sei hetan kumpre. Sira

nunka hetan falla; sira nunka bele falla. No nu'udar ita dada besik ba Jezús, no haksolok iha Ninia domin nakonu nian, ita-nia dúvida no nakukun sei lakon husi Ninia prezensa.

Apóstolu Paulo dehan katak Maromak “halivre tiha ona ita husi podér nakukun nian, no hafila tiha ona ita ba iha reinu husi Ninia Oan-doben.” Koloso 1:13. No ema hotu-hotu ne'ebé liu tiha ona husi mate ba moris ne'e bele atu “konfirma katak Maromak ne'e loos.” João 3:33. Nia bele fó testamuña, “ha'u presiza tiha ona ajuda, no ha'u hetan nia iha Jezús. Hakarak hotu-hotu fornese tiha ona, ha'u nia klamar nia hamlaha satisfeito ona; no agora Bíblia ba ha'u ne'e revelasaun Jezús Kristu nian. Imi husu tansá mak ha'u fiar iha Jezús? Tanba ba ha'u Nia ne'e Salvadór divinu. Tansá mak ha'u fiar Bíblia? Tanba ha'u hetan tiha ona nia mak sai Maromak nia lian ba ha'u-nia klamar.” Ita bele iha testamuña iha ita-nia-an katak Bíblia ne'e loos, katak Kristu mak Maromak nia Oan-mane. Ita hatene katak ita la tuir hanoin istória halimar ho matenek.

Pedro habarani ninia maun-alin sira atu “krese iha grasa, no iha koñesimentu kona-ba ita-nia Nai no Salvadór Jezús Kristu.” 2 Pedro 3:18. Bainhira Maromak nia ema ne'e krese iha grasa, sira sei sai ho konstante hetan komprensaun klaru liu kona-ba Ninia liafuan. Sira sei haninu naroman foun no furak iha ninia lialoos segredu sira. Ida-ne'e loos tiha ona iha istória igreja nian iha tinan hotu-hotu. No nune'e ida-ne'e sei kontinua to'o finál. “Dalan ema loos nian mak hanesan naroman madrugada, ne'ebé mak haroman no haroman to'o lora ne'e perfeitu.” Proverbio 4:18.

Ho fiar ita-bele hateke husi ne'e ba oin no kaer Maromak nia kompromissu ba krese ida intelektuál nian, fakuldadu sira umanu nian uniaun ho divinu, no podér hotu-hotu klamar nian lori tiha ona ba kontatu direitu ho Hun naroman nia. Ita bele haksolok katak ida-ne'ebé mak halo ita laran-rurua iha Maromak nia providensia sira tuirmai sei halo sai klaru, buat sira ne'ebé defisil atu komprende sei hetan esplikasaun ida; no iha-ne'ebé itania neon finitu deskobre konfuzsaun de'it no objetivu sira estragu, ita sei haree armonia perfeitu no furak tebes. "Agora ita haree liu-husi vidru ida, ho nakukun; maibé tuirmai oin ba oin: agora ha'u koñese sorin de'it; maibé tuirmai Ha'u sei koñese hanesan ha'u koñesidu tiha ona." 1 Korinto 13:12.

Kapítulu 13

HAKSOLOK IHA NA'I

Maromak nia oan sira ne'e bolu tiha atu sai Kristu nia representante sira, hodi hatudu ba oin Na'l nia laran-diak no laran-sadi'a. Hanesan revela tiha ona kona-ba karakter loloos husi Aman, nune'e mak ita atu revela Kristu ba mundu ida ne'ebé la hatene Ninia lara-maus, domin kompaixaun. Jezús dehan "hanesan Ita-boot haruka ona Ha'u ba mundu, hanesan mós Ha'u haruka ona sira ba mundu." "Ha'u iha sira, no Ita-boot iha Ha'u; ... nune'e mundu bele hatene katak Ita-boot haruka tiha Ha'u." João 17:18,23. Apóstolu Paulo dehan ba Jezús nia dixipulu sira, "Imi mak hetan deklarasa ho manifesta atu sai surat Kristu nian, koñesidu no hetan lee husi ema hotu-hotu," 2 Korinto 3:2,3. Iha kada ema husi Ninia oan sira, Jezús haruka surat ba mundu. Karik imi mak Kristu nia maktuir, Nia haruka liu-husi imi surak ida ba familia, aldeia, luron, no iha-ne'ebé imi hela. Jezús, hela iha imi, dezeju atu ko'alia ba fuan sira husi sira ne'ebé la koñese malu ho Nia. Dala ruma sira la lee Bíblia, ka la rona lian ne'ebé ko'alia ba sira iha ninia pajina sira; sira la haree Maromak nia domin liu-husi Ninia serbisu sira. Maibé karik imi mak Jezús nia representante loloos ida, ne'e

bele katak liu-husi imi sira bele hetan dirije atu komprende buat ruma husi Ninia laran-diak no manan sira atu hadomi no serbí Nia.

Kristaun sira mak postu sira ne'ebé lori naroman iha dalan ba lalehan. Sira mak refleta ba mundu lampu naroman nabilan iha sira husi Kristu. Sira-nia moris no karakter tenki hanesan nune'e liu-husi sira ema seluk sei hetan konseitu Kristu nian husi Ninia serbisu.

Karik ita reprezenta Kristu, ita sei halo Ninia serbisu mosu atrativu, Hanesan mak ne'e duni. Kristaun sira ne'ebé halibur oin-kraik no triste ba sira-nia klamar sira, murmuriu no halerik, ne'e hatudu ba ema seluk representasaun falsu husi Kristu no moris Kristaun falsu. Sira fó impresaan ne'ebé Maromak la kontente-ho atu iha Ninia oan sira kontenti, no iha ida-ne'e sira lori testamuña falsu kontra ita-nia Aman lalehan.

Satanás ne'e kontenti bainhira nia bele dirije Maromak nia oan sira atu fiar-laek no dezesperadu. Nia (Satanás) kontenti atu haree ita la konfia Maromak, dúvida Ninia hakarak no podér atu salva ita. Nia (Satanás) hadomi atu halo ita senti katak Na'i sei halo aat ba ita ho Ninia providénsia sira. Ne'e Satanás nia serbisu mak atu reprezenta Na'i hanesan menus iha kompaixaun no sadi'a. Nia hato'o lialoos sala kona-ba Nia. Nia ense imajinasaun ho idea falsu sira kona-ba Maromak; no envezde tau neon iha lialoos konsidera ba ita-nia Aman lalehan, ita moos dala barak hametin ita-nia neon sira iha representasaun laloos husi Satanás no la onra Maromak liu-husi la konfia Nia no murmura kontra Nia. Satanás nafatin buka halo moris relijiozu sai oin-

kraik ida. Nia dezeju atu ita hanoin katak ne'e serbisu-todan no difisil; no bainhira Kristaun iha ninia moris rasik aprezena kona-ba vista relijiaun ida ne'e, nia rasik, liu-husi ninia fiar-laek, apoiu Satanás nia bosok.

Barak la'o liu-husi dalan moris nian, hanoin dala barak ba sira-nia sala no fallansu sira no lakon-esperanza sira, no sira-nia fuan ne'e nakonu ho susar no deskorajen. Enkuantu ha'u uluk sei iha Europa, iha irmã ida ne'ebé halo tiha ona ida-ne'e, ne'ebé uluk iha neon-susar tebetebes, nune'e hakerek ba ha'u, husu liafuan balu koranjen nian. Kalan hafoin ha'u lee ninia surat ha'u mehi katak ha'u iha to'os ida, no ema ne'ebé haree-hanesan na'in ba to'os ne'e dirije ha'u liu ninia dalan sira. Ha'u halibur ai-fuanan sira no goza sira-nia morin, bainhira irmã ida-ne'e, la'o ona iha ha'u-nia sorin, bolu ha'u-nia atensaun ba duut-tarak balu ne'ebé hanetik ninia dalan. Iha-ne'ebá nia terus no susar. Nia laós la'o iha dalan, tuir mata-dalan, maibé nia la'o entre duut-tarak sira no ai-tarak sira. "Oh,"Nia susar, "ne'e laós sadi'a ida katak to'os furak ne'e hetan estraga ho ai-tarak sira?" Entaun mata-dalan dehan, "husik aitarak mesak de'it, basá sira sei hakanek de'it ita-boot. Halibur ai-funan roza sira, liri sira, no kravu sira."

Iha-ne'ebá la iha pontu nabilan balu iha imi-nia esperiénsia? Imi seidauk iha momentu folin-boot balun bainhira imi-nia fuan nakdedar ho ksolok iha resposta ba Espiritu Maromak nian? Bainhira imi hateke ba kapitulu sira iha imi-nia esperiénsia moris imi la hetan pajina gostun balu? Maromak nia promesa sira ne'e, la hanesan ai-funan sira morin, krese iha imi-nia dalan

ninin iha ne'ebé de'it? Imi la husik sira-nia furak no mamar ense imi-nia fuan ho ksolok?

Duut-tarak sira no ai-tarak sei hakenek no hasusar imi de'it; no karik imi halibur buat sira-ne'e de'it, no aprezena sira ba ema seluk, laós imi ka, aleinde insulta Maromak nia laran-di'ak ho imi-nia-an, hadook sira haleu imi husi la'o iha dalan moris nian?

Ne'e la matenek atu halibur hamutuk memória la-gostun hotu-hotu husi moris pasadu ida,-- ninia injustisa sira no dezesperadu sira,--atu ko'alia kona-ba sira no laran-susar kona-ba sira to'o ita hetan domina ho deskorajen. Klamar deskoraja ida ne'e hetan ense-nakonu ho nakukun, taka naroman Maromak nian husi ninia klamar rasik no soe lalatak ida iha ema-seluk nia dalan.

Agradese Maromak ba ilás nabilan ida-ne'ebé Nia aprezena ona ba ita. Mai ita halibur hamutuk garantia bensan sira husi Ninia domin, nune'e ita bele ho-kontinua hateke ba sira: Maromak nia Oan-mane husi Ninia Aman nia tronu, hatais Ninia divinidadade ho umanidae, nune'e Nia bele salva ema husi podér Satanás nian; Ninia triunfante iha ita-nia fatin loke lalehan ba ema, revela ba vizaun umanu nia matan prezensa kehan iha-ne'ebé Divinidadade manifesta Ninia glória; rasa monu ona hasae tiha husi ku'ak ruina nian ba iha ida-ne'ebé pekadu hamout, no lori filafali ba iha ligasaun ho Maromak infinitu, no reziste teste divinu liu-husi fiar iha ita-nia Maksoin, hatais tiha justisa Kristu nian, no manarak tiha ba Ninia tronu—sira-ne'e mak ilás sira ida-ne'ebé Maromak hakarak kontempla tiha.

Bainhira ita haree-hanesan atu dúvida Maromak nia domin no la konfia Ninia promesa sira ita la onra Nia no halo triste Ninia Espiritu Santu. Oinsa mak inan ida sente karik ninia oan sira ne'e ho-konstante murmura ba nia, ne'e nia la hakarak ba sira nia diak, bainhira ninia esforsu moris nian tomak ba sira nia moris diak no atu fó konfortu ba sira? Supoin sira tenki dúvida ninia domin; ida-ne'e sei harahun ninia fuan. Oinsa mak inan-aman ruma sente bainhira hetan trata hanesan ne'e husi ninia oan sira? No oinsa mak ita-nia Aman lalehan konsidera ita bainhira ita la konfia Ninia domin, ida-ne'ebé dirije Nia atu fó Ninia Oa-mane mesak nune'e it abele iha moris? Apostolu hakerek, "Nia ne'ebé la tahan Ninia Oan-mane rasik, maibé entrega Nia ba ita hotu, oinsa tan mak Nia la fó mós buat hotu ba ita ne'ebe hamutuk ho Nia ho gratuita?" Roma 8:32. No maibé ema barak, ho sira nia asaun sira, karik laós iha liafuan, mak dehan, "Maromak la hatete ida-ne'e ba ha'u. Dala ruma Nia hadomi ema seluk, maibé Nia la hadomi ha'u."

Sira-ne'e hotu-hotu estraga imi-nia klamar rasik; basá liafuan dúvida nian hotu-hotu imi hato'o ne'e konvida Satanás nia tentasaun sira; ida-ne'e haforsa tendénsia iha imi atu dúvida, no ida-ne'e hado'ok imi husi anju sira ne'ebé halo ministériu. Bainhira Satanás tenta imi, labele husik ko'alia sai liafuan dúvida ida ka liafuan nakukun. Karik imi hili atu loke odamatan ba ninia sujestaun sira, imi-nia neon sei ense-nakonu ho la konfia no pergunta rebelde sira. Karik imi ko'alia sai imi-nia sentimentu sira, dúvida hotu-hotu imi espresa laós halo reasaun de'it iha imi-nia-an, maibé ida ne'e fini ida ne'ebé sei jermína no fó fuan iha ema seluk nia moris, no ida-ne'e bele sai imposivel atu hamate influénsia husi

imi-nia liafuan sira. Imi-an rasik dala ruma bele rekupera husi momentu tentasaun nian no husi lasu Satanás nian, maibé sira seluk ne'ebé hetan nakdoko tiha ona ho imi-nia influénsia dala ruma sei labele halai-sees husi fiarlaek ne'ebé imi sujere ona. Importante oinsa katak ita ko'alia de'it buat sira ne'ebé sei fó forsa espirituál no moris!

Anju sira atensaun dadaun atu rona relatóriu saida mak imi lori ba mundu kona-ba imi-nia Señor lalehan. Biar imi-nia dada-lia ne'e kona-ba Nia ne'ebé moris atu halo intersesaun ba imi iha Aman nia oin. Bainhira imi kaer liman ho belun ida, biar hahi'i ba Maromak iha imi-niaibun no iha imi-nia fuan. Ida-ne'e sei atrai ninia hanoin sira ba Jezús.

Ema hotu-hotu iha provasaun sira; susar ne'ebé difisil atu lori, tentasaun difisil atu reziste. Labele hatete imi-nia problema sira ba imi-nia maluk mortal sira, maibé lori buat hotu-hotu ba Maromak iha orasaun. Halo ida-ne'e regulamentu ida nunka atu hatete sai liafuan ida dúvida nian ka deskorajen. Imi bele halo barak atu haroman ema seluk nia moris no haforsa sira nia esforsu, ho liafuan sira esperanza nian no haksolok santu.

Iha-ne'ebá klamar brani barak mak hetan hanehan liu ho tentasaun, kuaze prontu atu dezmaia iha konflitu ho an no ho podér buat aat nian. Keta deskoraja ema ida hanesan iha ninia luta maka'as. Halo kontenti nia ho aten-brani, liafuan sira nakonu-esperanza ne'ebé sei dudu nia iha ninia dalan. Nune'e Kristu nia naroman bele haroman husi imi. "Laiha ida husi ita mak atu moris ba

nia-an.” Roma 14:7. Ho ita-nia influénsia la konxiente ema seluk bele hetan korajen no forsa, ka sira bele hetan deskorajen, no halai husi Kristu no lialoos.

Iha-ne'ebá barak mak iha idea laloos kona-ba Kristu nia moris no karakter. Sira hanoin katak Nia uluk la iha manas no kondiasaun nakonu roman, katak Nia uluk laran-aat, laran-toos, no menus ksolok. Iha kazu barak esperiénsia relijiaun tomak mak hakór ho vista nakukun sira-ne'e.

Ne'e dala barak dehan katak Jezús tanis, maibé nunka hatene Nia hamnasa. Ita-nia Salvadór ne'e Ema tristeza tebetebes, no toman ona ho tristeza, basá Nia loke Ninia fuan ba ema hotu-hotu nia susar sira. Maibé maske Ninia moris ne'e nega-an no hamahon ho moras no kuidadu, Ninia espiritu la hetan hanehan. Ninia oin la mosu espresaun husi tristeza no halerik, maibé nafatin nakonu ho pás no hakmatek ida. Ninia fuan ne'e beematan moris nian, no iha-ne'ebé de'it Nia ba Nia lori deskansu no pás, haksolok no kontenti.

Ita-nia Salvadór ne'e sériu ho klean no ho intensu sinseru, maibé nunka oin-kraik no laran-kraik. Moris husi sira-ne'ebé imita Nia sei nakonu ho objetivu sinseru; sira sei iha sensu klean husi responsabilidade pesoál. Kuidau-laek sei hetan hanehan; iha-ne'ebá sei laiha kontente rame-rame, laiha komiku respeito-laek; maibé Jezús nia relijiaun fó pás hanesan mota ida. Ne'e la hamate naroman ksolok nian; ne'e la hafreun kontenti-nakonun no la taka kalohan ba loro-matan, oin hamnasa. Kristu la mai hetan serbí maibé atu serbí; no bainhira Ninia domin domina iha fuan, ita sei tuir Ninia ezemplu.

Bainhira ita husik predomina liu iha ita-nia neon asaun laran-aat no la justu sira husi ema seluk, ne'e imposivel ba ita atu hadomi sira hanesan Kristu hadomi tiha ona ita; maibe karik ita-nia hanoin sira hametin iha domin estraordinaria no Kristu nia sadi'a ba ita, espiritu hanesan sei suli ba ema seluk. Ita tenki hadomi no respeita malu, maske kulpa sira no imperfeisaun sira ne'ebe ita tenki haree. Haraik-an no la-konfia-an tenki kultiva tiha, no laran-maus ne'ebe pasiensia hasoru ema seluk nia kulpa sira. Ida-ne'e sei hamate egoismu klood hotu-hotu no halo ita fuan nakloke no laran-luak.

Salmista dehan, "Konfia ba Na'i, no halo diak; nune'e imi-sei hela iha rai, no tebes duni imi sei hetan hahan." Salmo 37:3. "Konfia iha Maromak." Kada loron iha nia naha-todan sira, nia kuidadu no nia laran-rurua; no bainhira ita hasoru ita prontu tebes atu ko'alia kona-ba ita-nia difikuldade no provasaun sira. Mete susar barak mak empresta, iha ta'uk barak mak haburas, hanesan ansiedade todan barak mak espresa tiha, ne'ebe ida bele supoin ita laiha sadi'a, domin Salvador prontu atu rona ita-nia pedidu hotu-hotu no atu sai ba ita ajuda presente iha nesetidade tempu hotu-hotu nian .

Balun dala barak ta'uk, no susar la ho razaun. Loroloron sira hetan haleu ho sinal domin Maromak nian; loroloron sira goza dadaun ho rahun-diak husi Ninia providensia; maibe sira hateke liu de'it prezenti bensan sira-ne'e. Sira-nia hanoin ho kontinua hametin iha buat ruma dezagradavel ida-ne'ebe bele halo sira ta'uk; ka difikuldade balun bele eziste duni ida-ne'ebe, maske ki'ik, hadelek sira nia-matan hasoru buat barak ne'ebe merese atu fo-agradese. Difikuldade oioin sira

hasoru, envezde lori sira ba Maromak, hun mesak de'it ba sira-nia ajuda, haketak sira husi Nia tanba sira fanu deskansu-laek no halerik.

Ita loos tan ne'e atu sai fiar-laek ka? Tansá ita tenki sai agradese-laek no nakonu konfia-laek? Jezús mak ita-nia belun; lalehan tomak interese ba ita-nia rahun-diak. Ita tenki la autoriza laran-rurua no laran-lametin moris loroloron nian atu hasusar neon no hamosu ta'uk. Karik ita halo ita sempre iha buat ruma atu hahirus no hakole. Ita tenki la haburas laran-lametin ne'ebé mak hasusar neon no hakole ita, maibé la ajuda ita prevene provasaun sira.

Imi bele sai laran-rurua iha komersiu; imi-nia perspetiva sira bele krese nakukun ba nakukun, no imi hetan ameasa ho falidu; maibé labele sai deskoraja; entrega hotu imi-nia susar ba Maromak, no mantein kalma no nakonu-kontenti. Halo orasaun ba sabedoria atu manaje imi-nia asuntu sira ho neon-moris, no nune'e bele prevene lakon no dezastre. Halo buat hotu ne'ebé imi bele iha imi-nia parte atu lori rezultadu favorável. Jezús promose tiha oan Ninia ajuda, maibé laós ketak husi ita-nia esforsu. Bainhira, sadere ba ita-nia Ajudadór, imi halo hotu ona buat-hotu ne'ebé imi bele, simu rezultadu ho kontenti.

Ne'e laós Maromak nia hakarak katak Ninia ema sira tenki hatodan ho kuidadu. Maibé ita-nia Na'i la bosok ita. Nia la dehan ba ita, "Keta ta'uk; iha-ne'ebá laiha perigu sira iha imi-nia dalan." Nia hatene iha-ne'ebá provasaun no perigu sira, no Nia sinseru hamutuk ho ita. Nia la propoin atu foti Ninia ema sai husi mundu pekadu no aat

nian, maibé Nia indika ba refujiu-nunka-falla. Ninia orasaun ba Ninia dixipulu sira mak, “ Ha’u la halo orasaun atu Ita-boot tenki hasai sira husi mundu, maibé Ita-boot tenki hasai sira husi buat aat.” Nia dehan, “Iha mundu imi sei iha susar boot: maibé kontenti ba; Ha’u manan ona mundu,” João 17:15, 16:33.

Iha Ninia sermaun iha Foho leten, Kristu hanorin Ninia dixipulu sira lisaun folin-boot sira tuir nesesidade konfia ba Maromak nian. Lisaun sira ne’e designa atu enkoraja Maromak nia oan sira husi tinan ba tinan, no sira tún mai tiha ona iha ita-nia tempu nakonu ho instrusaun no konfortu. Salvadór aponta tiha Ninia maktuir sira ba manu sira iha ár hanesan sira hananu sira-nia knananuk hahi’i nian. La hatodan ho hanoin kuidadu nian, basá “Sira la kuda no sira la kuu.” Maibé Aman boot fornese ba sira nia presiza sira. Salvadór husu, “Imi la diak liu fali sira?” Mateus 6:26. Fornesedor boot ba ema no balada sira loke Ninia hanoin no fornese ba Ninia kriatura sira hotu. Manu sira lalehan nian ne’e la inferior ba Ninia kuidadu. Nia la tau hahán ba sira nia ibun, maibé Nia halo bukae ba sira-nia presiza sira. Sira tenki halibur musan sira ne’ebe Nia kari ona ba sira. Sira tenki prepara materiál sira ba sira-nia knuuk kiik sira. Sira tenki fó-han ba sira-nia oan sira. Sira ba hala’o serbisu ho hananu, basá “imi-nia Aman lalehan fó-han sira.” No “imi laós diak liu fali sira ka?” Imi laós, nu’udar matenek, adora-na’in espirtuál, valór liu duké manu sira ár nian? ita-nia Autór moris nian, Konservadór ba ita-nia moris, Ida ne’ebé mak forma tiha ita iha Ninia imajen divinu rasik, fornese ba ita-nia nesesidade sira ka lae karik ita konfia de’it ba Nia?

Kristu indika Ninia dixipulu sira ba ai-fuanan sira iha to'os, krese iha riku naburas no naroman oitoan iha Ninia furak simples ida-ne'ebé Aman lalehan fó tiha ona ba sira, hanesan espresaun ida husi Ninia domin ba ema. Nia dehan, "Konsidera ai-funan líriu husi to'os, oinsa sira krese." Furak no simplisidade husi ai-funan naturál sira-ne'e liu fali Salomaun nia glória. Roupa furak tebetebes prodús husi arte nia abilidade labele hamosu komparasaun ho grasa naturál no furak nabilan ai-funan nian husi Maromak nia kriaun. Jezús husu, "Karik Maromak fó-hatais duut sira iha to'os, ida-ne'ebé ohin iha, no aban sei soe ba ahi laran, Nia sei la-fó hatais imi liu tan, O imi ne'ebé fiar kiik?" Mateus 6:28,30. Karik Maromak, Artista divinu, fó ba i-funan simples sira ne'ebé mohu iha loron ida sira-nia mamar no kór oioin sira, kuidadu boot liu oinsa mak Nia sei iha ba ema ne'ebé hetan kria iha Ninia imajen rasik? Kristu nia lisaun ida-ne'e mak haksi'ak ba laran-lametin sira, laran-rurua no dúvida husi fuan fiar-menus sira.

Na'i hakarak Ninia oan-mane sira no oan-feto sira kontenti, nakonu-pás, no obediente. Jezús dehan, "Ha'u nia pás Ha'u fó ba imi: la hanesan mundu fó, Ha'u fó ba imi. Keta husik imi-nia fuan sai susar, no keta husik nia sai ta'uk." "Buat sira ne'e Ha'u ko'alia tiha ona ba imi, nune'e Ha'u nia ksolok bele nafatin iha imi, no nune'e imi-nia ksolok bele sai nakonu." João 14:27; 15:11.

Kontenti ne'ebé mak buka husi motivu egoista, liur husi dalan dever ninian, ne'e moras-balansu, laran-taridu, no la nafatin; ne'e mate tiha, no klamar ense-nakonu ho mes-mesak no terus; maibé iha iha-ne'ebá ksolok no satisfasaun iha serbisu Maromak nian;

Kristaun ne'e la husik atu la'o iha dalan sira laloos; nia ne'e la husik atu fuan-dodok saugati de'it no dezesperdau sira. Karik ita laiha prazér sira husi moris ida-ne'e ita sei bele nafain senti nakonu-kontenti hodi hateke ba moris atu mai.

Maibé maske iha Kristaun sira bele iha ksolok komuñau ho Kristu; sira bele iha naroman husi Ninia domin, konfortu perpétua husi Ninia prezensa. Kada pasu hotu iha moris bele lori ita besik liu ba Jezús, bele fó esperiénsia klean liu ba ita husi Ninia domin, no lori ita pasu ida besik liu ba uma bengan pás nian. Tan ne'e mai ita la soe dook ita-nia konfiansa, maibé iha garantia metin ba, metin liu fali uluk. “To’o agora Maromak ajuda tiha ona ita,” no Nia sei ajuda ita to’o finál. 1 Samuel 7:12. Mai ita hateke koluna monumentu, fó hanoin filafali kona-ba saida Maromak halo tiha ona atu fó konfortu ba ita no atu salva ita husi destruidór nia liman. Mai ita guarda fresku iha ita-nia memoria laran-maus sadi’a hotu-hotu ne’ebé Maromak hatudu tiha ona ba ita,--matan been sira Nia hamoos tiha ona, moras Nia kura ona, no laran-lametin sira hasai tiha ona, ta’uk sira Nia duni tiha ona, hakarak sira fornese tiha ona, bengan sira haraik ona,--tan ne’e haforsa ita-nia-an sira basá buat hotu ne’ebé iha ita-nia oin, liu-husi restu ita-nia pergrinasaun nian.

Ita labele hateke ba laran-rurua foun sira iha konflitu ne’ebé mai, maibé ita bele hateke ba saida mak pasadu nian mós, hanesan ho saida mak atu mai, no dehan, “To’o agora Na’i ajuda tiha ona ita.” “Hanesan imi-nia laron sira, nune’e mós imi-nia forsa sei sai.” Deuteronomio 33:25. Provasaun sei la liu forsa ne’ebé sei

fó ba ita atu lori nia. Ne'e duni mai ita foti sae ita-nia serbisu hanesan iha ne'ebé de'it ita hetan, fiar ba katak saida de'it mak bele mai, forsa natoon ba provasaun ne'e sei fó.

No la kleur tan portaun lalehan nian sei nakloke atu simu Maromak nia oan sira, no husi Liurai glória nia ibun bensaun sei monu ba sira nia tilun hanesan muzika furak tebetebes, "Mai, imi ne'ebé hetan bensa husi Ha'u-nia Aman, erda reinu ne'ebé prepara tiha ona ba imi husi fundasaun mundu nian." Mateus 25:34.

Tuirmai ne'ebé mak hetan sasoin sei hetan bemvindu ba uma ne'ebé mak Jezús prepara ba sira. Iha-ne'ebá sira-nia maluk sira laós ema aat sira husi rai, bosok-teen sira, idolatria sira, la kamoos, no fiar-laek; maibé sira sei asosia ho sira-ne'ebé mak manan ona Satanás no liu-husi grasa divinu hetan forma tiha ona sira-nia karakter sira perfektu. Tendénsia nakonu-pekadu hotu-hotu, imperfeisaun hotu-hotu, ne'ebé hasusar sira iha-ne'e hasai tiha ona husi Kristu nia raan, no exelénsia no nabilan husi Ninia glória, liu fali nabilan husi lorumatan, sei fó ba sira. No furak morál, perfeisaun husi Ninia karakter, haroman liu-husi sira, ho valór ne'ebé kompara-labelek liu fali glória liur-nian ida-ne'e. Sira mak sein kulpa iha tronu boot mutin nia oin, fahe dignidade no privilejiu sira husi anju sira.

Iha vista husi eransa gloriozu ne'ebé bele sai ninian, "Saida mak ema ida sei fó hodi troka ba ninia klamar?" Mateus 16:26. Nia bele kiak, maibé nia soi iha nia-an rikusoin no dignidade ne'ebé mundu nunka bele fó. Klamar hetan sasoin no hamoos husi pekadu, ho ninia

podér nobre hotu-hotu dedika ba Maromak nia serbisu, ne'e valór aas tebes; no iha-ne'e ksolok iha lalehan iha Maromak nia prezensa no anju santu sira, iha klamar hetan sasoin nia leten, ksolok ne'ebé mak espresa iha knananuk santu triunfu nian.

P.K Disionáriu

Admira- Sai hakfodak tanba buat labaibain ida.

Automasaun-hahalok automatiku. (Indo. Bergerak Secara otomatis)

Avenida- Lurón luan no loos iha sidade nia laran, baibain ho aihun iha ninin sorin-sorin ka kuda ai iha klaran.

Axensaun- Ita Naí Jezús Kristu hiit an ka sae ba lalehan.

Dadulur- 1. Hahalok dulur nian.

2. Hahalok ka atitude dulur nian. Sino. babeluk, amizade

Denúnsia- haksi'ak, dehan-aat, hatete aat, duu.

Dezagradavel- Ne'ebé ita ladún gosta; ladún diak. La agradese.

Dezaprova- La fó aprovasaun, la fó lisensa

Dezesperadu-lakon-neon.

Egoista- Ne'ebé hanoin, tau matan ka fó interese liu ba nia an duké ba ema seluk. Substantivu

Egoizmu

Enfeita- Tau ai-funan, dezeñu, imajen, hena, tais ka dekorasaun seluk atu fatin ka ema ruma bele sai furak liután. Sino. hafunan, hafutar

Eransa-liman-rohan
Erda- simu rohanliman.
Eremita- Ema ida ne'ebé horik mesamesak, liuliu atu reza no halo sasidak ka meditasaun.
Eskarlata-(Indo. Kirmizi; English scarlet)
Esklui- Hasai ba líur, la hatama.
Eskravidan- Kondisaun halo ema sai atan, trata nia hanesan atan ka obriga nia atu serbisu makaías ba patraun ida laho direitu ida atu hetan selun ka liberdade. Sino. hahatan
Esplísitu- Ne'ebé klaru, momoos, la halo laran-ruak.
Estragu-halo aat.
Estrañu-ema-foun, ezkizitu (Indo. Orang asin; English. Strange)
Exetu- La inklui, la sura hotu, la kona. 2. Maibé laós. (Indo. Kecuali)
Falidu—Ne'ebé osan-laek hela tan falénsia (tan bankarrota).
Falla- La hetan susesu, la konsege.Sino. suri

Favorável- Ne'ebé bele tulun ka fó kadi'iak ka benefisiu ho dalan ruma.
Felizmente-ho sorte, tan sorte, ho kontente.
Frustra- Hanetik ema ida hosi buat ne'ebé nia hakarak no halo nia neon-sala; halo atu berleki Sino. habekan
Globu- 1. Forma kabuar hanesan bola. 2. Modelu kabuar ida ne'ebe reprezenta planeta Rai.
Haninu- hateke ba sorin-sorin, hodi haree saida mak akontese.
2. Hateke ba buat ruma ka ema ruma iha tempu balu nia laran. Sino. observa
Hissopu-(Indo. Hisop; English. Hyssop)
Impenitente- (Ema) ne'ebe la halo peniténsia.
Induljénsia-perdaun ka halivre husi hein kastiguan. Toleránsia
Infinitu- Ne'ebé la iha rohan. Sino. rohan-laek
Injustisa- 1. Kondisaun la iha justisa. Sino. justisa-laek 2. Kondisaun trata ema la tuir loloos dalan.
Jerminasaun-hahú moris ka krese husi fini.

Jugo-(Indo. Kuk; English. Yoke)

Karmezin-(Indo. Kain kesumba; English. Crimson)

Kehan- 1. (Iha dialetu balu) Fatin ho didin haat iha uma laran. Sino. kuartu

2. Kuartu boot no kapás ba públika ka comunidade uza. Sino. Sala. (Indo. Bilik, dewan, majelis)

Klamar- Ema ida nia hanoin, karakter, ideia no sentimentu sira. (Indo. Jiwa; English. Soul)

Koerénsia- (Hanoin ka liafuan) ne'ebe kona loos no tuir lójika.

Kompaixaun- Sentimentu laran-kasian ba ema seluk ne'ebé hetan susar ruma. Sino. Sadi'an, piedade, raroan

Konsesaun- Buat ida ne'ebe ita permite ka simu, maski ladún hakarak.

Korporifikasaun-hakisi. Sino. inkarnasaun

Kredensia-maksimuk husi fiar id aka ezije katak loos.

Laran-Makerek- (Hahalok) ne'ebé hakfudik ka finje katak ita gosta ema ruma ka buat ruma

bainhira tuir loloos ita la gosta ida; (ne'ebé) subar ita-nia hanoin laran nian ho intensaun atu habosok ema seluk. Sino. ipókrita (adj.); ipokrizia (subst.)

Laran-Murak- (Hahalok) ne'ebe hatudu katak ema nia laran di'ak no gosta tulun ka halo kontente ema seluk. Sino. laran-kmanek

Majestade-kmanek ba'in, raromak

Manarak- (Ema) ne'ebe soi tatuur ka pozisaun aas.

Moda- Maneira partikulár kona-ba hatais rupa ka arte ne'ebe grupu ka sosiedade ida gosta iha otas ida nia laran.

Monje- Ema-mane ne'ebe moris tuir regra monástika, membru comunidade monástika ida nian.

Neutraliza- Halo atu sai neutrál; 2. Halo fraku, hamihis atu hasai perigu ruma.

Neve- (Indo.Salju; English. Snow.)

Notavel- Ne'ebe dada ita-nia atensaun. 2. Importante. Sino. naklalir

Omnipotente Ne'ebe bele halo hotu-hotu.

Substantivu.

omnipoténsia

Omnisiensia-ne'ebe hatene buat hotu-hotu

Ornamentu-hafunan, enfeite.

Paraisu- Maromak Nia horik fatin. Sino. lalehan 2. (arti figuradu) Fatin ida ne'ebe ita konsidera furak no diak tebes.

Peregrinasaun- Viajen ba fatin santu. Sino. hakdalan-lulik

Perpétua- kontinua nafatin, nunca para

Persege Haterus ema hodi tuituir hela ema nia kotuk atu halo aat no liuliu tan motivu politiku. SINO. hanehan

Persistente- Ne'ebé hatudu laran-metin ka laran-toos hodi kontinua halo nafatin buat ruma maski iha opozisaun ka bandu atu halo. Sino. mahetok

Perspetiva- Hahalok haree dala ida ba tempu oin ne'ebe atu mai. 2. Dalam ida hodi haree ka koíalia kona-ba buat ruma. Sino. hareen

Persuade Dada, liuhosi liafuan ka argumentu díiak ida, ema ida atu halo buat ruma ne'ebe nia lakohi halo ka ta'uk halo; fó liafuan midar ba ema atu halo nia tuir ita-nia hakarak no fiar katak buat ne'ebé ita dehan ne'e loos. Sino.hamaus. substantivu

Persuazaun

Perverte- Estraga ka muda buat ida ka ema ida hodi hadook tiha hosi nia natureza ka lala'ok normál; hafila ba aat (liuliu ho sentidu morál).

Postu- Estasaun tropa siranian ka guarda políisia nian; fatin hodi konsentra hamutuk hodi rona ka simu orden ruma hosi boot sira

Prezunsaun-fiar ba buat ruma bazea ba evidensia razoável ka iha buat ruma hatene atu sai loos.

Propoin Hato'o hanoin foun ka planu ida. Sino. sujere, hahoin

Rekerimentu- Surat formál hodi ba buat ka kargu ida. SINO. hahusuk

Revela- Fó sai ba ema kona-ba liasumik ka segredu ruma; loke atu ema seluk hatene. Sino.

Haloke. Substantivu
revelasaun

Ruina- rahun,sobun

Supoin Simu possibilidade
ruma, hali'is ba fiar buat
ruma.

Tarefa- Serbisu ida ne'ebe
haraik ba ema ida atu
hala'o to'o hotu. Sino.
knaar, kneter

Tusi- Tau tan hahirak ka
kuantidade ida; halo
adisaun. Sino. aumenta

Visiadu- Ne'ebé toman
ona vísiu(kostume aat
lahalimar) ruma.

Vista- Matan nia
kapasidade naturál atu
haree.

Vizaun- Matan nia
kapasidade atu haree di'ak
no loos.

Zelu- Laran-manas ka
entuziazmu maka'as, liuliu
kona-ba fiar ka relijiaun.

Maromak fó bensen ba ita-nia estuda

